

**NATIONAL ASSEMBLY OF
SEYCHELLES**

Tuesday 4th November 2025

The Assembly met at 9am

National Anthem

Moment of Reflection

Madam Speaker in the Chair

MADAM SPEAKER

Mon a dir bonzour tou bann Onorab e tou dimoun ki pe ekout nou. Nou rebran nou travay ozordi. Nou vwar nou annan nou *Revized Order Paper*, so mon ava demann Onorab Lemiel pour li prezant son Mosyon.

HON SYLVANNE LEMIEL

Mersi Madanm Speaker. Bonzour tou mon bann koleg Manm Onorab e tou dimoun a lekout. Mosyon i al konm swivan ;

In accordance with Articles 63(1) and 69(2) of the Constitution, this Assembly approves the proposed appointment by the President of the Republic of Ms. Veronique Bernadette LAPORTE to the office of Minister. Thank you.

MADAM SPEAKER

Onorab Gill?

HON CHURCHILL GILL

Mersi Madanm Speaker. Bonzour Madanm Speaker, bonzour tou Manm e tou dimoun ki pe ekout nou. Mosyon *seconded*.

MADAM SPEAKER

Mersi. Mon a demann Sekretarya pou fer Ms Laporte antre dan *Chamber* e nou ava an menm tan *resolve to* nou *Committee Stage*.

Bonzour Ms Laporte, mon avan demann ou pou fer en pti prezantasyon pou nou bann Manm avan nou pran kestyon.

MS VERONIQUE LAPORTE

Bonzour Madanm Speaker. Mersi e mon a profite pou osi *congratulate* ou lo ou *post koman Speaker of the National Assembly*.

MADAM CHAIR

Mersi.

MS VERONIQUE LAPORTE

E mon'n ganny demande pou adres ou koman Madanm Chair bomaten e mon pou fer mon mye pou mwan pa fer sa *mistake*.

Bonzour Manm Onorab e bonzour tou bann dimoun ki pe ekout Lasanble bomaten. Mon apel Veronique, Bernadette Laporte. Mon grandi Foret Noire me pou lemoman mon pe reste dan distrik Au Cap. Mon en manman – mon annan en fiy ki byento pe al 15an e *basically* en *teenager*.

Madanm Chair, lo kote mon akademik, mon CV, mon mazine tou dimoun in ganny sans vwar, repas lo la. Lo kote akademik mon ti en zanfan NYS, mon'n fer politeknik e apre mon'n ganny loportinite *through a grant* avek Gouvernman Sesel sa letan pou mwan al fer mon *studies United Kingdom*. Mon'n fer *undergrade* en *Bachelor of Business and Business Administration and Human Resources Management* e apre sa pli tar mon'n *seek as much opportunities as possible* – mon'n toultan anvi fer mon *master*, e *again* mon'n ganny loportinite *through Government* me en *grant* avek *Commonwealth* pou mwan al fer mon *master in Auckland, New Zealand*.

Mon enn bann dimoun ki'n vreman sanse dan lavi. Mon'n ganny bokou loportinite ki mon'n servi, mon'n travay dir pou mwan kapab ganny mon letid e mon annan gratitid

byensir ek tou bann dimoun ki'n ed mwan pou fer li.

Lo kote mon karyer Madanm Chair, bann Onorab, zot in vwar lo mon CV mon karyer kot mon'n bouz bokou – *every 2 years, every 4 years*. Mon ti komans kot *Ministry of Industry and International Business* ki apre ti ganny separe avek *SIB*. Mon ti vin en Direkter kot *SIB* apre mon'n move dan sekter prive kot mon'n pran en gran *challenge* pou *manage* 3 lakonpannyen ki *belong to the same ownership and that was CCCL, Island Motors and British Motors*. I pa ti en keksoz fasil me i ti mon pwen depar kot mon'n vreman konnen ki *savedir management and leadership*.

E parey zot konnen sa bann letan nou ti dan en letan napa *forex* e in vreman pran en kantite within me ansanm ek nou bann *stakeholders* pou nou kapab vwar en fason pou nou kapab fer marse sirtou kot ti konsern *construction materials* sa letan kot demann ti vreman o, me *supply ti low*.

Apre 4an mon ti rann lapel Gouvernman pou mwan *move back to Government* e mon ti al kot *SPTC* e la kot *SPTC* osi mon'n fer 3an e apre *SPTC* mon'n ganny demande pou al kot Minister Lasante e kot

Minister Lasante i sel landrwa kot mon'n *really baby steps in terms of achievement* ki mon ti anvizaze fer.

E apre Lasante, byensir mon'n *move* kot *STC* kot mon'n anmenn bokou sanzman osi avek atraver mon tim e mon'n fer 4an e apre 4an mon deside – parey nou konnen laz pe monte e mwan mon en dimoun ki annan *goal* dan lavi e mon vwar ki mon bezwen sey regarde pran en en risk dan mon lavi, sorti en pe dan mon *comfort zone* e al pran risk e regarde si mon kapab vin *my own boss basically* e *invest*.

E alor mon'n fer li - mon'n seye, *COVID* in tap nou – mon'n ganny tape ek *COVID* parey tou dimoun me mon'n remonte dan mon bann biznes – mon'n sey gete ki mon kapab fer e pandan ki mon ti pe fer sa osi mon ti ganny en *call* pou regarde si mon le vin travay *SKYCHEF*. E la mon'n agree aköz zanmen mon'n dan sekter *food catering per se*. E mon ti dir ti en loportinite pou mwan kapab antre dan sa sekter e mon'n fer li ziska ozordi mon dan sa sekter.

Sa an gro Madanm Chair, mon parkour e an plis osi mon ti annan bann *Board* diferan lannen mon'n lo diferan *Board*, *SLTA*, *SMSA*, *Air Seychelles* e

lastly la mon lo *Board ABSA* kot mon ganny en pe *financial insight* lo kote bann zafer *banking* e byensir si mon vin Minis, i pou bann – mon pou bezwen *resign* lo sa *Board*.

Si bann Onorab Madanm Chair, zot regard mon *CV* zot pou war mwan mon pa en dimoun teknikal – mon en dimoun ki toultan – mon *strength basically* i anmenn *technical people together and lead*. E partou kot mon'n ale mon'n fer sa – mon'n *lead* tim ki annan bann *technical expertise* e mon'n fer sir dan sak domenn – dan sak sekter ki mon'n travay mon annan sa bann tim – mon annan sa bann ekspertiz ki mon kapab kont lo la.

E osi mon en dimoun ki'n toultan – toultan konekte avek tou *stakeholders*. Par egzanp *SPTC* ler nou ti annan bann sanzman larout, mon ti vin devan mon ti vin *call* bann *MNAs*, bann *DAs*, travay ek zot e menm piblik nou ti anmenn zot *on board* pou fer sir ki sa bann sanzman ki pe ganny fer i pou *improve* servis. Mon'n toultan fer sa.

E parey mon'n dir mon pa en dimoun teknikal. Par egzanp mon pa en dimoun ki pou *crunch numbers* e fer *economic analysis* – mon pa en ekonomis, mon pa en

accountant me selman mon pou kapab lir en *financial statement* – mon pou kapab ler mon tim i anmenn kot mwan.

Par egzanp nou pe fer en sanzman en proze mon pou kapab *identify* serten *weaknesses*, *inconsistencies*, me si ou dir mwan al *crunch*, al fer isi al fer laba, mon pou kapab fer li me i pou pran plis letan e mon pa krwar sa i en keksoz ki neser.

Ler mon ti CCCL mon pa ti kas ros, mon pa ti fer blok, me selman ler *blaster* in fini mon pou vwar si i ti *according to rules and regulations specifications*. Menm zafer sa blok ler mon pou pase mon pou konnen si sa blok i pe *meet requirement* e *whether* i en blok ki nou kapab vann pou nou bann *customers*.

E dernyerman par egzanp kot mon été la ozordi mon pa en *cook*, me selman mon'n kapab *lead* en tim ki kwi manze. Diferans petet en pti gin se kot *SKYCHEF* mon pou bezwen goute, en, mon bezwen teste sa manze e mon pe sey *hide* en pti gin anba *jacket* ozordi rezilta, me le pwen se ki mon en dimoun ki *strength* – mon *strength* i *leadership and management*.

Yes, mon annan bokou *weaknesses* parey nou tou e

mon *acknowledge* mon *weakness* e mon toultan sey travay lo bann *weaknesses* ki mon annan. E ozordi mwan mon en dimoun tre onnet e mon pa pou asize devan Lasanble pou dir ki mon pa pou zanmen *describe* mon lekor koman en dimoun ki kalm toultan.

Mon en dimoun ki travay onnetman – mon travay avek *wisdom* ek entegrite me mon osi annan sa *emotional side* avek mwan ki mon rekonnet. E *over the years* mon pe travay avek ki fer mwan en pe *vulnerable*. E *somebody can argue vulnerable is good, it's healthy* me parfwa osi ou vwar kot sa lemosyon i anmenn mwan dan en parti kot kekfwa mon pa kominik byen. Mon en pe tro eksite mon mazine e parfwa *depending* lo ou leksperyans ek mwan mon pou ganny *described* dan diferan fason.

Me lenportans Madanm Chair, se ki mwan mon en dimoun ki vreman onnet, mon konsilte bokou – pa vedir mon pa pran desizyon mon pran desizyon e mon anmenn tou dimoun ansanm pou fer sir sa servis ki mon pe donner i alaoter e sa servis mon tim i konpran e nou bouz devan ansanm. Se sa mon ti anvi dir bomaten Madanm Chair e mon dernyen mon petet se en pli – en

hope ki nou'n annan ozordi en sanzman e parey dan lorganizasyon partou kot mon'n ale mon'n anmenn *change management* i pou en sanzman ki nou pou bezwen *go through*, ki Lepep Seselwa i bezwen *go through*.

Avek tou senserite mon demann nou tou pou nou travay linite, vre linite nou *lip service* e mon demande ki nou tou nou *embrace* sa *change*. Travay ansanm, donn sipor kot fodre donn sipor pou nou anmenn Sesel devan.

Mersi Madanm Chair.
Mersi Onorab.

MADAM CHAIR

Mersi Ms Laporte. Avan mon pas lo kestyon, zis en pti leksplikasyon pou benefis; piblik ki pe ekout nou, lo akòz Ms Laporte in ganny *advised* pou li *refer to the Chair as Madanm Chair*, akòz la nou dan *Committee of the Whole Assembly* e letan nou *Committee of the Whole Assembly*, *presiding officer* i ganny *refer to as the Chair*.

So aprezan nou a pas lo kestyon. Onorab Romain?

HON GEORGES ROMAIN

Mersi Madanm Chair. Bonzour Madanm Chair; bonzour tou koleg Onorab, bonzour Ms

Laporte e tou dimoun ki a lekout la bomaten.

Ms Laporte mon premye kestyon anvi ki parey ou menm ou 'n fer resorti nou tou nou konnen ou'n travay dan Gouvènmman koman menm PS, pozisyon PS apre ou'n fer bokou travay dan bann biznes prive ou kapab dir. Mwan mon kestyon mon ti a kontan demann ou anvi ou'n war sa lalis ki pou ganny arive dan 100 zour si ou ti kapab dir ek mwan anvi ki ou pou al en Minis dan sa Gouvènmman, ki ou krwar 2 keksoz dan sa lalis – bann lalis ki pou arive dan 100 zour, ki ou krwar i pou pli difisil pou zot enplimante ?

Apre mon 2enm kestyon vitman, anvi ki ou'n deza en CEO kot SPTC pou en peryod pre 3an mon konnen nou Gouvènmman - sa Gouvènmman ki la ozordi Dokter Herminie ti fer resorti – Prezidan Herminie ti fer resorti ki zot pou al koup bis par 40poursan son pri tiket e si nou bis ti R10 byensir i pou vin R6, anvi ki ou'n travay laba, byensir ou konn son bann defayans anba kot SPTC e alors me nou'n konnen osi ki zot pe al entrodwir bis elektrik dan le fitir, anvi osi ki Gouvènmman ti pe sibvansyonnn SPTC a en moman ou en lot, alors mon pe demann ou sa kestyon si ou

krwar sa 40poursan lo pri tiket bis i pou en keksoz ki pou vyab ? Alors mon ti a kontan dan ou prop mo eksplik nou ki pou panse lo la. Mersi Madanm Chair.

MADAM CHAIR

Ms Laporte ?

MS VERONIQUE LAPORTE

Ok, mersi Onorab. Mon pli alez avek 2enm kestyon so mon a pran 2enm kestyon avan si ou permet mwan. Ok, dan mon letan ler mon ti *manage SPTC*, bis ti R5 e mon osi apresye ki ozordi tou keksoz in monte, *fuel, spare parts* e *SPTC* koman en biznes i bezwen vyab, ok ? Ou'n dir manifesto in dir 40poursan i fer vin R6 apepre e baze lo mon konesans lo mannyer *SPTC* i *managed*, mwan mon pou asize la mon pou dir ek Lasanble nou pou kapab fer li. Nou pou bezwen retourn lo *drawing board*, regard en pe – aköz zot konnen dan en biznes ler ou reveni i desan – ozordi manifesto pe dir R40poursan, demen i kapab en lot *force majeure* kot en biznes i war li reveni i desann, ler reveni i desann ki nou fer ? Nou bezwen *go back to the drawing board*, regard nou bann kou, regard bann *wastage* ki pe ganny fer dan lakonpannyen si

i annan e regard li byen pou fer sir ki nou vyab e nou annan profitabilite.

E dan mon leksperyans 3an ki mon'n fer *SPTC*, mon pou dir wi, nou kapab fer li. Eski i pou fasil ? Non, i pa pou fasil e bann *staff e Management SPTC* i bezwen pare pou zot kapab konpran ki savedir profitabilite, konpran ki savedir prodiktivite e ansanm nou a travay ek mon koleg Minister dan Lasanble avek bann *Management ek staff SPTC* pou nou fer li arive e enplimant sa komitman.

Ou'n koz lo sibvansyon, lo menm kestyon mon krwar i larepons i ladan, se ki si nou fer li byen nou pa pou bezwen sibvansyon. Dan mon letan ler mon ti *SPTC* nou pa ti bezwen sibvansyon e nou ti menm fer bann *capital investment through our own funds by the buses*. Be osi mon konnen ki i annan en bon pe sanzman depi ler in ariv *STC (*SPTC*) lemonn in sanze, kou in sanze e mwan mon pou repete ki nou pou kapab fer li.

Lo kote lalis 100 zour, pli difisil, mon'n lir mon'n konpran mon vwar tou keksoz i pou kapab ganny enplimante. Byensir ansanm avek mon bann koleg Minis, ler bann *challenge* i vin devan nou, nou

a travay ansanm, nou ava met lide ansanm e fer li arive.

Mwan *personally* ler mon'n lir mon pa'n war okenn keksoz ki pou difisil. Mon war i bann keksoz ki'n ganny mete pou fer sir ki nou pe *uplift* nou *citizen*, nou pe *uplift* nou pei, anmenn li devan e pa kit personn deryer.

Portfolio responsabilite ki mon pou gannye ler mon regard bann keksoz 100 zour, dan 100 zour ki annan pou fer, nou kapab fer li Onorab. Nou annan bokou dimoun entelizan dan nou bann diferan sekter dan nou bann Minister. Nou pou annan nou bann dimoun teknik, ki pou travay ansanm avek bann Minis, pou nou fer li arive. Mersi.

MADAM CHAIR

Onorab Trevor Louise ?

HON TREVOR LOUISE

Mersi Madanm Chair. Bonzour Madanm Chair, bonzour tou Manm, tou dimoun ki a lekout. Bonzour Ms Laporte, felisitasyon lo ou nominasyon. Mon kestyon pou ou Ms Laporte se anliny avek manifesto *United Seychelles*, i annan en bout ladan ki koz lo - 'En nasyon ou servis' - e pou plizyer lannen nou'n antann ki i annan bokou leokri lo nou *service delivery*

dan Gouvernman; i annan bokou departman ki *understaffed* e zot *overwhelmed* zot annan kantite louvraz e zot osi *underpaid*, ki bann mekanizm ki ou pou vin avek koman en Minister pou asire ki Lepep Seselwa e piblik an zeneral i ganny en pli bon servis ? Mersi.

MS VERONIQUE LAPORTE

Mersi Onorab. Gouvernman i dan biznes servis. Mon krwar dimoun i elekte Gouvernman pou fer sir ki nou pe *deliver*. E dan tou sekter, donn en servis ki dimoun i kapab apresye e service *delivery* i en keksoz ki dan mon parkour mon'n toultan pouse pou fer sir nou *deliver service at* en oter.

Parey dan manifesto zot in lir *AI* i enn bann *tools – ok –* ki nou pou servi. Prodiktivite i serye e mon krwar nou bann travayer i bezwen konpran ki savedir prodiktivite. Travayer nou tou nou bezwen leve, travay e vin travay dan en lorganizasyon pou nou delivre.

So pour mwan enn bann keksoz se nou *human resources*. And let's say *human resources* i en keksoz ki pli, pli *challenging* pou okenn manager dan okenn *be it public, be it private*. Be nou bezwen *take care of our human resources*.

Nou bezwen fer sir ki zot motive pou fer sa louvraz. I pa vedir nou *spoon-feed them*. Nou bezwen kre sa lanvironnman.

E mwan mon kapab ziz e bann keksoz ki mon pou dir – bann keksoz ki mon pou osi anmennen si mon ganny aprouve koman Minis, aköz mon annan bann *core values* ki mon toultan anmenn ek mwan dan tou mon bann parkour, *honesty*, travay dir, entegrite i bann keksoz ki nou bezwen *incur* dan nou bann travayer e fer sir ki zot pe delivre e ler zot pe delivre nou bezwen fer sir zot ganny *compensated*.

So pou mwan *service delivery* i depan lo sa *leadership* dan sa lorganizasyon, i fer sir. E en lot keksoz ler nou pe koz lo *human resources* nou bezwen kler ki rol *each of* nou ler nou vin travay ki nou rol. E en keksoz ki mon war par egzantp ler mon pe – dan bann diferan lorganizasyon *even the job description*, bokou nou sinyen nou pa konnen ki i dir. Kantite fwa mon asiz ek travayer mon dir *ok* zot dir mwan zot le *increment*, zot le isi, zot le laba, mon dir be “*ok*, oli ou *job description* annou gete ki ou’n fer lo la ?”

“Ar mon pa ti konnen si mon ti bezwen fer sa, *or* mon pa

tro, tro asire “ *or whatever the reason is*.

E nou bezwen annan sa *leadership* dan lorganizasyon e menm prive e *public*. Nou bezwen konnen ki nou bezwen fer e *employees* i bezwen *accountable*. E byensir dan manifesto Onorab, i annan bokou bann keksoz ki in ganny mete ki an faver nou bann *staff*, an faver tou bann dimoun ki travay. E mon konnen petet mon a ganny en kestyon pli tar lo sa 13 mwan saler. E mon ava eksplike mon pa pou reponn li lo la – me 13 mwan saler osi i kapab vwar koman enn sa bann *scheme*.

E byensir lezot fason ki’n ganny mete pou *deliver* sa servis. E mon krwar mon pou *wrap up* entervansyon par dir ki sa Gouvernman enn fwa pou tou – nouvo Gouvernman anba *leadership* Mr Patrick Herminie nou bezwen pran aksyon pou *increase service delivery – no more lip service*. Mon annan tre gran konfidans ki bann Minis – mon bann koleg Minis e nou bann travayer pou pran sa an kont. Mersi Msye Onorab e fotespere mon’n reponn ou kestyon.

MADAM CHAIR

Onorab Herminie?

HON WILBERT HERMINIE

Bonzour Madanm Chair. Mersi Madanm Chair. Bonzour tou koleg Onorab e tou dimoun a lekout. Bonzour Madanm Laporte, *welcome* dan Lasanble.

Madanm Laporte mwan mon konfidan apard mon konn ou personnelman ki nou'n travay ansanm – mon konn ou kapabilite e osi mon'n get ou CV ki ou byen grade e pou bann dimoun ki anvi travay mon konnen anba ou zot pou bouz devan aköz ou, ou en dimoun ki pous ou *staff* pou delivre e lo kote *training*, lo kote finansyel ou la pou pouse, sa mon serten lo la, mon napa okenn dout.

Mon kestyon pou ou Mrs Laporte, ler mon pe lir nou manifesto paz 12 i dir deblok potansyel fodre nou krwar pa zis dan program ek Polisi me dan Lepep. Sa i anmenn mwan lo mon kestyon aköz koman en dimoun ki'n travay – ou dir mwan ou pa en dimoun teknikal dan bann *field* me solman mon'n war mon'n war ou'n travay dan DBS, kot ou'n travay ek bann SMEs. Sa en keksoz ki pre avek leker nou parti kot nou tou kou pouse pour bann pti biznes kapab devlope sirtou bann zenn.

Vi ki ou en dimoun ki'n travay dan sa bann dosye e nou konnen ki pour bann *small*

business sirtou bann zenn ganny akse ek finansye i en problem konmela, so ou koman en Minis dan sa *Cabinet* ki pou al pran labar, kwa ki ou pou fer pou bann zenn sirtou ganny akse avek finans pou nou kapab tir sa bann baryer pou zot ganny akse avek finans pli fasil ?

E osi lo kote pou zot ganny en landrwa pou zot kapab fer zot bann pti biznes parey lontan ti annan Bazar Viktoria ki en keksoz ki mon krwar ou kapab pouse pou li rekomanse, me solman lokasyon i en *issue* pou bokou bann pti biznes ki pe komanse, i annan biznes ki nou kapab fer dan lakour, sa mon dakor, me solman i annan biznes ki pou bezwen lokasyon parey bann pti garaz eksetera, eksetera ki mon pa pou al dan tou.

Epi mon dezyenm kestyon pou ou Mrs Laporte, ou'n en dimoun ki'n dan sekter biznes kwa ki ou koman en Manm *Cabinet* ou pou fer pour ou kapab *improve the ease of doing business* dan Sesel ? Mersi Madanm Chair.

MS VERONIQUE LAPORTE

Mersi Onorab. Mon kontan pran 2enm kestyon mwan tou kou i paret mwan. *Ease of doing business*, again i en keksoz ki

Gouvernman en fwa pou tou – *ok* – fer li arrive. E mon krwar nou pou fer li arrive.

Dan mon parkour ler mon ti pe fer *consultancy* mon ti annan en proze – en *consultancy work* ki mon ti fer kot – ti egzakteman sa – pou *review* dan lekonomi *the ease of doing business*. E mon'n ganny en bon pe leksperyans lo la aköz mon asiz ek bokou *stakeholders, tourism, licensing*, tou bann *requirement* e mon krwar in ler pou nou ansanm ek Gouvernman, ansanm avek mon koleg Minis ki pou ansarz bann biznes *investment* dan *Cabinet* regard en pe nou bann *pro investment policies*. Tire sa bann lanpayman ki bann *bureaucracy* enn fwa pou tou kot en dimoun i bezwen konnen – annan *clear policies – clear guidelines* kot en dimoun i bezwen konnen si mon pe al *invest* dan sa sekter, sa ki mon bezwen fer pou mwan kapab ganny en *license*.

E mon krwar nou koman en Gouvernman si mon vin Minis, mon form par en *Cabinet*, mon pou kontinyen met lanfaz – *emphasis* lo *policing*, *rather* lo bann lanpayman ki vini devan.

So - e sa i vedir ki *onus* – *onus* i lo sa *investor*, i lo sa biznes ki pe fer sa

lenvestisman. So pou *mwan ease of doing business* e baze lo mon leksperyans i pa en keksoz difisil pou fer. *It's a political will* e en *will* avek tou *stakeholders* pou nou travay ansanm pou nou kapab fer li. So wi, Onorab, i pou en keksoz ki pou ganny fer anba ladministrasyon Prezidan Herminie ansanm avek tou mon bann koleg.

Lo bann *SME*, i fer mwan mazine - ler ou demann mwan sa kestyon i fer mwan mazine ler mon ti fek komans travay – avan mon ti al mon letid parey zot vwar lo mon *CV* mon ti fer detrwa – apepre en 9 mwan konmsa kot *DBS* letan mon ti vini ti annan en problenm *staff* la zot ti met mwan ek bann *small enterprise* kot nou ti annan en sistenm kot nou ti kapab *apply* e aköz mon ti napa leksperyans mon ti ganny mon krwar pli ba R50mil – bann pti proze R50mil – bann pti proze R50mil.

E la ki mon'n rankontre bokou *small business* en, e through *DBS*, zot in ganny akse e par egzanp ti annan en fwa osi mon pe desann en madanm i apros mwan i dir mwan “ou rapel mwan?” Mon dir li non, i dir mwan “be ou ki ti fer mon msye ganny son bato sa bann letan.”

So Gouvernman i pou kontinyen – mon mazine ansanm ek mon bann koleg, travay ansanm pou nou vwar kan mannier nou kontinyen *facilitate* sa bann *access to credit*.

Nou ava travay pros avek labank e *being a director on one of the banks* mon konnen i annan bokou ki pe ganny fer pou fer sir ki i annan *access to finance for the small enterprises*. E nou bezwen osi annan bokou ledikasyon – en? E en keksoz ler mon'n lo *Board* osi, nou dir *ok, it's good to just give ou loans - give out finance*, mon krwar i vin osi avek ledikasyon, konpran.

E sa i bezwen komans ankor dan nou rol, ledikasyon li menm ki dan manifesto in koze en kantite lo ledikasyon kot nou bezwen sirtou avek nou bann youth edik zot *financial education because* koz *access to credit it's good; pran en loan is good is it always good?* Eski nou annan lot fason pou nou kapab zer nou biznes ? So nou bezwen vwar aköz ki bann fason.

E pou mwan wi, nou bezwen annan *access to business, sorry access to finance*, me nou bezwen konpran osi ler nou annan

access to finance e ler nou pe andet nou lekor *what it means*.

En *business plan for example* nou bann pti antreprenner eski zot konpran ki savedir en *business plan*? Eski zot ganny led pou fer en *business plan*? Eski zot kapab defann zot *business plan* pou zot kapab ganny sa *access to credit*?

So sa i bann keksoz ki nou bezwen travay lo la pou fer sir ki nou bann *small entrepreneurs* e nou pou annan en Minister ki pou ansarz sa bann keksoz – biznes – small business e mwan ou'n demann mwan mon lopinyon lo *Cabinet* mon a travay ansanm ek mon bann *colleague*, met mon pwennvi – *share* mon leksperyans lo la pou vwar kan mannier nou kapab ede, travay ek bann *stakeholders* ek bann labank, ek *Development Bank*, e lezot *commercial bank*, pou vwar *how we have* met an plas bann akse finansyel. E mon krwar osi dan manifesto in tous lo la. Mersi Onorab.

MADAM CHAIR

Onorab Woodcock ?

HON WAVEL WOODCOCK

Mersi Madanm Chair. Bonzour tou dimoun a lekout, tou koleg Onorab e Madanm Laporte.

Mon premye kestyon, ou ti *CEO* *STC* an 2013 ziska 2017 e an 2013 ti annan en gro skandal kot i konsern propriyete Gouvernman VI0104 Bois De Rose ki ti ganny *lease* – en propriyete Gouvernman ki ti ganny *lease* avek en parti politik Parti Lepep, ozordi *US* an 2013 e sa propriyete ti ganny *lease* pou plizyer lannen – *US* apre ti relwe sa propriyete ki’n lwe avek Gouvernman pou *peanuts*, ti relwe sa menm propriyete avek *STC* pou R823mil. E Parti Lepep plitar - *US* ti vann sa later avek *STC* pou R17milyon ki ti en gro skandal, mon kestyon eski ou ti *aware* sa bann tranzaksyon sa letan ? E ki ou polisi anver Gouvernman lwe bann propriyete ouswa *building* avek en parti politik ? Gouvernman pe lwe propriyeter avek parti politik i en konfli lentere, eski nou pou war sa bann kalite pratik retournen ? Eski ou pou ankouraz sa bann pratik ? Mersi bokou.

MS VERONIQUE LAPORTE

Ok, Onorab mersi bokou. Wi, mwan ki ti negosye premye. Mon ti la ler mon ti pe rod *property* pou nou *improve service* kot *STC*. Mon en madanm aksyon, mon en madanm ki’n anvi fer keksoz,

mon *shareholder* in dir mwan fodre mon delivre e mon’n delivre. E pou mwan delivre mon bezwen lokasyon. E Onorab, taler mon’n bliye koz lo - ou ti demann mwan lokasyon pou bann *SME*, me *STC* osi nou bezwen lokasyon pou travay e mon ti travay *then* tre pre - mon pa pe donn ou zistwar mon pe dir ou laverite – fe ki’n arive – tre pre avek Minister Later sa letan ki’n fer mwan konnen i napa landrwa pou donn mwan pou mwan *extend*.

E mon *shareholder* in dir mwan mon bezwen ouver en lakonpannyen konstriksyon akòz ti annan bokou leokri deor. E pou mwan fer sa mon bezwen annan en lokasyon. E mwan ek mon tim nou’n rode partou, nou’n sey rode nou pa’n gannnen. E ti annan en loportinite lo sa later ki wi, i ti *belong* to Parti Lepep sa letan, e *knowing me* mon dir be oule mon perform, mon’n seye mon pa’n ganny landrwa - i annan en landrwa la donn mwan mon a travay.

E byensir koman en dimoun *business*, mon’n *treat* li koman en *lease* biznes. Byensir sa letan mon pa pou kasyet *US* ti anvi – *sorry* pa ti *US* – Parti Lepep sa letan ti vini avek en gro sonm – e mon rapel kot mon – zot ti *walk out* - si mon

pou *share* sa ki mon bezwen *share* ozordi – zot ti *walk out* akòz ler ti annan diskisyon akòz zot pa ti dakor avek mon *sum* akòz zot pa ti dakor ek sa ki zot ti pe demande. E nou ti fer en evalyasyon. E wi, Onorab *unfortunately* ti sel solisyon ki mon ti annan sa letan. E mon'n fer li – mon'n siny lagreman e mon'n fer sa biznes.

Ou'n koz lo revann e bann keksoz koumsa, mon pa *aware* – mon pa'n la ler in revann. Mwan mon lev mon lanmen anler mon dir wi, mon ti sinyen e wi, mon ti komans sa biznes lo later e nou ti *lease* avek Parti Lepep. Sa ki mon pou kapab reponn ou lo la. Larestan ki'n arive apre mon pou napa lenformasyon. Onorab, mon krwar mon'n reponn ou keston. Mersi Msye Onorab.

MADAM CHAIR

Onorab Athanase ?

HON KENETH ATHANASE

Mersi Madanm Chair. Bonzour Madanm Chair, bonzour tou bann Onorab, bonzour Ms Laporte. Mon annan ou CV i montre ki klerman ki ou *leadership* dan sekter prive e osi dan Gouvènmman ki kalite *leadership* ki ou krwar ou pou anmennen dan sa nouvo administrasyon ozordi ? Mersi.

MS VERONIQUE LAPORTE

Mersi Onorab. En pe parey mon'n dir avan, mwan mon en dimoun ki *manage* avek *wisdom*, avek lentegrite e mon pran mon responsabilté vremen serye – parfwà en pti pe tro serye. E sa mon *core values* *including* travay dir. E parey mon'n dir mon en dimoun mon *strength* i anmenn dimoun *together* pou travay. E se sa ki mon pou kontinyen fer. Mon pou anmenn mon bann *core values*.

E byensir koman en Minis mon krwar nou tou nou bezwen realize i annan sa mo ki apel *collective responsibility* e mon *bind* by sa koman en Minis. I pa vèdir ki mon pou napa en pozisyon pou mwan anmenn mon pwennvi – pou mwan kontinyen anmenn mon *core values*, me en keksoz ki mon pou toultan fer sir ki *portfolio* responsabilté ki mon pou annan Msye Onorab, mon pou anmennen sa bann *core values* e fer sir tou, mon tim, mon lekip ki anba mwan i ganny transmet avek zot sirtou lo kote lentegrite.

Si mon pou annan bann SOEs ki pou tonm anba mwan, bann CEOs i bezwen fer sir zot pe enplimant sa bann *core values*. *Leadership at the end of*

the day nou bezwen *lead* e ler nou *lead*, nou *lead by example*. E sa i en keksoz ki'n toultan *through* mon parkour e byensir mon pou kontinyen lager pou fer sir ki mon kontinyen avek sa bann *core values*. Mersi Msye Onorab.

MADAM CHAIR

Onorab Toussaint ?

HON JEAN TOUSSAINT

Mersi Madanm Chair. Bonzour Madanm Chair, bonzour Ms Laporte. Bonzour tou Manm ki pe swiv Lasanble ozordi bomaten. Ms Laporte, mwan mon pou tourn kestyon ver *STC* akòz mon konnen ou'n deza anget sa ... me selman rol prensipal *STC* prezizeman – mon konnen sete ou ki ti responsab pou restriktirasyon en pe, vwar son devlopman amenazman an relasyon avek lefikasite, bokou dimoun – kantite dimoun mon'n tann koz lo ler letan ou, ou ti la *STC* ti pe perform tre byen e apre sa - apre letan nou vwar poudir i pa pe – in dekil vreman, vreman lwen avek son lobzektif prensipal ki ti pe plizoumwen azir en_regilater pri kontrol en pe lo bann komodite esansyel; savedir bann komodite ki preski toulezour nou bann dimoun pe konsonmen, bi prensipal

zeneralman *across* nou manifesto, *US* se zisteman pou ede anmenn en meyer lavi pou Sesel, donk mon ti a kontan ganny ou pwennvi e ou lopinyon lo kwa vreman ... sa desantralizasyon *STC* ki nou tann nou Prezidan Larepiblik komant lo la, kwa vreman prensipalman ou ti a voudre vwar fer dan limedya pou nou retourn *STC* ver son lobzektif prensipal ? Mersi bokou.

MS VERONIQUE LAPORTE

Mersi Onorab. Wi, mon'n *manage* *STC* e dan bann letan ki mon ti *manage* *STC* mon manda ti kler, mon ti annan mwan 12 oubyen 14 – la mon en pti pe bliye – pe komans vye – *basic commodities* ki mon bezwen fer sir i toultan annan dan pei e pri pa sanze. E bann letan napa sibvansyon ki mon ti gannnen avek Gouvernman e nou pa ti bezwen sibvansyon. E koman en dimoun biznes mon'n bezwen fer sir ki mon'n *manage* *STC* pou fer sir ki mon delivre lo sa *mandate*, *but at the same time* mon bezwen fer sir ki i annan lezot stratezi aksyon ki mon pran ki mon kapab ganny *funding* pou mwan kapab delivre mon *mandate*.

So ansanm ek nou tim, nou'n travay bokou negosyasyon, *hmm* pou fer sir

nou ganny bann prodwi ki de bon kalite me osi prodwi ki *affordable*. Nou'n travay pou anmenn *choix* – e mon krwar sa i enportan – anmenn *choix* pou piblik akòz *let's say* dan lekonomi i annan diferan kalite *purchasing power*; i annan dimoun ki annan en *lower salary*, i annan *middle*, i annan *high*. E mwan ek mon tim nou bezwen war li en fason pou nou kapab mentenir nou manda.

E *hypermarket* ti en gro proze ki nou'n antreprann kot ti annan lespas, nou'n fer sir nou'n anmenn *choix* e lo sa bann *choix* ki pli gro nou'n kapab ganny *margin enough* pou nou kapab investir lo bann komodite. So mon'n vwar osi e mon dakor ki manifesto ki nou pou *expand* sa *basic commodities* e mon krwar i vreman – vreman enportan. E STC pou kapab fer li.

So, si ou demann mwan ki nou pou fer dan limedya si par egzant mon ti pe *interview* pou CEO STC ozordi, mon ti pou premyerman *assess* kot nou été, get en kou *capital* la akòz nou bezwen *cashflow*, me premye keksoz mon pou fer nou pou travay lo sa komodite – lo sa ki nou apel sa bann *essential commodities*, *expand* li, revwar mon tim – revwar en pe bann tim. Motivasyon *again redefine*

e *accountability*, *their responsibility* e nou bouze.

Nou fer aksyon nou anmennen, revwar nou bann kou si i annan kou e *go back to make sure* ki nou pe donn Seselwa, nou pe donn nou *customers*, tou dimoun *choix* e fer sir a tou moman nou annan komodite – prodwi esansyel dan pei pou tou dimoun. Dan manifesto osi nou'n war ki pou i annan en kart – en STC *cart* pou servi pou bann ki pli vilnerab e sa mon toultan dakor – mon 100poursan dakor avek sa e nou kapab fer li.

Byensir kart mwan ki ti lanse. I diferan. Ler mon ti lans kart i ti plis annan *commercial* kot ou *shop* pou ganny plis pwen e bokou bann dimoun ti *shop* lo zot pwen e sa osi ti en form pou asiste bann dimoun – sirtou bann dimoun ki ti travay – ki ti aste bann komodite esansyel, *ok* ?

Me ozordi nou pe – kart i en pe diferan e mon krwar ki STC i pou kapab fer li e mon krwar i enportan ki nou servi kart pou nou ed nou popilasyon ki bezwen. E STC i kapab fer li i pou annan *margin* pou fer li – i pou vin en kou sa en – i pou vin en kou lo STC *it's a cost, but* STC i kapab abzorb e nou nou pou travay. E si mon vin en Minis demen dan Gouvernman

Prezidan Herminie, mon pou kapab *advise* ler sa bann keksoz si i vin lo latib e menm travay si fodre avek *STC* pou ede, pou regarde ki mannyer nou kapab fer li. Mersi Onorab.

MADAM CHAIR

Onorab Bernard Georges ?

HON BERNARD GEORGES

Mersi Madanm Chair. Bonzour Ms Laporte, bonzour tou bann Manm Onorab e tou bann dimoun ki pe ekout nou dan lakour.

Ms Laport felisitasyon pou ou nominasyon. Mon ti a kontan remersye ou bomaten ki ou'n dir tre klerman ki ou pou swiv dan en langazman prodiktivite, motivasyon, travay dir, *accountability* e responsabilite se bann gran prensip Prezidan Ramkalawan e i fer nou gran plezir ki sa Gouvernman ki ou pe al servi sirtou anba ou, pou swiv dan sa bann laliny ki nou nou'n trase e ki nou'n fer pandan sa dernyen 5an. Sa i donn nou en gran konfor ki nou ti konnen ki si sa ki nou ti pe fer_e la prezan zot zot vin kontinyen dan sa menm laliny.

Par kont mon'n en pti pe dezapwente avek serten repons ki ou'n donner ki pa neseserman al direktman lo

bann keksoz ki ou pou fer. Ou'n koz vagman lo ;-

'Nou pou kapab fer li, avek mon bann koleg Minis pou travay. Nou pou swiv manifesto' eksetera san donn nou detay.

Alor permet mwan Madanm Chair pou demann Manmzel Laporte en kestyon lo detay, ou'n dir ki atraver ou peryod koman Direkter *ABSA* ou'n vwar ki i annan posibilite akse pou finans pou bann biznes, mon kestyon alor se ki zot in fer pou donn akse finans pandan letan ki ou ti kot *ABSA* ? E si zot pa'n fer li aköz zot pa'n fer li *then*, me la prezan zot pou met finans – zot pou fer ki i annan akse finans pou bann dimoun ki bezwen travay ?

Akoz zot pa'n fer li *in the past* me se prezan anba sa nouvo Gouvernman ki ou vwar i annan en posibilite pou akse pou finans ? Mersi Madanm Chair.

MS VERONIQUE LAPORTE

Mersi Onorab. Mersi pou ou bann mon pozitiv e mon *sorry* si mon'n dezapwent ou lo serten keksoz. Byensir i annan keksoz ki mon pou dir i pou ok, i annan keksoz ki petet pou dezapwent dimoun mon *apologise* pou sa. Petet osi kekfw ki mon'n fer

mon lentervansyon lo ABSA mon'n dir" pou fer."

Byensir mon pa kapab asize la e koz koman en Direkter ABSA me koman en kliyan osi ABSA i deza la Onorab e mon *apologise* si mon'n dir "pou al fer." I deza la. *In fact* i annan en *whole section SME* kot *access to service* i la – *access to finance (sorry)* i la.

Mon konnen kot *commercial bank* osi i annan akòz menm si mon lo *Board ABSA* mon osi en kliyan en lot labank, i annan, so... E mon konnen e mon pa pou kapab osi devwal lo spesifik akòz i pa mon rol kot ABSA li menm pe travay e pa bliye mwan osi koman en - koman Direkter ou pa get *involved* dan tou *operations* me bann diskisyon ki vin lo *Board* ou vwar ki in toultan e zot pou pou kontinyen annan en laspe kot zot pou target bann *SME* e plito *simplify* – pa pou met, me *simplify*.

E mon krwar mon kapab dir sa ABSA parey zot konnen i annan en *Headquarters*. I pa parey par egzanp *Nouvobanq* kot ou kapab fer keksoz en pti pe pli vit. Be si i annan - ler nou travay avek en *multi corporation* - *original corporation* i annan bann sistenm e parfwa kot ABSA enn bann keksoz ki par

egzanp nou gannnen se ki i pran en pe letan.

E sa pa akòz ABSA li menm li *staff* pa travay *or whatever*, i parfwa bann *risk assessment*, bann sistenm ki annan an plas e ozordi koman en labank in war wi i fer keksoz tro regid pou nou bann *SMEs*. E i annan bann stratezi ki zot in komanse, zot pou pouse. I annan bann AI ki zot pe servi, bann teknolozi pou fer li pli fasil pou *SME* ganny en *loan*.

So, si mon'n dir "i pou" *sorry* – "i pe" e i pou *streamline* li pou fer li pli byen e mon konnen lezot labank osi i lo la. So, petet mon pa konnen – kekfw pa mon - nou dan *Committee Stage* – petet si i annan bann kestyon ki'n demande kot ou krwar mon'n dezapwente – dezapwent ou me ou kapab redemann mwan mon a sey klarifye – mon pa ti *a mind* fer sa. Mersi Onorab.

MADAM CHAIR

Onorab Gill ?

HON CHURCHILL GILL

Mersi Madanm Chair. Mersi Ms Laporte. Ms Laporte ler mon get ou CV mon vwar ki ou parkour i dan diferan sekter e sa dan li menm an term leksperyans i ede pou akimil pa mal leksperyans e dan manifesto

United Seychelles, menm si i annan Onorab ki'n dir nou pe swiv parey, mon pa krwar mon pa krwar nou pe swiv parey akòz sa i en nouvo vizyon pou transformasyon.

Eski ou santi *given* ou bann bagaz e sa vizyon ki Prezidan Patrick Dokter Herminie in met devan Seselwa e ki zot in aprouve, i osi koz lo batir rezilyans e an menm tan pou mars lo en semen progre. E ozordi Sesel i lo dan en *cross-road* kot i konsern pri lavi, lapovrete bann size ki pa ti tous lo la, eski ou santi ou'n pare pour sa responsabilite ki pou ganny konfyè avèk ou pou ou kontribye pozitivman dan sa vizyon pou transformasyon Sesel pou nou atir bann lobzektif dan nou manifesto ? Mersi

MS VERONIQUE LAPORTE

Onorab, *short answer* wi, me mon pa oule dezapwent ou parey Msye Onorab Georges in dir mwan mon'n dezapwent li kekfwa mon a *go* en pti pe plis komanter. Ou konnen ler nou annan en manifesto ozordi devan nou ki bi se pou *uplift* nou *citizen one way or another* i en *social contract* ki Prezidan Herminie in ekout son pep, in ekout dimoun e in war li neser pou sa transformasyon.

By no doubt konversasyon ki mon ti fer avèk Prezidan Herminie avan akòz parey tou dimoun mon pou onnet – mon pa en dimoun ki'n dan politik, mon pa en dimoun ki'n al *door to door*, me mon en dimoun ki'n travay dan diferan lorganizasyon e diferan lorganizasyon mon war - mon bann *staff* ki vreman kantmenm zot pe travay dir zot annan sa douler sosyal lo zot.

Wi, en dimoun i kapab dir mwan be annou pey zot plis, be pey zot plis i pa tonbe koumsa en? Nou bezwen vwar e lakonpanyen pa pour mwan. So e mwan mon'n toultan *advise* mon *staff* – mon'n regarde kan mannyer nou kapab asiste e ozordi nou ganny nou en nouvo Prezidan ki pe dir nou, nou pou asiste e nou pe met dan diferan *scheme* - diferan *scheme* sosyal. E byensir tousala i annan konsekans. E nou bezwen tou sa bann *scheme* ki'n ganny mete, kart *STC*, bis, delivre en *better service*, bann komite bann keksoz pou ganny fer, bann *safety net* ki pou ganny mete, i all good e mon believe ladan.

Me par egzantp diskisyon osi avan mon ti *agree* pou *join Cabinet Ministers* Prezidan Herminie, mon ti annan en pti

konversasyon ki wi, nou pou – mwan *at least* mon *point of view* mon pou donn li sa sipor pou fer tousala, me nou osi bezwen rekonnet lot kote. Par egzanp lo travayer nou bezwen fer sir ki nou travayer i leve i travay. E nou tou nou bezwen zwe sa rol sirtou bann *MNA*, bann *DA* dan distrik pou travay avek travayer, bann anploye travay avek bann anploye. E mwan koman Minis konn bann *challenges* dan bann biznes, mon pou la pou *weigh* sa osi.

Me mon'n lir, mon pa en expert Onorab en, mon'n lir manifesto, mon'n lir sa 100 zour vreman mon pa war nanryen ki *stick out, but like I said* mon pa war – mon pa en expert

E byensir nou pou annan bokou travay pou fer. E nou pa kapab fer li tousel. E mon krwar se sa ki mon *plea* bomaten se nou bezwen annan vre linite, vre korporasyon, travay ansanm e si i en keksoz ki bon e benefisye mazorite, nou pou bezwen *come together* e fer li.

So, i enportan mon krwar lo kote sosyal pou nou kapab *uplift* nou bann dimoun, me nou bezwen fer li dan en fason responsab e en fason - e i annan bann diferan fason pou nou fer kot i napa en lenpak lo lekonomi. Mersi Msye Onorab.

MADAM CHAIR

Onorab Robert David ?

HON ROBERT DAVID

Bonzour Madanm Chair. Mersi. Bonzour tou Manm ki pe swiv nou travay ozordi bomaten. Manmzel Laporte mersi bokou pou vin Lasanble, *welcome* e aksepte mon felisitasyon pou nominasyon.

Letan mon pe get ou CV mon war ki ou'n pas en bon pe letan dan sekter biznes e ou annan en bon pe leksperyans baze lo sa ki mon'n lir. E lo paz 12 nou manifesto *United Seychelles* en seksyon dan en paragraf ki koz lo donn lafors sa lespri Seselwa i dir koumsa, mon *quote* – “Ou enportan, ou plas i la, ou kapab reisir” ki lankourazman ou annan pou bann zenn Seselwa ki pe konsider lans zot dan en biznes dan Sesel ? Mersi Madanm Chair.

MS VERONIQUE LAPORTE

Mersi Onorab. Avek travay dir, tou i posib. E mwan mon pou toultan rekonesan bann loportinite ki mon'n gannyen. E ozordi se pour larezon ki mon la demande devan zot pou Minis akoz mon le rann en fason bann loportinite ki mon'n gannyen tou dilon mon lavi avek pei. So

koman en Minis dan *Cabinet* si mon ganny aprouve, i mon bezwen fer sir ki nou kre bokou loportinite pour nou bann zenn.

E loportinite *again* nou bann zenn i bezwen *seek* li osi, travay dir e annan sa *willpower* pou kontinyen, pou pran sa loportinite, travay avek li e anmenn li kot zot le anmenn li. E nou bann zenn osi i bezwen konpran ki en kantite i depan lo zot. Zot bezwen fer sir zot train zot lekor, zot annan ledikasyon, zot rod *advise* e mwan mon en dimoun par egzanp ki mon'n toultan demann *advise* e kot mon pa'n kapab mon'n dir mon pa kapab e mon'n seye. Mon'n rod sipor – i enportan.

E ler nou pe koz zenn osi en keksoz enportan ki petet nou pa tro, tro koz lo la, *failure*. Nou pa sipoze les sa fer nou per e bann zenn i bezwen konpran ki dan lavi nou pou tonbe, lenportans se ki ler nou'n met lespri pou fer en keksoz i pa – e tou plan i sanze, sa ki pli enportan se kan mannyer ou redebout e sa nou bezwen fer sir ki nou la pou met bann *mechanism in place*, pou met en sistenm kot tou dimoun i kapab annan loportinite *including* nou bann *youth* ki pe monte – nou bann zenn ki pe monte.

E parey nou konnen bann zenn - mon annan en *teenager*,

bann zenn konmela ek bann zenn nou letan i diferan. Manrmay i annan lenformasyon *at their fingertips*. Konmela nou koz bokou lo *AI* konmela zot ale zot rod lenformasyon zot dir ou zot kapab fer isi, zot pa kapab fer laba; zot kapab lir ki pe arive dan lemonn, ki bann *trend* ki pe arive dan lemonn, so nou nou bezwen osi *move* avek sa *tide* e donn zot sa loportinite.

E Prezidan Herminie dan son inogirasyon in koze osi lo la. In dir ki i pou anmenn bann zenn parmi ansanm pou nou vwar aköz se bann zenn ki pou anmenn nou devan. E si ou permet mwan Madanm Chair, petet i pa direkteman pou reponn ou kestyon, me selman en keksoz ki mon le fer resorti aköz i en keksoz ki lo mon leker e ki i enportan pou nou bann zenn – mon pa konnen si mon pe ganny en kestyon lo zenn, nou kapab fer tou pour en zenn i *ok*, zenn i bezwen travay *and so on*, bann keksoz ki mon'n dir be en keksoz vremen enportan se ler zenn i get anler, eski nou annan bann *positive role model* pou nou bann zenn? I en keksoz tre enportan.

Mon ti en zenn en pe letan pase, e mon'n toultan regard bann dimoun anler ki pe fer eski ozordi nou kapab dir nou annan ase *role model* pou nou

bann zenn ? Ki nou nou pe fer koman Prezidan, koman Minis, koman Nasyonal Lasanble, kan manner nou pe kominike, kan manner nou pe met *across*, kan manner nou pe koze, e pa bliye bann zenn i annan lenformasyon *at their fingertips*, konmela *social media* dan *living room* i annan en lasanm, televizyon i on so ki manner nou kapab travay ansanm pou revwar sa e kre bann *real role models* pou nou bann zenn kapab aspire e move devan. Mersi Onorab.

MADAM CHAIR

Onorab Valdana Sultan ?

HON VALDANA SULTAN

Mersi Madanm Chair. Bonzour Madanm Chair, bonzour Ms Laporte, byenveni dan Lasanble. Bonzour mon bann koleg Onorab e bann piblik a lekout.

Ms Laporte dan ou prezantasyon e menm dan bann larepons ki ou'n donnen i annan bann mo oubyen mon kapab dir fraz ki ou'n servi en pe souvan, ou'n dir mwan ou en madanm ki travay ek lentegrite, ou en madanm ki travay ek en vizyon, ou pran ou responsabilite, ou pran ou responsabilite tre serye e menm parfwa tro serye, Ms Laporte

mon anvi demann ou, si i arive en moman dan lofis ou ganny mete koman Minis, si i arive en moman ki ou vizyon i an konfli avek direksyon ki Gouvernman – avek direksyon Gouvernman oubyen ou lentere politik ki manner petet ou pou navig sa sityasyon san perdi ou lentegrite ? Mersi.

MS VERONIQUE LAPORTE

Mersi Madanm Onorab. Mon krwar en kekyon vreman enportan e i enn bann keksoz ki mon'n mazin bokou lo la aköz avan ler mon pran en desizyon. Aköz parey zot konnen Minister Lasante ti en landrwa kot mon pa ti kapab travay aköz mon fason travay e sistenm pa ti *allow* mwan pou fer sa e ozordi mon pe vin en Minis lo *Cabinet* kot nou annan *collective responsibility*. Dan mon Minister li menm *ok*, ler mon pou ... sa bann *values* ki mon'n nonmen lentegrite, *honesty and so on* i form parti *belief* Prezidan Herminie. So mon pa krwar ki mon pou war mwan dan en sityasyon kot mon pou bezwen *compromise* mon *values*. E byensir si aköz tou keksoz i annan en 'si' i ariv en ka e mon pou bezwen dan en pozisyon pou mwan kapab *express* mon lekor. E mon krwar e la rezon ki Prezidan Herminie in anmenn

diferan dimoun avek diferan *background* e diferan fer keksoz pou nou kapab ganny en *consensus*.

E mon rol koman en Minis ler lo *Cabinet meeting* – bann proze, bann keksoz ki vini, mon bezwen fer sir e mwan mon en dimoun ki demann bokou kestyon e parfwa mon krwar i *annoy* bokou dimoun lo bann Board lo bann *meeting* ki mon ale, ankor Veronique pe lev lanmen pe demann kestyon, mon pou kontinyen sa, *but at no time* sa bann keksoz ki ou’n liste pour mwan la, *at no time* ozordi mon asize mon *feel* ki mon pou bezwen *compromise* sa.

E mwan mon en dimoun ki ler i annan en *collective decision* ki’n ganny fer e ozordi i pou Gouvernman e mon kapab dir dan mon leksperyans *shareholder*, mon’n travay avek prive – *shareholder* osi i kapab donn ou en direktiv petet sa direktiv ou ou war kekfw a i annan bann lenpak oubyen bann keksoz ki pou arive ou pa dir non, sirtou si i annan en *collective decision*. Me ou konnen i annan diferan fason pou ou *reach en goal at the end of the day commitment* ki’n ganny fer pou ganny delivre. Petet nou pa pou al koumsa me nou pou al koumsa, me nou

pou *reach* nou *goal*. E mon krwar sa ki enportan *as long* nou bezwen delivre.

Mon krwar li la se delivre e mon repete – e mon pe repet mon lekor en pti gin ki lonnekte, travay dir, lentegrite mon pa pou vwar li en *challenge* pour mwan. Mersi Madanm Onorab.

MADAM CHAIR

Nou avan pran 2 dernyen kestyon Onorab Uranie apre Onorab Lepathy.

HON ROCKY URANIE

Mersi Madanm Chair. Bonzour Ms Laporte. Mon *congratulate* ou lo ou nominasyon.

MS VERONIQUE LAPORTE

Mersi.

HON ROCKY URANIE

Byenveni isi dan Lasanble. Bonzour tou koleg Onorab e tou zabitan ki a lekout. Ler mon get sa program 100 zour, en kontra sosyal avek Seselwa, ladan lo paz 5 i koz lo kou lavi, redwir lapovrete, sekirite sosyal. Pli boner Onorab Toussaint in demann ou en pe lo la, anvi ki ou ti *STC* pou plis ki 4an ou’n *CEO*. Lo la nou war ki nou pe rod fason pou redwir kou lavi.

Ler mon get mon zil sirtou Zil Pros, nou ganny afekte bokou avek kou lavi sirtou pri komodite depi materyo konstriksyon e tou leres, eski la dan sa 100 zour nou pou al war en transformasyon La Digue ? Par egzanp lentrodiksyon nouvo laboutik STC, pou nou kapab war en bes dan pri komodite e sirtou materyo konstriksyon ki vin atraver STC pou ki nou dimoun i kapab benefisye ? Mersi

MS VERONIQUE LAPORTE

Mersi Onorab. Parey ou konnen ler mon ti ansarz STC, enn mon bann devwar se konsilte avek tou MNA e sa bann letan bann MNA *Inner Island*, La Digue, Praslin zot ti anmenn sa konsern kot mwan ki koman CEO, ki menm keksoz ki ou pe dir, transpor kou, e - i ser *and so on*.

E byensir parey ou konnen nou ti pran sa desizyon pou ouver e se sa larezon ki nou ti fer pou nou anmenn STC *closer* to nou bann dimoun e nou ti fer li dan en fason negosyasyon – dan en fason *efficient* e dan sa 100 zour mon pa pou war li en problem pou mwan travay avek Minis konsernen pou nou reenplimant sa. E sa i kapab

ganny fer dan en semenn *provided* lokasyon i annan.

Akoz pour mwan sel lobstak ki mon war la pour mwan par egzanp si mon ti pe al CEO STC, pour mwan reouver landrwa – reouver en *branch* Praslin/ La Digue se lokasyon – en lokasyon apropiye pou kapab fer biznes. E si i annan lokasyon pa bezwen 100 zour Onorab. Nou kapab fer li pli *early*.

MADAM CHAIR

Onorab Lepathy ?

HON NELSIA LEPATHY

Mersi Madanm Chair. Mon oule premyerman avan ler mon komanse ansanm avek lakominote Grand Anse Mahe pas mon senser kondoleans avek Madanm Marise Nourrice ek son fanmir ki'n perdi zot zenn garson ozordi bomaten e mon_priye ki Bondye i ava donn li e son fanmir kouraz dan son moman *douloureux*.

Madanm Laporte bonzour, felisitasyon pou ou nominasyon. Mwan koman en madanm ozordi, mon konnen ki lezot madanm Seselwa osi zot fyer ozordi pou vwar ankor en reprezantan Madanm ki'n ganny nominen pou vin en Minis.

Ms Laporte baze lo ou leksperyans, eski ou krwar ki bann lenstitisyon finansyel ki egziste ozordi pou kapab reponn bezwen *loan* pou bann pti biznes ? Mersi.

MS VERONIQUE LAPORTE

Mersi Onorab. Wi. Tou dernyerman mon pa'n *involved* akoz mwan ler mon ti pe *set up* mon bann biznes, mon ti pli konnen. Nou pe koz petet 5an pase *or so*. Parey mon ti reponn Msye Georges *earlier*, mon kapab en pti gin lo ABSA konnen i annan. *DBS as far* ki mon *concerned* i ankor egziste e mon konnen i annan lezot labank ki mwan mon en kliyan i egziste. So, wi mon krwar i annan bokou bann lenstitisyon finansyer pou kapab ede, kapab siport bann *SMEs*.

E ler mon ti pe fer mon *consultancy work*, en *consultancy work* ki ti vreman, vreman enteresan pou mwan dan ledikasyon. Mon ti ganny sans revwar *curriculum* pou nou entegre *financial education* avek *entrepreneurship*. E byensir pou mwan kapab fer sa, mon ti bezwen konsilte bokou bann dimoun e sa ti en keksoz ki ti pe ganny fer Minister Ledikasyon ansanm avek *Central Bank*.

E menm lo kote nou bann koze *artificial intelligence* lo kote *digitalisation*, lo kote teknolozi mon konnen ti annan bann koze – bann *grant ok*, e sa i en lot keksoz ankor. Nou'n koz taler lo *access to finance*, nou pe koz lo la ankor i en keksoz ki nou bezwen *think very wisely about* dapre nou *business plan*. Me osi annan bann loportinite *grant, ok* ?

I annan diferan lorganizasyon dan pei ki donnen bann *grant* dan diferan sektè. *On top of my head* akoz mon pa en dimoun ki'n al rode so mon pa konnen ki *latest* mon pa pou koz lalang, me selman mon konnen ti annan. E *most probably* i annan. E menm *internationally* nou kapab fer nou resers rode kote bann *grant*.

Par egzanp lo *Women Empowerment* par egzanp i annan en pe. Lo Lanvironnman mon konnen kot nou en sanpyon ozordi nou kapab entegre. E mwan komann en Minis si mon *come across* sa bann zafer - dan tou bann enteraksyon ki mon fer i enn bann keksoz si mon vin Minis ki mon pou partaze avek mon koleg, mon pou partaze – e partaze ansanm akòz mon krwar i enportan. *Access to finance* i *part and parcel of ease*

of doing business pou osi nou bann *small enterprise*.

So byensir nou pou kontinyen siporte. So pou reponn ou kestyon wi, i annan.

MADAM CHAIR

Mersi Ms Laporte. Nou ava prezan remersye ou e ekskiz ou.

MS VERONIQUE LAPORTE

Mersi Madanm Chair. Mersi tou dimoun.

MADAM SPEAKER

Nou ava prezan sorti *dan Committee Stage*. Avan mon pas lo deba lo Mosyon, mon'n ganny en konpran ki i annan en problem avek enn nou bann *camera* ki pas nou *sitting* ki savedir i annan Manm ki letan i demann kestyon oubyen i fer lentervansyon, nou pa pou kapab filen li, so vi ki nou vwar ki i reste 15 minit pou nou normalman pran *break*, nou ava adjourn pou 30 minit pou nou donn Sekretarya letan pou fer sa ki zot bezwen fer. Zot dir mwan zot pa pou pran en ta letan, so nou ava retournen 10:45 e *by then* i ava'n rezourd. Mersi.

(BREAK)

MADAM SPEAKER

Mersi. Nou ava prezan rebran program deba lo Mosyon i alors ouver. Onorab Labonte mon krwar ti'n lev lanmen ? Onorab Labonte ?

HON ANDY LABONTE

Mersi Madanm Speaker. Bonzour Madanm Speaker, bonzour tou koleg Onorab e tou dimoun ki a lekout. Madanm Speaker, mon pa pou long me selman ler mon'n lir CV Madanm Laporte – Ms Laporte, ou konnen mon annan konfidans e konfyans ki i pou vini en bon Minis e - me solman ler in vini bomaten mon annan serten dout. Mon dir mon annan serten dout aköz ler kestyon ki'n ganny demande par Onorab Romain - ou konnen konsernan pri bis in dir i en keksoz i pa pou fasil me selman i pou kapab fer li. Me selman ler in demann li lo kote sa bann promes 100 zour in dir tou le kontrè i dir koumsa napa nanryen difisil. So mon en pe konfize kwa vreman ki i pe dir si i pou difisil – si i pa pou fasil, ou konnen ? E prezan pep Seselwa la deor enn de pe teks mwan be dir mwan, be eski sa Madanm sa ki i pe koze la i konnen ki i pe dir oubyen petet zis i pe vin la pou li siport son nominasyon ou petet Gouvernman ?

Aprè lèr ki Onorab Valdana in demann li serten keston lo kote son lentegrite *in term of* son lopinyon oubyen petet si i annan keksoz ki son parti i anvi fer me i pa al ek son prensip, ankòr enn fwa mon war li si mon kapab servi sa term Madanm Speaker, petet mon war li in en pe vwale. So lo sa laliny pour mwan – ou konnen mon'n tant pour mwan annan en pe dout me solman ankòr enn fwa parey ou konnen poudir *US* i mazorite dan Lasanble e nou konnen ki zot pou sipòt zot nominasyon akòz in ganny fer par zot Prezidan Elekte – Prezidan Dokter Patrick Herminie.

Me selman lèr mon'n lir son CV li menm li parey mon pe dir mon napa okenn dout poudir i annan son ledikasyon i annan son leksperyans e nou konnen lo plizyè *Board* ki in asize kot vreman in delivre – nou pa kapab dout lo la. Me selman i kit mwan dan dout. I kit mwan dan dout pour mwan lev mon lanmen pou mwan dir mon sipòt li koman en Minis *unless* ki petet lèr i a pe delivre *then* nou ava war ki mannyer i pe vreman pe delivre si i vreman pou fer lazistis sa pozisyon ki i pou pran.

So Madanm Speaker, avek sa 2 mo mon pou dir mon pou

tenir mon pozisyon me mon a gete petet bann lezot lentervansyon petet ki bann Manm i dir, ki mannyer zot in war petet i annan keksoz mon pa'n konpran me solman mwan menm mwan mon krwar mon pou plito reste trankil e les li ganny elekte par son bann *MNA* lo kote *US*. Mersi Madanm Speaker.

MADAM SPEAKER

Onorab Grandcourt?

HON ALVIN GRANDCOURT

Mersi Madanm Speaker. Bonzour tou bann Manm Onorab e tou dimoun ki a lekout. Madanm Speaker, i fer mwan en loner pou la e pou ekout Madanm Laporte lèr in fer son prezantasyon. Byensir mon pa'n demann keston e mon'n ekout bann lentervansyon.

Madanm Laporte i en dimoun ki mon'n zwenn li personnelman – mon'n deza asize dialog avek li. I en dimoun ki'n montre bokou lentegrite. I annan bokou volonte pou li travay e pou li fer marse okenn lantrepriz ki li in deza pran par ladan oubyen in ganny sans pou li zere. I en dimoun ki zis, i enparsyal e mon osi konn li pou pa zanmen get lapartenans politik en dimoun.

I pou dir ou en keksoz mannier i été. *She would not beat around the bush* e ler i annan desizyon difisil pou pran in toultan pare pou li pran sa desizyon e avek sa bann kalite mon panse ki i totalman byen, i totalman zis ki ozordi in ganny nominen pou pran en pozisyon koman en Minis dan Gouvernman *United Seychelles*. E mwan mon pou siport son nominasyon. Mersi.

MADAM SPEAKER

Onorab Woodcock?

HON WAVEL WOODCOCK

Mersi Madanm Speaker. Madanm Speaker nou pei i en pei ki'n devlop plizyer talan, plizyer profesyonnel, bann dimoun ki byen edike. Nou annan en kantite dimoun a plizyer laz, plizyer nivo ki annan bokou konpetans, ki byen edike.

Madanm Laporte i en dimoun parey nou war nou tou nou get son CV, i enn parmi sa bann dimoun dan nou pei ki i en dimoun byen edike, i annan son kalifikasyon, i annan son konpetans. Nou pa pe kestyonn sa. Me i annan plizyer kestyon ki bann Manm Onorab – annefe lo tou lede kote latab nou'n demande – ki mwan menm mon'n demande ki *raise* plizyer

konseren. E lemoman ki nou'n demann serten kestyon deswit i annan bann dimoun ki pe enterakte avek nou lo plizyer nivo parey mon'n dir lo repons ki Madanm Laporte in donneren.

En size tre pertinan, dan mon kestyon ki mon'n demande boner ki ti vreman en gro skandal – en gro skandal pandan letan ki Madanm Laporte ti *CEO STC* kot 2013 in vin *CEO STC* an 2013 ziskan 2017 kot ti annan sa skandal kot ti annan en morso later ki en parti politik - Parti Lepep sa letan apre in degize in vin *United Seychelles* kot zot ti *lease* en later avek Gouvernman pou anviron R73 mil ekek e apre zot ti – e apre ki Madanm Laporte ti'n antre koman *CEO STC* i ti la pou *oversee* en tranzaksyon.

E la devan sa Lasanble in admet avek nou pou dir ti li ki ti negosye sa deal aköz i ti bezwen en propriyete, en landrwa pou zot – *STC operate Bois De Rose* e in dir klerman poudir - nou pe koz ou lo propriyete VI0104 apre i annan en lot bout ankor kot in dir poudir se li ki ti negosye sa avek - sa letan ti pe rod en bout later e Parti Lepep ti pe *lease* sa later parey mon'n dir pou nanryen e nou ti vwar menm dan Rapor Oditer Zeneral

poudir sa later i pa ti vo sa larzan ki *United Seychelles* ti pe *lease* Parti Lepep ti pe *lease* sa letan.

E in dir poudir menm ler i ti pe negosye i ti bezwen met son lipye ater aköz sa ki *United Seychelles* ti pe demande ti tro bokou. E pa bliye poudir *at the end* STC ti *end up* lwe sa propriyete pou R823mil avek Parti Lepep e *United Seychelles* ti pe demann bokou plis e ki in bezwen met son lipye ater aköz sa ki zot ti pe demande i tro bokou. Le kestyon ki Lepep Seselwa pe demande se konbyen *United Seychelles* – Parti Lepep (*sorry*) sa letan – *anyway* menm zafer menm ki ti pe rode – ti pe rod R1milyon ? R2milyon ? R3milyon ?

Apré ki ou'n lwe en landrwa avek Gouvernman pou sitan bonmarse R73mil ou pe rod plis ki sa R823mil ki zot ti *lease* avek STC ? Be sa i egois, sa i vorasite, ou konpran ? E mwan mon en pe konsernen avek sa sityasyon ki li i dir ou li CEO, i ti pe rod en landrwa – e landrwa ki ti *available* ti sa propriyete ki ti pe ganny *lease* pou nanryen par US ki in fer en *massive amount* - en gro sonm larzan lo lasyer, lo ledò Lepep Seselwa. E fodre pa bliye osi ki pli tar sa propriyete ti ganny

vann ankòr avek STC i dir i pa ti la i ti'n fini ale sa letan – mon krwar an 2018 si mon pa tronpe – ti ganny vann pli tar pou R17milyon en later R73mil *lease* par lannen. So sa en bann keksoz ki fer ou en pe konsernen.

Apré i annan en lot keksoz ki'n ganny demande an regardan mon krwar Onorab Romain ki'n demann li sa kestyon regardan enn bann premye 100 zour bis pou sorti R10 pou vin R6. Onorab Labonte in tous en pe lo la, en rediksyon 40poursan. Me parey mon'n dir son larepons ki in donn nou i en pe konfizan aköz in dir ou,

'zot pou fer sa arive',

'i posib',

'nou pou fer li' apré an menm tan i donn en lot – ou konnen i retourn lo son parol i dir ou koumsa, 'ou konnen i kapab annan bann sityasyon ekonomik.' Mon pa konnen si i en lot sityasyon – si i pa mazin sa issue *triple lock* ankòr, si i pe konsider *triple lock* aköz *triple lock* ler ou pe kalkile i pa aziste sa ki zot in dir zafer pansyon aköz si pou pran sa kalkilasyon *triple lock* ou pou azoute ou krwar i pa pou zanmen ariv R10mil by 2030 aköz i pa aziste.

E en kantite promet ki zot pe fer - ki zot in fer en pti kou

ou dir koumsa zot pou fer li napa problemn apre ou sanz parol ou dir koumsa i kapab ariv en sityasyon fors mazer – i kapab ariv en sityasyon ekonomik, i kapab akòz triple lock, alor ou konnen nou get *triple lock* pou nou pran en desizyon, kantite nou pou donnen, si pou progressive sa rediksyon bis, tou sa. Konmsi i fer ou demann en kantite kestyon ou a krwar poudir zot en pe konfize.

Pa bliye i annan en kantite promes 100 zour ki'n ganny fer. Enn bann pli gro promes 100 zour ki'n ganny fer se ki dizef pou sorti – dizef pou desann pou vin R1. Msye Herminie ti fer en promes ki dizef pou desann pou vin R1 – R1 Madanm Speaker. Ou war. So en kan- e la nou fek war dan Nouvel en *tray* dizef mon krwar in monte in ariv R160 ki mon krwar ki i plis ki 5- bokou plis ki R5 en dizef in arive. Mon pa konnen ki dizef ki Msye Herminie ti pe koz lo la si dizef poul ouswa mon pa konnen.

Me selman Madanm Speaker, i montre poudir zot pe fer en kantite promes dan vid. En kantite promes 100 zour ki zot in fer ki zot pe komans retourn lo zot parol e prezan zot pe sant en kantite lezot zistwar. Zot pe rod tou sord kalite

lekskiz, ok ki montre ou klerman poudir lo en kantite bann promes zot in fer zot in zis anbet sa pep Seselwa e sa pep Seselwa in war zot dan kler. Sa i pa zis nou ki pe dir ki zot bann siporter e la zot war klerman – mon pa pou mansyonn zot bann siporter, me i kler se zot bann siporter ki pe komans demann kestyon lo bann desizyon ki zot parti – ki zot Prezidan pe pran *well* – bann desizyon ki pe pran e bann desizyon ki zot in dir zot pou pran.

So vwala en pe bann pli gro konsern ki mon annan kot ler bann Minis i vin devan nou Lasanble, zot bann repons zot bann kestyon enn ler i fer ou dout en kantite keksoz e i fer ou pa vreman krwar dan zot akòz zot vin koz 2 parol avek nou. So, avek sa 2 mo Madanm Speaker, mon a fini ekout bann lentervansyon bann Manm ki i fer apre mon a pran en desizyon lo si mon pou vot – si mon pou *endorse* Madanm Laporte koman Minis. Mersi.

MADAM SPEAKER

Onorab Loze?

HON JOHAN LOZE

Mersi Madanm Speaker. Madanm Speaker, tou imen letan i ne in ne avek lizye 2,

zorey 2 labous 1. Madanm Speaker, sa i montre ou ki lobzervasyon i enportan dan lavi. Sanmenm i donn ou 2 zorey, en labous ou sipoze ekout 2 fwa plis ki ou koze e ou sipoze *process* sa ki ou'n tande avek ou lanmwel.

Madanm Speaker, Minis Laporte ti dir koumsa poudir en lorganizasyon ler son rantre i bese, i bezwen al revwar *internally*, reaziste li, revwar ki i fer e i zis parey letan i ariv en sityasyon *force majeure* – i kapab ariv en sityasyon *force majeure* kot son profi i desann, i bezwen revwar. Mon ti konpran tre byen mwan sa ki sa madanm in dir. Ou kapab ariv en sityasyon *force majeure* kot ou profi i bese ou *still* bezwen revwar e ou kapab annan ou rantre i ganny bese par 40poursan egalman, *still* ou bezwen revwar kan mannyer ou pou *cope*.

E mon krwar in deza dir kan mannyer pou cope. Nou pe *head towards* bann transpor elektrifye. Be nou poz sa en pti pe dekote Madanm Speaker. Nou annan en manifesto lo lekel ki nou pe fer lapros nou travay – en manifesto ki'n promet Seselwa serten keksoz e lo lekel nou pou al delivre. Sa ki Prezidan Herminie li i bezwen an se moman, se son bann

Minis ki'n anvoy devan nou pou ganny *interviewed* e sa bann Minis zot pou vin la pou travay pou Lepep Seselwa pou byennet Seselwa an zeneral. Sa ki nou bezwen nou dan sa pei se pou ... en biznes pou larzi nou baz koleksyon *tax* – sa reveni ki pei pou anmase pou al anver benefis nou pep. Enn bann benefis ki Ms Laporte in koz lo la ozordi se kart *STC* ki a fasilit nou bann dimoun ki pli dan bezwen.

Be sa i anmenn mwan dan en direksyon kot mon pa pe konpran alors si nou pe *interview* Minis, ki zot zot pou vini pou vin travay lo en manifesto etabli, ekrir be prezan nou nou pe dir ti annan en gro leskandal en bout later pou naryen ti ganny lwe, konbyen ti lwe R3milyon, R4milyon, en bout later pou nanryen *hmm* avek en gro *warehouse* lo la ki ou omit pou dir Onorab, avek son *paved parking* toultour ki ou omit pou dir Onorab.

So, pa ti en bout later ki ti pe ganny lwe, ti en *warehouse* ek later ek son *paved parking* toultour ek son *fencing*. Be konmsi letan nou *mislead* nou pep – nou *mislead* Lasanble, nou koz mansonz ek nou pep, nou pe *interview* kandida ministeryel menm ou? Mon pa

konpran Madanm Speaker, kot koz mansonz antre dir ti annan en gro skandal ti pe lwe en bout later pou nanryen ti annan en *warehouse* ek son later ek son *paved parking* ek son *fencing* toultour. I pa menm pri ek *bare land* sa.

Prezan ou dir nou dimoun deor pe demande, dimoun i konsernen be tou dimoun i pase i war la kot ti'n fer *Builders Depot* la, *warehouse*. I annan en *paved parking* tou sa ki'n al *Builders Depot* in war i annan en *paved parking*, i annan *fencing* i annan *gate*. Konmsi tou dimoun, tou Seselwa ki'n al la, Madanm Speaker, i konnen pa en bout later vid, i pa *bare land*. Me aköz en Manm Lasanble Nasyonal i asiz dan Lasanble i sey fer Lepep Seselwa krwar ti annan en gro skandal kot Parti Lepep ti pe lwe en bout *bare land* – en bout later vid e ki sey sali non Ms Laporte aköz i dir li ki'n fer sa negosyasyon. Klerman in pa'n negosye *bare land* li in negosye en *warehouse* ki ti ganny servi par *STC* pou vann materyo konstriksyon e pri materyo konstriksyon ki bese dan pei

Pa ti monte ler sa *STC* ti antre. Sete sa zot problebm zot Madanm Speaker, aköz i annan rikord dan Lasanble kot zot ti pe gele.

Ler *STC* ti antre ti stabiliz pri materyo konstriksyon. Ti bese. Me kestyon ki Seselwa pe demande i pa sa ki zot zot pe dir Seselwa pe demande. Seselwa pe demande aköz 2020 depi ler zot zot in vini pri tou keksoz in ogmante. In annan en leksplozyon pri lo tablet kot *STC*. Sa ki Seselwa i anvi konnen. Aköz ozordi *STC* pe trangle malere? Aköz ki depi zot zot la, *STC* in vin en pinisyon lo sa malere Kreol. Be letan Ms Laporte ti la travayer *STC* Madanm Speaker, annou koz en kou lo zot zot ti ganny 13enm mwan, 14enm mwan, 15enm mwan saler anba direksyon Ms Laporte.

Selman ler *LDS* in vini nou bezwen admet zot in fer en gro progre, R64milyon profi lo ledos sa malere ki appel Kreol. Zot zot dimoun zot? Zot dimoun zot? Be sa ki kalite? R64milyon profi lo ledos sa malere ki apel Kreol! Aköz napa landrwa pou *STC* fer profi Madanm Speaker, sa ki al laba, sa ki al aste komisyon lo letazer. Mwan ek ou malere Kreol lekel ki'n fer R64milyon profi kot zot in pize? Lekel ki'n piz sek pou tire?

Dan Kreol Seselwa parey nou menm mwan ek ou Madanm Speaker. E se sa ki mwan mon dir ek sa bann

dimoun zot en pe dezonnèt konmsi.

Mon konnen tou salte i devan laport Parti Lepep, me get en pe kot zot. La zot ganny pou dir avek pov Ms Laporte i pe enplimant tou zot bann polisi ki ti annan dan Gouvèrnman Msye Ramkalawan, be Onorab Georges be akòz zot pa ti'n donn li en pozisyon si i pe enplimant tou zot bann polisi li ? Zot pa ti'n war en pozisyon Minis pou met li. Zot ti a'n met li si i sitan dan sa kontinite ki konpatib avek zot Gouvèrnman. Non, akòz *short courses* met Minis. Kit sa ki kalifye ater, zot pa met Minis la prezan zour nou'n aktyelman vin avek dimoun ki kalifye, zot pa oule, zot le bann ki'n ganny degre par *short courses*. Konpran kot nou al *loggerheads* la ?

So mwan Madanm Speaker, mon pa pe aksepte sa bann zistwar ki sa bann dimoun pe akonte. Sa bann dimoun zot, zot ankor dan en lakanmizri ki prezan zot bezwen rod tou pti isi laba, lot lot lot pou sey fann douler zot lakanmizri mon konpran. Nou konpran. La i annan sa 4 ki pa oule mars apye in ganny fou deor, 3 in retournen nou konpran zot. Nou konpran zot Madanm Speaker.

So, nou *carry on* avek nou travay. Nou lo nou kote nou annan nou manifesto pou nou enplimante. Nou pe anmenn nou bann dimoun kalib pou delivre pou sa nasyon ki apel Seselwa e *hopefully* Madanm Speaker *hopefully* STC i a kapab retourn koman sa veikil ki permet Seselwa annan en lasyet manze plen lo son latab 3 fwa par zour. Mersi Madanm Speaker.

(APPLAUSE)

MADAM SPEAKER

Onorab Romain?

HON GEORGES ROMAIN

Mersi Madanm Speaker. Madanm Speaker, mwan osi mon pa pou vremen long lo la – lo sa – mon pti komanter ki mon pou fer. Byensir ler mon'n demann Ms Laporte 2 kestyon mon bann koleg osi in tous en pti pe dan sa laliny. Mon santi premyerman i pa'n vremen reponn mon kestyon.

Mon premye kestyon ki mon'n demann li baze i ti travay ek SPTC, mon al lo sa kestyon i ti pran sa enn 2enm, *actually* i ti reponn sa enn mon ti dir li i ti pe al fer pri tiket desann par 40poursan e nou tou nou konnen pri bis ozordi i R10 byensir i pou vin R6, e

larepons ki Ms Laporte ti donnen ti vreman fasil pou li sa pou arive akòz dan son letan bis ti R5.

Mon anvi zis fer manm piblik okouran la deor ki Ms Laporte ti CEO an 2009 ziskan an Mars 2012. Tandis ki si nou pe pran 2025 ozordi i fer 16an pase ler i ti CEO savedir si ou pe dir mwan dan ou letan bis ti R5 e ozordi ou kapab fer li vin R6 savedir i montre klerman ki pou mwan pri lavi pa'n vreman sanz ditou dan sa bann letan ki nou - zot dir ki toultan zot ti dir pri lavi i ser Sesel e sa i montre ou klerman savedir pri lavi pa'n zanmen sanze dan Sesel pou sa kantite lannen ki nou pe viv. Alors mon pa konpran ki mannyer pou vreman fasil pou li fer pri bis vin R6.

E menm in al pli lwen e in dir i konnen ki bann *spare parts* i kapab ogmante *which is* vre akòz nou napa kontrol la la, pa fer isi sa bann *spare parts*.

Apre menm osi mon krwar in nonm karbiran ki li osi mon konnen nou pa trouv sa - nou pa ganny sa Sesel nou bezwen enporte. E byensir ler nou pe koz *spare parts* e byensir nou bezwen mazin bann travayer ki pou fer *maintenance* lo transpor e byensir i annan drayver pou

peye, i annan son ladministrasyon tousala.

Alors mon santi sa larepons ki mannyer in donn mwan, in reponn mon pa krwar in zistifye sa larepons akòz mon krwar in reponn zis pou anvi fer piblik la deor kontan - sanmenm sa ki zot anvi tande baze lo zot manifesto.

Akòz ler ou regarde nou'n tann plizyer koze lo pri SPTC menm mon krwar zot Vis-Prezidan Sebastien Pillay in fer resorti i ti dir ki zot pou *means test* bann dimoun ki pey pri bis - ki pey tiket pou al travay - bis e zot pe dir menm bann ki pran kekfwa 2 bis kekfwa ki pou ganny konsidere. Me lafason ki Ms Laporte in reponn i pa'n al lo detay ditou, zis in dir sa i pou posib e nou kapab fer li arive.

Apre mon 2enm kestyon kot in koz lo ler mon'n demann li kwa ki keksoz ki dan sa lalis 100 zour nonm mwan zis 2 ladan ki ou krwar zot pou ganny en pe difikilte pou enplimante. I annan en gran lalis. Mon ti santi kekfwa i ti kapab pran 2 ki a dir kekfwa baze lo sityasyon lavi kekfwa ti kapab pran en pti pe plis letan. Nou bezwen onnet ek nou lekor par ler dan lavi.

Me par kont Prezidan Dokter Herminie le 26 Oktob dan son Inogirasyon Stad Linite

i ti dir avek pep Seselwa klerman, ki i bezwen onnet ek pep Seselwa ki sa ki i ti dir dan son lalis 100 zour i annan ki pa pou posib pou arive dan sa peryod letan. Li in remarke ki i santi i annan ki pa pou arive e par kont Ms Laporte ki pe vin en Minis dan son *Cabinet* demen, li i *opposite*.

Mon konnen i bezwen siport son parti, dir tou keksoz pou arive, tou keksoz i byen be realite lavi i pa vreman koumsa. Nou bezwen onnet ek nou lekor, nou bezwen dir laverite devan sa pep akòz sa pep pe vreman get nou vreman pros ozordi.

E demen i a vini en Minis e byensir nou koman Manm Lasanble nou pou anmenn li dan sa Lasanble pou li reponn sa bann kestyon ki i pa'n kapab onor ozordi.

Alors Madanm Speaker, parey mon'n dir mon pa pou tarde – mon'n tourn zis lo sa 2 kestyon ki mon ti demann li. Mon santi parey mon pe dir mon en pti pe konfize akòz Ms Laporte mon konn li tre byen – mon en dimoun Mont Fleuri, mon'n konn li tre byen e mon konn son fanmir me selman ler nou pe koz pei ozordi, nou pe koz Minis ki pe vin dan sa nouvo *Cabinet* Gouvernman ozordi, ki pou vin desarz sa responsabilite pou pep Seselwa

nou bezwen fer sir nou pe koz laverite, ryen ki laverite alors pou le moman mwan mon santi mwan dan en pti pe konfize ki mon pa vreman krwar mon pou donn li sa sipor pou li vin koman en Minis dan sa nouvo Gouvernman. Mersi Madanm Speaker.

MADAM SPEAKER

Onorab Sopha?

HON GERRY SOPHA

Mersi Madanm Speaker. Bonzour Madanm Speaker. Bonzour bann koleg Onorab. Bonzour tou dimoun a lekout.

Madanm Speaker nou'n war en madanm ankò enn fwa bomaten nomen par Prezidan Herminie in vini pou *interview* pour son nominasyon ganny aprouve. Nou tou nou'n vwar kalifikasyon Madanm Laporte. In la devan in demontre ki i en madanm i en profesyonnel i konnen ki i pe al fer si i ganny aprouve koman en Minis.

Ms Laporte in fer sorti serten pwen letan i pe reponn kestyon ki bann Manm in demann li. I annan en bout ki Ms Laporte in fer sorti en fraz ki pour mwan bann dimoun ki pe ekoute merit pran sa o serye e nou a konnen akòz ozordi i annan en nouvo ladministrasyon dan lofis.

Madanm Laporte in dir poudir ladministrasyon ki dirize par Dokter Herminie i bezwen fer aksyon – ‘*no more lip service*’ sa i en fraz ki anmenn bokou dan latet mon mazine. Sesel sa dernyen 5an nou’n tann bokou, bokou koze me in napa aksyon. Se sa ki nou’n vwar le 9, le 10, le 11 Novanm Seselwa ti deside pou sanz ladministrasyon.

Lip service in anmenn bokou mekontantman parmi nou popilasyon. Kot nou’n pase toulezour dan semen ou tann leokri alor Ms Laporte koman sa *nominee* ki pe vin rod son laprouvasyon pou al dan sa nouvo ladministrasyon i konnen egzakteman kote problem i été. Savedir zistwar pa pou repete son lekor.

Ms Laporte in nonm en lot keksoz – in dir i annan tro bokou se birokrasi. In annan tro bokou e sa pa zis Ms Laporte ozordi letan in vin devan nou ki in war poudir ti annan tro bokou birokrasi. I annan Minis dan ladministrasyon sortan in fer sorti sa atraver medya. I dir i annan tro bokou birokrasi pandan sa 5an met dimoun dan plas al isi pou konplet tranzaksyon en dimoun zot fer li al dan diferan areas e sa dimoun i vwar tou son bann prosedir retarde e sa dimoun i

fristre. I montre nou klerman ki nou ti annan en ladministrasyon kot *leadership* pa’n zanmen bon. Akoz si *leadership* sa ladministrasyon ti bon ozordi Prezidan Ramkalawan ti bezwen ankor *State House* me nou pa war li *State House* ozordi, nou war li Grand Anse Praslin pe fer son *meeting*. Savedir popilasyon in realize son landrwa i devret fer *meeting* dan bann pti langar Praslin epi lezot landrwa.

Madanm Speaker pandan sa 5an nou’n trouve mannyer popilasyon Seselwa has *been through hardship*. Madanm Laporte in koz lo komodite esansyel ler i ti *STC* i ti fer sir ki sa 14 komodite pa zanmen monte pri e ki bann dimoun mwan fortinen - bann dimoun vilnerab zot kapab viv zot lavi byen. E in dir kart *STC* pou retourn ankor.

I santi ki wi, pou kapab manage sa zafer kart *STC*. E tousala in vin dan en program ki’n ganny met devan par Prezidan Dokter Patrick Herminie e mon krwar nou bezwen realize Dokter Patrick Herminie in vin Prezidan i pa’n ganny sa lo en plato lor. In bezwen reziste persekisyon. In bezwen servi tou son lenerzi.

I annan en parol Madanm Speaker ki Dokter Herminie in

deza dir ki sa i pre ek mon leker – ler ou vin dan politik fodre pa ki ou annan lapo pti baba. Dokter Herminie i annan kalite koman en *leader*. Ler i swazir dimoun pou anvoy devan Lasanble Nasyonal i konnen i pe anvoy dimoun ki li i krwar pou delivre pandan sa 5an manda ki li in gannyen e Ms Laporte i pa en leksepsyon.

Madanm Speaker an terminan mon annan sa pour mwan dir, Dokter Herminie kontan pa kontan in kre listwar dan sa 6 Prezidan ki Sesel in annan. Sel Prezidan ki dan sa sez *State House* ozordi ki'n diriz 2 lebra dan sa 3 ki form Gouvernman. Savedir si *State House* ozordi Dokter Herminie i la pou li diriz en Sesel ek en popilasyon ki demen ler li son manda i fini pep Seselwa pou dir in delivre.

Mwan mon pa krwar sa moman ki *LDS* i annan nanryen pou nou aprann ek *LDS* aköz ek *failure* Madanm Speaker, kote ou pou ale ? Ou osi ou pou *fail*. O plito *LDS* ki asize sey mazine kote zot in al mal e pran legzanp lo *US* kekfw a zot a soulaze aköz *US* ler pou fini son manda, Dokter Herminie pa pou al devan dimoun poudir ek dimoun koumsa “aksepte mon lekskiz” aköz dan manifesto *US*

napa “aksepte mon lekskiz !”
Mersi Madanm Speaker!

(APPLAUSE)

MADAM SPEAKER

Onorab Gabriel?

HON CONRAD GABRIEL

Mersi Madanm Speaker. Mon a dir tou dimoun a lekout. Bonzour mon bann frer koleg Lasanble Nasyonal e bonzour tou dimoun Seselwa ki pe ekout nou. Dabor nou vizyon *US* ti pou fer transformasyon. Mon'n asize mon'n ekout Madanm Laporte e mon_vwar ki i annan serten kalite – e bokou kalite mon kapab dir pou en Minis dan sa *Cabinet*. Parey nou manifesto i dir nou pa zis vize ver sanzman – nou angaze pou en vre transformasyon. E avek sa kalite *management* ek *leadership* ki Madanm Laporte in prezant nou, mon krwar andotmo in demontre ki i pe vin fer keksoz diferaman pou anmenn en vre transformasyon dan nou pei pei e fer sir personn pa ganny kit deryer.

Lezot *qualities* ki in demontre in dir nou i annan son *strength* pou anmenn *technical people on board* ansanm e mon krwar sa i pou arive e kot Seselwa toultan i a reste konnekte ek kanmarad ek

bann *stakeholders* ankor enn fwa nou asire ki personn pa pou ganny kit deryer.

En keksoz ki in tous mwan ler in koz lo la, atraver kestyon Onorab Herminie, se *the ease of doing business* ki mon krwar i lo lalev bokou dimoun la ater ki anvi kontribye pou pei. Mon krwar ki i annan bokou pti biznes *out there bann SMEs* ki'n pas atraver bokou difikilte e nou bezwen rekonnet ki sa ladministrasyon ki la avek sa manifesto ki'n ganny prezante la bokou keksoz pou arive ki pa'n arive *throughout* sa 5an ki'n pase. Mon a zis repete lot kote latap zot bezwen *trust the process*.

Mon konnen Onorab Woodcock in koz lo skandal, e la nou war klerman kot i pe ale. E mon konsey Onorab si ou kontinyen koumsa ou pou reste lot kote latap. Si zot ankor konfize mon konnen ou ankor en pti konfize ek sa defet Grand Anse, so andotmo ki mon pou dir sa Minis ki'n ganny prezante ozordi *whatever portfolio* ki i pou antre ladan mon krwar i pou ede anver sa manifesto e sa bann gran prensip ki egziste avek parti US. Mon a dir ou mersi Madanm Speaker.

MADAM SPEAKER

Nou a pran 2 dernyen entervenan Onorab Georges avek Onorab Aglae.

HON BERNARD GEORGES

Mersi Madanm Speaker. Madanm Speaker, napa okenn dout ki Mademwazel Veronique Laporte, i en madanm ki'n fer en karyer spektakiler, i annan tou bann atribi pou li vin en Minis. Lot tou lede kote latap nou bezwen aksepte sa. Nou'n war son CV – nou'n war son parkour, nou'n ekout li la bomaten e set en dimoun ki annan tou sa bann kalifikasyon e ki *all being well* i pou servi son pei byen.

Annou aksepte sa e met li dekote aköz fodre nou onnet avek nou lekor. Mademwazel Laporte e okenn sa bann dimoun zot pa'n vin bon oubyen zot pa'n vin bann dimoun ki kapab vin Minis zis aköz Prezidan Herminie in swazir zot. Zot deza kalifye, zot annan zot kalifikasyon atraver sa par kont ki zot in fer. La zot pe ganny demande ozordi pou sanz zot parkour pou vin Minis. Alor annou pa retourn dan sa polemik ki en Prezidan i bezwen met son lanmen lo en dimoun pou li vin en dimoun akseptab e valab. Sa dimoun i annan son valer e son aksepsyonabilite deza dan son forte enteryer e e

Mademwazel Laporte i enn sa bann dimoun.

Alor tou sa bann demagozi ki nou pe tande bomaten ki anba li in fer 13enm e 14enm, 15enm mwan saler pou bann travayer *STC* i fer ou demann en kestyon, me eskiz mwan lekel ki nou prefere, ki zis travayer *STC* ki ganny 13enm, 14enm, 15enm mwan e tou larestan travayer Sesel pa gannyen? Oubyen ki *STC* i fer en profi R64milyon aköz sel *stakeholder* *STC* se Gouvernman Sesel se Lepep Seselwa e sa R64milyon pa al dan en labank pou Wavel Ramkalawan sa, i retourn avek Lepep Seselwa pou ganny servi pou deservi pou fer lakaz, pou fer bis marse, pou fer bann keksoz ki nesaser,

Annou – nou'n fer - en *cold store* ki zanmen in ganny fer anba 43an *US*. Annou silvouple, annou retourn en pe lo sa ki devan nou la ozordi olye zis fer politik bonmarse. Aköz Madanm Speaker, nou bezwen onnet – nou bann Onorab nou. Nou tit se Onorab alor nou bezwen azir dan en fason respektab e onorab dan sa ki nou fer.

Les mwan dir aköz mon dir sa, aköz malgre sa kestyon ki mon ti demann Mademwazel Laporte bomaten, mwan mon pa war okenn defo avek li pou li

vin Minis dan Gouvernman Prezidan Herminie. Mon pa war okenn rezon – mon a dir zot aköz e nou bezwen onnet e ler i annan en keksoz ki byen nou bezwen dir i byen.

Mwan mon'n travay avek Mademwazel Laporte dan lo size *Air Seychelles*. Ler *Air Seychelles* ti dan difikilte isi menm dan sa Lasanble nou ti diskit lo sor *Air Seychelles* e li ki ti *Chairman* e mon'n travay tre pre avek li pou en long peryod letan e li in donn sa gidans ki ti nesaser avek sa lakonpannyen koman *Chairman* pou fer ki ansanm avek Gouvernman zot in arive *save Air Seychelles*. Donk nou bezwen rekonnet e nou bezwen dir ki i annan son merit e nou bezwen aksepte ler i annan merit e dir wi, i annan merit. E mwan mon pou premye devan pou vin dir sa.

Alor silvouple annou aret fer sa bann polemik politik. Annou retourn lo nou size ki devan nou e annou dir ler en dimoun i annan konpetans e in ganny swazir par en Prezidan - aköz sa Prezidan in war son konpetans, i ava ganny sa merit ki i merit gannyen. Ler i napa e se sa rezon ki nou pe fer sa bann deba – ler i napa nou ava dir klerman nou pa dakor, zot an mazorite zot a fer li kantmenm zot in fini montre

nou ki *rubber-stamp* prezan in vin dan zot kote latab e non pa lo sa kote latab, zot pou *still* vote me nou nou ava - parey bann Onorab onnet i ava dir, 'sorry sa enn pa pou kapab ganny nou sipor' – se sa sa ki nou pe pas ladan ozordi e non pa Onorab Herminie in ganny vote, Lepep Seselwa in swazir, alor sa ki li i *endorse* i ava bezwen vin Minis.

Sa se – sa se travay *kindergarten* sa, nou nou bann adilt, nou bann dimoun ki'n dan bokou ka e dan tou ka lo nou kote latab, nou'n pas atraver eleksyon – nou'n gannyen nou'n perdi, me nou'n defann en eleksyon lo sa kote latab – mon pa konn lo zot kote. Nou nou tou nou'n fer prev – nou'n fer prev sa.

E mwan zot tou zot konnen 5 fwa Mamelles 1,2,3,4,5. Me nou tou nou'n defann en eleksyon alor silvouple – alor silvouple annou retourn lo nou size ozordi e annou dir ler i byen sa ki byen ler i mal sa ki mal. Mersi Madanm Speaker.

(APPLAUSE)

MADAM SPEAKER

Onorab Aglae?

HON EGBERT AGLAE

Mersi Madanm Speaker. E Madanm Speaker mon napa okenn dout ki Madanm Veronique Laporte i pou fer en bon Minis. E letan mon'n regard son CV e parkour ki in pas atraver dan tou sa bann domenn sekter ki in ganny en rol responsabilite, napa enn ladan ki in ariv okenn problem mon kapab dir kot in bezwen dir i pa pe delivre, o kontrè in o standar kot in pase.

Mon koman koumsa Madanm Speaker, akòz nou bezwen donn lazistis e sipor sa madanm ki i en zanfàn Seselwa ki'n prouv son lekor. E letan mon'n ekout entervenàn ki'n koz avan mwan in dir ki sa madanm napa defo. Me selman lo lot kote in koz lo politik bonmarse ki dayer mon pa konnen si apre sa *meeting* Praslin *weekend* LDS in ganny bann memwar kourt.

Nou koz lo skandal me selman i annan serten size ki zot pa adrese se sa ki mon dir memwar kourt – in nonm dizef R1 la anndan, me sete Prezidan dan en lapres *conference* letan i ti pe reponn sa zournalis ki ti dir ki dizef byento pou ariv R1. E letan Minis Joubert ki responsab Lagrikiltir ti vin dan sa Lasanble lo kestyon Onorab Tamboo ti demann li lo size dizef R1 i ti dir poudir lanaliz ki

bann eksper kou prodiksyon pou fer en dizef se R2.50 so kote dizef R1 i sorti? Se Prezidan. Ankou en memwar kourt.

En lot memwar kout ankou se lo size *STC* ki zot in le sey penn Madanm Laporte, zot in sey rod en fason pou sey enplik li e sa madanm in eksplike, ti annan en *commercial agreement* ki ti antre anfers ki ti legal akou si pa ti legal *then* ti ava annan *case* ki ti'n ava'n met Ankou.

Me sa ki zot pa dir nou se ki letan zot ti vin devan pou kestyon sa lagreman e zot ti met presyon e la sa lagreman ti ganny kennsel e later ti ganny vann zot ti dir – zot ti baz zot bann largiman pour sa ki pe fer pri komodite monte *STC*. Me letan lagreman ti ganny kennsel eski komodite *STC* ti desann parey zot ti dir? Parey zot ti promet? Eski sa bann *middlemen* ki zot ti koz lo la ti disparet? E Minis Hassan dan son kapasite sa letan koman Minis Finans ti dir nou byento pri marsandiz pou desann pou abordab. Me pa'n arive sa. Me lekel ki ti promet pep Seselwa? Se *LDS* ki ti promet pep Seselwa e apre zot pa pa'n kapab gard zot promes e se sa ki mon dir poudir zot pe komans devlop sa memwar kourt.

Me nou dan nou manifesto, nou'n etabli en plan, en kontra pou sa prosen 5an. E nou konnen akou zot pe atak nou manifesto akou zot konnen poudir sa manifesto i en manifesto - i en manifesto ki reel, ki pou kapab anmenn soulazman pour sa pep.

En pwen ki mon santi poudir Madanm Laporte in touse ki reflekte lo manifesto se devlop potansyel e nou krwar nou dan *LDS* ki en kantite Seselwa la deor i annan potansyel pou kapab vin sa ki li i anvi parey nou ti dir "*Be what you want to be*" e an menm tan prodwi pou pei kapab agrandi. Wi, i annan. Me pandan sa 5an ki'n pase nou pa'n war bann loportinite ouver ki ti pe donn sa bann potansyel. E plizyer ki mwan mon'n zwenn in konplent e zot in fristre tou, sanmenm sa zot in vot kont *LDS* akou zot pa'n gard sa promes kot zot bann laport i sipoze ouver parey ti dir pou donn – met divan anba lezel pou Seselwa anvole, o kontrer zot ti anmar lezel Seselwa. Se sa zot problem.

Me nou atraver sa manifesto nou pe al met divan dan lavwal pour nou kapab travers sa parkour dan losean e ariv dan sa por ki Seselwa ti a kontan arive. So avek sa Madanm Speaker mon pa pou

long – mon krwar i annan en kantite keksoz ki'n ganny dir, me selman nou pou siport nominasyon Madanm Veronique Laporte koman sa prosen Minis dan nou Gouvernman – dan nou *Cabinet*.

E wi, Onorab Georges nou pou vote pou li wi, aköz nou santi i annan sa potansyel. Nou pa pou fer parey sa bann Lalwa poudir menm si pa bon nou pou vote, nou nou nou pa pou fer sa. Nou nou pou siport en fe ki'n vin la devan nou - en madanm ki annan en bagaz e nou pou vwar li dan nou prosen *Cabinet*. Mersi.

(APPLAUSE)

MADAM SPEAKER

Onorab Lemiel?

HON SYLVANNE LEMIEL

Mersi Madanm Speaker. Mon ti a premyerman remersi tou bann Manm ki'n entervenir dan *interview* Madanm Laporte ki'n demann li kestyon e ki'n fer entervansyon lo Mosyon. Bokou keksoz in ganny dir e nou'n war devan nou Madanm Speaker, en madanm avek en *vast* leksperyans profesyonnel ki tre, tre talante e ki tre kalifye mon kapab dir pou en pozisyon Minis. Mon pou dakor a en

serten pwen avek Onorab Georges letan in fer son lentervansyon kot i byen wi, nou devre dir i byen kot i mal nou devre dir i mal e petet menm sizere ki fason nou pou aranze.

Madanm Speaker Gouvernman li menm li in vin – nou tou nou pe koz lo nou manifesto e i enportan ki dan sa Lasanble nou'n koz lo nou manifesto aköz sa se nou Gouvernman ki'n fer - *United Seychelles* ki'n fer e sa Gouvernman ki la se Lepep ki'n met li avek en mazorite 52.7poursan e i devret pe delivre lo sa manifesto ki nou a tou pri nou pou koz lo la isi dan sa Lasanble. E nou devret fer sir ki sa bann Minis ki nou pou apwente, i delivre lo sa manifesto pou zot fer sir ki Gouvernman li menm i *achieve* tou son bann *goals* ki in met dan son manifesto e ki nou vwar Lepep Seselwa dan son gran mazorite ki in vote li osi i benefisye anba sa manifesto.

Nou vwar Madanm Speaker, sa Gouvernman pe vin avek en vre sanzman nou kapab dir atraver sa bann Minis ki i pe propoze, e bomaten Manmzel Veronique Laporte i enn sa legzanp li osi parmi bann ki'n pase semenn pase e

ki pou pe vini ankor apre midi e demen.

Nou'n tann petet i malere parfwa ki letan nou annan sa bann dimoun la devan nou, Ms Laporte i en dimoun ki'n travay dan sekter prive, dan Gouvernman wi, me i domaz parfwa bann largiman banal ki nou vwar serten nou bann Manm pe anmennen. I annan pe rod detay lo Minis ki pa ankor – *ok* zot pa ankor ganny en *portfolio* e petet serten sa bann kestyon parfwa i menm i anmenn serten largiman ki fer zot kestyon vin en pti pe banal.

I annan ki pe zwe politik lo bann keksoz ki'n pase depi 10an pase, e ki napa nanryen pou fer petet pandan sa dernyen 5an la e petet zot pa vreman relevan tousala, me selman in ganny demande zot pe demann kestyon Madanm Laporte in sey reponn li dan tou son kapasite e avek lafranzizm mon kapab dir menm si in sorti lo kote bann Manm plizoumwenn *LDS* ki'n dir zot pa'n satisfè avek lafason ki petet zot zot santi serten zot in reponn kestyon.

In annan en largiman Onorab Woodcock atraver ou Madanm Speaker, in anmennen ki in dir ki i pe koz lo nou bann promes ki nou'n fer, me petet i bon fer resorti osi si i annan en Onorab *or* en

group dimoun ki petet pa kalifye pou koz lo promes – ou konnen mon pou dir ou Onorab Woodcock mwan, i pa kalifye pou koz lo promes...

(APPLAUSE)

HON SYLVANNE LEMIEL

...Madanm Speaker, ou konnen akòz? Akòz 5an *LDS* i o pouvwar zot pa'n tenir zot promes, akòz si zot ti'n tenir zot promes e delivre lo zot promes ki zot ti vini avek dan letan kanpanny 2020 zot ti pou ankor la ozordi.

(APPLAUSE)

HON SYLVANNE LEMIEL

So, nou bann Minis ki nou pe met la – wi, Onorab Woodcock nou pou garanti ou Madanm Speaker, zot pe vin delivre e ou ou pou la koman enn sa Manm ki pou fer sir zot vin *accountable* lo sa bann promes ki ou ou'n koz lo la ozordi. Wi, nou pou delivre lo nou bann promes e wi, nou pou fer sir nou anmenn sa manifesto devan e nou pou fer sir ki nou bann Minis zot menm zot pou delivre.

E an terminan Madanm Speaker mon ti a kontan demann bann Manm pou nou aprouv nominasyon Ms Veronique Laporte koman en

Minis dan nouvo *Cabinet*.
Mersi.

MADAM SPEAKER

Mersi Onorab Lemiel. Nou ava aprezan pas lo vot lo Mosyon *In accordance with Articles 63(1) and 69(2) of the Constitution, this Assembly approves the proposed appointment by the President of the Republic of Ms. Veronique Bernadette LAPORTE to the office of Minister*, tou bann Manm ki vot pou Mosyon? Mersi, okenn Manm ki vot kont? E alors ki Mosyon in pase avek 17 vot pour apre nou annan 13 Manm ki'n *abstain*.

Nou ava prezan pas lo lot Mosyon. Onorab Lemiel si ou kapab prezante, *please*.

HON SYLVANNE LEMIEL

Mersi Madanm Speaker. Madanm Speaker lot Mosyon i al konm swivan; *In accordance with Articles 63(1) and 69(2) of the Constitution, this Assembly approves the proposed appointment by the President of the Republic of Mrs. Pamela Clorida CHARLETTE to the office of Minister. Thank you.*

MADAM SPEAKER

Onorab Gill?

HON CHURCHILL GILL

Mersi Madanm Speaker, *Motion seconded*.

MADAM SPEAKER

Mersi. Mon a demann Sekretarya pou fer Mrs Charlette antre dan *Chamber* e nou ava al dan *Committee Stage*.

Bonzour Mrs Charlette, si ou kapab fer en pti prezantasyon pou nou bann Manm. Mersi.

MRS PAMELA CHARLETTE

Bonzour Madanm Chair, bonzour tou bann Onorab e tou bann telespektater ki pe swiv nou ozordi. Mon ti a pran sa loportinite pou felisit ou Madanm Chair. Koman en madanm i fer nou fyer pou sa pozisyon ki ou'n pran. Osi felisitasyon pou Madanm *Leader Government Business* e osi pou Msye *Leader of Opposition* dan Lasanble e menm Deputy Speaker pou zot eleksyon.

Ankor enn fwa mon vin devan zot pou zot aprouv mon nominasyon koman Minis. Parey zot tou zot konnen mon apel Pamela Clorida Charlette. Mon annan 50an. Mon'n marye e mon annan 3 zanfan. Mon'n ne e grandi dan distrik Anse Aux Pins me ler mon'n marye mon'n al reste Ma Joie English

River. Mon'n lekol Anse Aux Pins ziska P9 apre mon'n al NYS pour zis 1an e apre mon'n al fer mon'n al fer mon A *Level* Politeknik. Mon'n ganny sans pou mwan al etidye Langleter pou mon premye Degre e apre mon'n osi fer mon *postgraduate diploma* dan *Management*. Mon ti retourn Sesel lafen 2001 e mon premyer parkour ki dan lendistri tourizm avek *STMA* relye avek promosyon e destinasyon dan bann marse touristik spesifik. Mon'n fer apepre 4an avan ki mon'n pran loportinite dan sekter prive. Mon'n travay avek *TSS* e apre ler ti met ansanm ti vin *Creole Travel Services*.

An 2012 mon ti ganny loportinite pou sanz mon karyer pou al dan *banking* kot mon ti okip bann plas senior ziska ler mon ti kite 2016. Pa bokou letan apre mon ti ganny aproz pou en rol dan Gouvènmman koman Sekreter Prensipal dan Departman Lantreprenarya. Mon ti ganny sermante pou vin Minis an Zilyet 2017 e mon premye *portfolio* ti dan Sekter Lapes ek Lagrikiltir. Mon'n tenir sa *portfolio* pou 9 mwan e apre en *reshuffle Cabinet* mon ti ganny anvoye kot Minister Labita, Lenfrastriktir e Transpor lo Later. E sa i preski 2 Minister ansanm e mon

annan sa *portfolio* pou zis 2an 6 mwan ziska ler eleksyon ti arrive.

Mon'n osi partisip dan bann Board e Komite Lokal Nasyonal kot mon'n kontribye mon leksperyans e mon lekspertiz. Mon'n osi ganny sans pou reprezant Sesel lo lasenn enternasyonal lo diferan nivo. Kouraman mon osi en manm lo *Board SBSA – Seychelles Business Studies Academy* e mon manm 2 lasosyasyon ki vize ver *empowering* bann madanm e zenn fir – sa se Rozita e *AWLN (African Women Leaders Network)* Mersi Madanm Chair.

MADAM CHAIR

Nou ava prezan pas lo bann kestyon Onorab Larsen.

HON CECILE LARSEN

Mersi Madanm Chair, Bonzour a tous spesyalman zabitan Au Cap ki a lekout. Madanm Charlette enn parmi bann gran defi pou realiz lobzektif lakaz abordab se finansman, koman en madanm ki'n Minis avek *portfolio* lakaz dan lepase, eski ou kapab eksplik Lasanble dapre ou leksperyans ki mannyer sa Minister i kapab travay avek bann labank, devloper prive ek lezot partner pou asire ki bann Seselwa

sirtou bann ki annan revenir mwayenn e pli ba ki a kapab ganny finansman a en kou ki abordab pou aste zot prop lakaz ? Mersi.

MRS PAMELA CHARLETTE

Mersi Onorab. Onorab, lakaz in reste e pou reste toultan en defi pou Gouvernman. Dan lepase ki nou'n fer se ki nou'n anmenn bann prodwi ki bann labank osi i kapab ede pou donn bann finansman tel parey *self-finance*. Me i toultan reste en defi aköz bann labank zot menm zot annan bann kriter oubyen bann risk ki zot pa oule zot bann kliyan i pas avek zot, alor i fer li pli difisil pour bann labank donn larzan – donn larzan pou finans lakaz si ou finansyerman pa stab.

So ki bann labank kekfw a i kapab fer, se met bann prodwi ki kapab elev kou, par egzantp kou lentere lo bann kliyan. I kapab osi met bann prodwi ki pli *less risk* ki pour zot, me Gouvernman osi mon krwar i annan en gran rol pou zwe ladan lo kote fer desann pri lakaz. Nou konnen ki Gouvernman *previously* in *subsidize* en bon pe pri lakaz, me nou bezwen travay etrwatman avek bann kontrakter sirtou. E mon krwar osi ki dan parey nou manifesto

i dir pou sey elev – pou sey fer desann pri lavi Gouvernman osi pou met – pou fer sir ki par egzantp bann materyo konstriksyon i vin pli abordab pou nou kapab konstri plis lakaz. Mersi.

MADAM CHAIR

Onorab Monthy?

HON PHILIP MONTHY

Mersi Madanm Chair. Bonzour Madanm Charlette. Madanm Charlette ou'n deza Minis dan ansyen Gouvernman Parti Lepep mon krwar sa letan ? Non ? Bon anyway zot in sitan sanz non mon pa mazine ti anba ki Gouvernman, me selman ou'n deza en Minis. Mwan ler mon'n swiv en pe reaksyon ler lalis Minis ki'n ganny nominen la in ganny fer resorti ou enn bann Minis ki in annan en pe *push back* lo la. Mon pou demann ou pou ou *rate* en pe ou performans koman en ansyen Minis ki ou ti la avan e en pe si i annan okenn *achievement* ki ou'n *achieve* pandan sa letan ki ou ti pe servi sa 2 *portfolio* ou'n nonmen e kwa ki ou santi ou pe anmenn diferaman ankore pou sey - pou *petet prove* sa bann dimoun *wrong* la deor ki pe dir ou pa ti devret parmi sa lalis kwa ki ou pou anmenn

diferaman, kwa ki annan en plis avek ou koman en dimoun ki pou fer en diferans dan sa nouvo ladministrasyon ki pe vini la – ki deza la ? Mersi.

MRS PAMELA CHARLETTE

Mersi Onorab pou ou keston. Onorab, mon krwar ou rapel ler mon ti antre koman en Minis, mon ti antre koman en teknokrat mwan. E pandan mon parkour politik sa dernyen lannen mon'n war mwan kapab pas devan pas laport dimoun. Mon'n war mwan konnekte avek bann dimoun. Mon'n al dan plizyer distrik, mon'n marse. Mon'n travay ek bann zenn, bann dimoun aze dan tou kous nou sosyete. Nou'n koze, mon'n ekout zot zot laspirasyon, bann keksoz ki pa ti pe al mal dan sa 5an e mon'n kapab *at least* annan en lot persepsyon Gouvernman e ki rol en Gouvernman e ki prosperite i kapab anmennen dan lavi en sitwayen.

Mon'n konstate ki pour ou vin zis en - pou ou vin en teknokrat i pa ase pou ou vin en Minis. I pa ase akòz ou bezwen konpran sa manda ki ou pe pran – konpran bann dimoun ki ou pe servi. E mon krwar diferans ki annan ek mwan konmela, se ki mon annan plis konesans travay ki mwan

koman en Minis mon kapab fer dan lavi en sitwayen.

Dan sa dernyen lannen osi mon'n ganny sans pour mwan al avans, fer mon letid avanse kot Liniversite Sesel e sa letid in plito baze lo *leadership* e ki kalite *leadership* ki mwan mon kapab anmennen; en *leadership* ki pli pratik e avek tou sa konnesans mon'n kapab assess mon lekor mwan menm e vwar ki bann keksoz nouvo ki mon kapab anmennen. Alors mon krwar mon annan plis konpasyon, konprenezon e plis latolerans.

Ou'n demann mwan en lot keston ki bann *achievement* ki mon'n fer pandan ki mon ti Minis Later ek Lakaz. Zis pou donn zot en pe statistik, mon pou komans li an 2017 akòz an 2017 ki proze 24/24 ti komanse ziska 2020 e sa statistik ki Nasyon menm in report en ?

Zis pou 2017 ziska 2020, nou'n *allocate* nou 252 *unit* lakaz, 126 ti'n fini konplete dan 6 distrik e ti pe fer *utilities*. 161 *unit* dan 9 distrik ti ankor *ongoing* e mon a fer zot rapel ki sanmenm sa bann lakaz ki dan sa 5an la ki zot zot in donner. Nou ti'n osi fer 73 *unit self-finance* e ladan 50 ti'n fini ganny *allocate*. 15 *unit* ti ankor pe ganny konstri. An Zilyet 2020 osi nou ti donn 42

condominium alors dan sa 4an 2017 ziska 2020 470 *unit* nou ti'n deza *allocate* avek bann dimoun Sesel. E sa pa enkli *emergency house* Grand Anse Mahe, 42 *unit*. Ler mon konpar li avek sa ki dan sa dernyen 5an – 5an pa 4an Zanvye 21 ziska Zen 2025 372 in ganny konstri in ganny *allocate*, lakaz, sa i enkli 40 *condo* Perseverance, e i enkli 29 *emergency unit* – 23 Ile Aurore e 6 Les Mamelles sa pandan 5an.

Madanm Chair, mon kapab donn zot en pti pe – lo *land bank* osi i pa tro konparab aköz ler mon ti kite mon ti kit mwan 24 *land bank* pe ganny fer e ladan i annan ki ti'n deza komans ganny *allocate* tou e sa 24 *land bank* i sanmenm sa bann *land bank* ankor Madanm Chair ki zot in *allocate* avek bann dimoun pandan sa 5an. So vwala en pe bann keksoz ki nou'n fer.

Me mon kapab osi dir ki pandan sa premye lannen mon manda an 2018 mon ti annan en *task* sirmontab pou mwan met bann polisi an plas, Bann polisi – plizyer polisi ki kekfw nou pa ti ankor fini fer bann prosedir - met bann prosedir oubyen ki nou pa ti ankor fini ekri e tousala nou ti fer pandan sa premye lannen ki mwan mon ti Minis Later avek Labita.

So, Madanm Chair, vwala en pe bann keksoz ki Gouvernman in fer pandan 2017 a 2020. Mersi.

MADAM CHAIR

Onorab David.

HON ROBERT DAVID

Mersi bokou Madanm Chair e bonzour tou Manm ankor. En bonzour spesyal Madanm Charlette e byenveni dan Lasanble Nasyonal. Mon ti a kontan felisit ou pour ou nominasyon. Mon rekonnet atraver ou CV Madanm Charlette ou'n deza okip en pozisyon koman Minis depi 2017 ziska 2020 e si Lasanble Nasyonal i aprouv ou nominasyon koman Minis, eksplik Lasanble Nasyonal ki mannyer lavi an deor sekter Gouvernman pandan sa dernyen 5an in ede prepar ou pou fransir sa nouvo responsabilite ki devan ou. Mersi Madanm Chair.

MRS PAMELA CHARLETTE

Mersi Madanm Chair. Mersi Onorab pou kestyon. In donn mwan en lot perspektiv ler mon'n deor pandan sa 5an ki mon'n annan en *consultancy*. Ti annan zis 2 Minister prensipal ki mon ti pe *liaise* avek e pandan sa 5an mon'n war ki

servis Gouvernman in deteryore. Servis dan sa 2 Minister prensipal ki mon ti pe travay avek baze lo lefikasite, Nou vwar ki par egzanp en servis ki avan ti pran 2 semenn e ki nou ti ganny – ki nou ti ganny dir dan Lasanble i pran 2 semenn osi - mon'n regard en pe bann demaraz dan Lasanble, me an realite enn ler i ti pe pran ou 4 mwan – 1 mwan pour ou ganny sa servis. E kliyan - i fer kliyan fristre me par ler ou bezwen met en pti pe lape ant kliyan akou ou ki pe *provide* sa servis ek sa kliyan e ou bezwen apez sa sityasyon pou kliyan pa dekouraze.

So i montre – in donn mwan en lot perspektiv e ki kote – ki kote nou bezwen fer bann diferan sanzman fer bann diferan - met keksoz inovatif pou nou kapab ed kliyan pou nou kapab donn en pli bon servis. Mersi.

MADAM CHAIR

Onorab Clarisse.

HON DENISE CLARISSE

Mersi Madanm Chair. Bonzour tou dimoun ki a lekout, bonzour koleg Onorab, bonzour Ms Charlette e en bonzour spesyal pou zabitan Bel Ombre ki pe ekout Lasanble ozordi. Ms Charlette prenon kont letan

ou'n koze dan ou CV ou'n fer konpran ki diferan lenstans ou'n okip bann pozisyon notaman *PS* e apre ou'n pran 2 *portfolio* Minis e osi en keksoz ki ou'n koz bokou lo la se sa diferans.

Ou'n grand profesyonneman kot ou'n fer konpran ki ou annan plis konpasyon, plis konprenezon, plis tolerans, e vize ver manifesto *US*, zot in koz bokou an term zot vizyon, transformasyon, zot pe koz bokou praktikalite. E enn bann *strategic pillars* ki zot pe koz lo la i *SMART Governance and Public Administration*. So mon kestyon pour ou i koman en endividi ki pe antisipe atraver ou nominasyon pou travay dan ladministrasyon *US*, ki ou pozisyon an relasyon avek lentrodiksyon lentelizans artifisyel dan ladministrasyon piblik ? Mersi Madanm Chair.

MRS PAMELA CHARLETTE

Mersi Onorab pour ou kestyon. Mon krwar i en kestyon vreman enportan akou nou manifesto i fer bokou referans avek *AI* e son laplikasyon. Mon krwar ki nou bezwen nou osi koman en pei avan devan e fer sir ki bann Minister osi i a ganny sans pou vwar en pe kote nou kapab

enplimant en pe bann AI dan prose.

AI i annan son bon kote e son move kote me par egzantp i enportan kekfw ki nou annan li pou en pe lefikasite osi, me selman nou bezwen annan bann kontrol entern ki pou regilariz en pe ki mannyer nou servi li. I osi en keksoz ki pou nouvo savedir nou pou bezwen osi investir dan devlopman nou bann dimoun pou zot kapab servi AI koman en *tool* dan Gouvernman.

I pou osi enportan aköz AI pou kapab ed nou analize. I pou pran bokou lenformasyon – bokou data ki pou met ansanm pou nou kapab analize me i pa pou ranplas en dimoun – i pa pou ranplas en lot *decision-maker* aköz ou pou annan tou sa lenformasyon – ou pou bezwen annan sa dimoun ki pou kapab osi analize e pran desizyon baze lo sa bann lenformasyon ki i annan.

So, mon krwar AI i pou enportan e i pou bezwen ganny fer gradyelman e i pou bezwen fer li avek en bon lenvestisman kot nou bann dimoun osi i kapab ganny sans pou zot devlope e ganny *train* dan sa bann domenn. Mersi.

MADAM CHAIR

Onorab Trevor Louise.

HON TREVOR LOUISE

Mersi Madanm Chair. Bonzour Madanm Charlette. Felisitasyon lo ou nominasyon. Mon kestyon pour ou i plito relye dan laspe lafanmir ek sosyal en? An term donn dinyite atraver loportinite sa i baze dan manifesto *United Seychelles* paz limero 10 ki koz lo redonn dinyite e i kot lo en nasyon prospere, mon kestyon pour ou se ki mannyer koman en manman – koman en madanm e ki byento avek laprouvasyon Lasanble Nasyonal ou a vin Minis eski ou pou pouse ki dan sa premye 100 zour sa bann program i ganny enplimante ki nou a kapab *empower* nou bann fanmir espesyalman ki nou bezwen rekonnet i annan bokou manman ki *single mothers* ki pe okip zot zanf, zot *struggle* en kantite so ki mannyer eski ou ou pou pouse koman en madanm, koman en manman ou pou asire ki sa bann program i ganny enplimante? Mersi.

MRS PAMELA CHARLETTE

Mersi Onorab. Parey mon'n dir dan mon parkour ki mon'n fer politikman, nou'n rankontre bokou bann dimoun ki defavorize. E mon krwar ki -

bann dimoun ki'n ganny kit deryer e se sa ki ou war keksoz in sanze politikman. Koman en madanm mon'n la mon'n temwannay sa bann keksoz e mon'n aport mon soutyen ki mannyer mon'n kapab me selman i pa vedir toultan fodre larzan. Larzan wi, i pou ede soulaze parey nou manifeste in mete nou annan bokou linisyativ ki tous pri lavi ki si mon ti en teknokrat parey mon ti été avan, vre mon ti poudir lavi pa desann me avek sa leksperyans ki mon'n annan dan distrik ou bezwen mazin en lot fason – ou bezwen mazin tou fason ki mannyer nou nou fer desann pri lavi. Ki mannyer nou fer en fanmir pli – reste pli konfortab ki i kapab.

I annan osi en pe ledikasyon ki nou bezwen fer e koman en madanm mon pou seye pour mwan anmenn en pe plis ledikasyon - ledikasyon lo kote fanmir – ledikasyon nou bann zenn sirtou akòz sa i osi relye avek lanplwa.

Kot mon'n pase en gro problem e sa i ede pou fer lavi pli difisil se zenn pa pe gannay lanplwa. So i enportan ki nou met lanfaz e mwan si mon vin Minis mon krwar - mon pa krwar – mon pou met en pe plis lanfaz lo *training* lo *skilling* bann zenn ki zot kapab pran

lanplwa ki *available* lo *market*. Mersi.

MADAM CHAIR

Onorab Tirant ?

HON COLIN TIRANT

Bonzour Madanm Chair, bonzour tou bann lezot koleg Onorab, bonzour Madanm Charlette. Madanm Charlette depi semenn pase ler ou non in monte pou *nominee*, ti annan en gran *outcry* la deor – *outcry* la deor ti pe dir ‘ li menm li ankor ?’ *Ok* e mon pe kontinyen ganny mesaz pe dir ek mwan “demann li sa - demann li sa - demann li sa.” Wi, ou’n koze, ou’n eksprimen zoli parol ou’n dir i paret mwan nou Minis ki ti la pandan 5an pa’n fer nanryen *ok* ? Sa ki ou dir in fer opred sa ki ou’n fer pandan ou letan sa ki nou’n fer i *very minimal*. Me mwan mon anvi al en pti git pli lwen ki sa en ?

Mon koleg Onorab Monthy in demann ou taler ki ou pou fer be mwan mon anvi demann ou sa keston, vi ki oparavan ou’n deza servi anba sa *portfolio* Minis pou *MLH* kot ti annan bokou dimoun ki ti santi zot ti’n ganny viktimize swa pou en *case* later, ouswa en *case* lakaz, *ok* ? Kwa ki ou pou fer diferaman pou travay dan enparsyalite deservi tou

dimoun e parey non pa avek en lespri politik e pou anmenn sa laspe linite san diskriminasyon parey zot manifesto pe ilistre ? Mersi bokou.

MRS PAMELA CHARLETTE

Mersi Onorab. Onorab, premye keksoz mon pou koriz ou, mon pa'n dir poudir Minis Rangasamy pa'n fer nanryen. Mon pa'n dir - sa ou ki'n dir. I annan Mr Rangasamy ki mon senserman nou koze Mr Rangasamy i annan son keksoz ki in fer *ok*? I annan son par ki in fer e Minis avan mwan i annan son par ki in fer aköz ti annan proze ki ti'n komanse depi Minis Bastienne par egzanp ki mwan mon'n fini e mon'n fer lezot e Minis Rangasamy in vini in fer sa ki pour li in kontinyen sa travay ki mwan mon'n fer e sa i normal dan en Gouvernman. I normal sa pou en dimoun. Me selman ou pa kapab osi donn sa lenpresyon ki mwan mon pa'n fer nanryen aköz vwala keksoz ki - aköz sa kestyon ti demann mwan ki mon'n fer e mwan mon'n dir ki mon'n fer.

Prezan pou ou kestyon, ler mon ti - an 2015 an 2016 ti en nouvo letap nou la demokrasi kot nou ti vwar nou dan minorite menm si nou ti dan Legzekitiv e mon manda ki ler

mon ti antre mon ti ganny dir ki fodre nou tir politik dan Minister Later avek Lakaz e sa vwala aköz mon'n dir ou koumsa premye lannen mon manda mwan mon ti travay bokou lo bann polisi. Se pour sa rezon, pou nou anmenn plis latransparans, rann kont dan nou bann prosedir ki ti annan dan Minister oubyen dan nou bann polisi Minister.

Mon krwar an gran mazorite nou'n arive fer li menm si dimoun pa ti satisfè avek lafason ki ti ganny fer, me nou lentansyon nou sete pou anmenn latransparans e rann kont dan lafason ki nou donn later, dan lafason ki nou donn lakaz. E i annan bann keksoz, bann kontrol ki nou ti osi mete ler nou ti fer polisi.

Par egzanp nou ti met bann komite ki desizyon pa vini - pa mwan ki ti fer desizyon pou donn later, *ok*? Nou ti anmenn bokou bann komite ki asize ki get bann laplikasyon e ki fer desizyon dapre bann kriter, dapre bann polisi ki an plas. Par egzanp dan mon letan mon pa - mon pa'n zanmen tande poudir i annan dimoun ki napa laplikasyon ki'n ganny later.

Dan mon letan mon pa ankor tande ki en dimoun ki - en madanm i ganny lakaz, en madanm i ganny later, son

msye i ganny later an menm tan. Dan mon letan mon pa ankor tande – mon pa ti tande si ti annan dimoun ki ti annan 3 bout later apre in ganny ankor later, *ok* ?

So mon krwar, mon krwar sa in met en pe kontrol. Nou ti annan plis kontrol lo lafason ki nou donn later, lafason ki nou donn lakaz e bann kontrol entern in marse. E mon ekspekte ki sa dimoun ki a vini ki a ganny sa *portfolio* i a osi mazin bann – i ava osi mazin sa bann lenstans koumsa e fer sir ki tou dimoun i ganny trete menm fason. Mersi Onorab pou ou kestyon.

MADAM CHAIR

Onorab Georges?

HON BERNARD GEORGES

Mersi Madanm Chair. Bonzour Madanm Charlette. Madanm Chair mon kestyon pou Madanm Charlette, i enn senp e i annan pou fer avek Les Mamelles. Madanm Charlette premyerman felisitasyon ki ou'n ganny swazir pou vin Minis ankor enn fwa. Mon prezimen kan lapant kestyon ki lo tou le kat kote latab in demande ki i annan en gran sans ki ou retourn dan sa *portfolio* Labita e donk avek sa

antet, mon kestyon se sa kestyon swivan ;

Premyerman lo sa proze 24/24 ki ou Gouvernman ki ou ti servi ladan ti inisye, eski ou annan en leksplikasyon akòz ki Les Mamelles li in ganny zis 8 lakaz dan sa 24 ki i ti promet anba zot ladministrasyon ?

E dezyenmman eski si ou vin Minis, e prenon kont ki Les Mamelles ozordi son *MNA* i sorti dan *LDS*, me ki dan 2enm *round* i ti vot an faver Prezidan Herminie, eski ou ava kapab konfirman ozordi ki sa proze 8 lakaz ki'n komanse *Lower Les Mamelles* pou kontinyen ki redevlopman *Les Mamelles Lower* annantye bann vye lakaz Angle i ava kontinyen e ki sa proze 28 lakaz dan Kan Plaisance li osi i ava kontinyen ? E dan perspektiv enn ou dernyen repons ki nou pou kontinyen avek menm sistenm alokasyon kot *MNA* ek *DA_ansanm* avek Minister i ganny en *say* dan alokasyon bann lozman ? Mersi.

MRS PAMELA CHARLETTE

Ou'n demann mwan 3 kestyon e ou ava gid mwan en pti pe si mon'n manke en ? Premyer ou'n dir mwan lo kote sa bann lakaz 24/24, *ok*. Mon krwar se enn se plito bann dimoun

rezidans ki ti ankor dan lakaz. Savedir nou ti napa en fason pou nou *relocate until* nou fer nouvo lakaz pou nou *relocate* zot prezan pou kontinyen sa proze.

Aprè ti annan sa proze anba ki no apel mwan menm personnelman mon ti al en *meeting* – pa en *meeting* me en vizit kot ti annan bann detrwa lakaz ki nou ti koz en pe ek bann zabitan e mon krwar sa ti enn baz negosyasyon me mwan dan mon letan mon pa ti ankor – mon pa ti'n fini fer sa, *ok* ?

So si ou dir mwan – si ou pe demann mwan si sa bann proze pou kontinyen – mon pa konnen – fransman mon pa konnen ki *portfolio* mon pe al pran - si mon pou pran li menm oubyen non. Me mon krwar sa Minis ki a vini i ava annan en pli bon desizyon me si sa proze in komanse *then* napa fason ki ou pa pou kapab kontinyen. Si in komans *design, whatever stage* ki i ladan i pou bezwen kontinyen.

Parey mon pe dir ou – parey mwan mon'n fer mon'n komanse en dimoun in kontinyen, en lot dimoun i a vini i a kontinyen sa bann proze ki dan *pipeline*.

Ou 2enm kestyon ? Alokasyon, ok. Pour le moman – pour le moman mon pa

konnen ki mannyer alokasyon i été, mon'n koz ek ou dan mon letan ki mannyer ti été, ti annan en komite be parey ou'n dir sa komite nou pa ti mete – dan mon letan nou pa ti mete *MNA* lo komite akòz pour sa senp rezon ki nou ti dir pa met politik dan alokasyon.

Me mon pa konnen apre dan sa dernyen 5an in arive si i annan en sanzman – si i napa en sanzman. So mon pa pou kapab – fransman mon pa pou kapab donn ou en larepons pour sa. I a pou sa dimoun ki a vini dan sa *portfolio* prezan i a deside ki laranzman ki i pou fer si i pou kite si i annan okenn nouvo fason – kekfwa sa dimoun i a vini i ava annan en nouvo fason ki mannyer pou *allocate* lakaz. Mersi.

MADAM CHAIR

Onorab Toussaint ?

HON JEAN TOUSSAINT

Mersi Madanm Chair, bonzour. Bonzour Madanm Charlette, byenveni dan Lasanble. Bonzour tou Manm, bonzour bann ki a lekout, ki pe swiv nou lo televizyon. Felisitasyon pou ou nominasyon osi pou en manm lo *Cabinet* Minis dan Gouvernman aktyel. Mwan mon kestyon i pou plizoumwenn oryante pou ou ver – par lefe ki

mon vwar ou annan konesans dan lanplwa e osi dan *recruitment* an relasyon avek travay.

Bann zenn bokou zot - mon tann bann konsern kot par egzant an relasyon avek pou kre loportinite lanplwa pou bann zenn par rapor avek nou zisteman manifesto, bokou zot i konplent ki zot anvoy zot bann dokimantasyon kot bann lazans, bann landrwa travay kot zot pe sey sers dapre en dyob e finalman zot pa ganny zanmen en larepons.

Apré i annan osi sa eleman *URS* ki ler in monte par nou Gouvernman pou entrodwir i annan en kantite rezistans - en kantite negativite ki'n ganny fer sorti a rapor avek sa *scheme*, donk mon ti a kontan konnen kwa petet a ou lopinyon ki enfliyans lafason ki bann zenn ki pe rod travay i ganny reakte par rapor avek zot bann *request* pou travay - zot bann demann, bann *CV*. E osi eksplik nou byen ki vremen lavantaz sa *scheme URS* pe anmennen pou nou. Mersi.

MRS PAMELA CHARLETTE

Mersi Onorab pou ou kestyon. I en kestyon osi vremen pertinan aköz dan sa bann dernyen lannen ki mon'n fer en pti pe *consultancy* mon'n fer li en pe

dan *recruitment* menm dan lanplwa e pa mal difikilte nou'n gannyen koman en pti lakonpannyen pou nou kapab plas bann zenn sirtou - bann zenn ki napa leksperyans dan travay e ki osi ki pa'n lekol sitan bokou - ki'n aret kekfwa \$5. Nou'n plito ganny difikilte dan sa domenn pou nou plas sa bann manrmay sorti direktteman dan lekol.

E i pa'n fasil ditou. Nou ti kontinyen ed zot - nou ti ed zot ki mannyer nou kapab avek zot *CV*. Kekfwa nou sey rod en pti plasman tanporer pou zot ziskan ler zot ganny en keksoz pli permanan. In difisil osi aköz bann - e mwan mon konpran parske mon annan sa 2 perspektiv mon konpran en pe perspektiv bann biznes sirtou bann pti biznes ki nou nou ti pe travay - ki mwan mon ti pe travay avek, bann pti biznes zot le dimoun avek en pe leksperyans aköz zot ankor ptipti e zot anvi ki zot biznes i bouze pou zot kapab anploy plis Seselwa. E zot osi zot *struggle* pou zot kapab *make ends meet*. Pandan sa 5an mon'n war bokou pti biznes ki vin anver nou e apre zot in fermen kekfwa aköz kekfwa lekonomi ki mannyer ti ete.

Me lo kote pou pran bann zenn sorti direk lekol i pa'n fasil

pou bann pti biznes, kekfwa bann gran lakonpannyen i pli fasil aköz ou annan plis *staff* e sa bann *staff* i kapab *train* sa bann ki pa ankor ganny sa leksperyans.

So *URS* i pou en program ki pou annan benefis aköz i pou ede kekfwa donn skill sa bann zanfan ki'n graduate S5 e osi i pou ede donn loportinite kot i annan *reskilling*. Par egzamp i annan dimoun i ti en *carer*, nou'n ganny bokou sa bann sityasyon koumsa, en dimoun i dir ou koumsa i ti *carer* prezan i anvi fer en lot louvraz. In dir in fatigue, aköz i bezwen bese, sirtou si sa dimoun i *bedridden*, i bezwen bese, i bezwen fer louvraz lour. E *URS* i kapab donn li sa loportinite osi pour li kapab *reskill* son lekor, *upgrade* son lekor pou li kapab pran en nouvo pozisyon oubyen en nouvo karyer.

So mon krwar *URS* set en keksoz formidab sirtou pou nou bann zenn, me nou bezwen anmenn li en pti pe pli devan kekfwa annan plis loportinite e travay plis avek bann sekter prive pou zot kapab pran sa bann zenn – oubyen pran sa bann dimoun *once* ki zot in fini *go through* sa *URS stage* pou zot kapab anploy sa bann dimoun *fully* dan zot *post* oubyen sa louvraz ki zot ti pe fer. Mersi.

MADAM CHAIR

Onorab Naidu.

HON SATHYA NAIDU

Mersi Madanm Chair. Bonn apre midi Madanm Charlette. Zisteman dan lepase ou'n tenir *portfolio* Lakaz e ou'n sit lakonplisman ou travay enkli travay Minis Billy Rangasamy. Byensir in annan en diferans an term lapros lo lafason alokasyon in ganny fer kot lanfaz in met en pe plis lo responsabilite personnel vizavi kontribisyon ki en dimoun i fer vizavi dat laplikasyon e lezot konsiderasyon ki ou kapab dekri koman bann valer ki promouvwar en sans responsabilite dan en laplikasyon.

Eski pou annan en diferans an term lapros setfwasi anba ou gidans si an ka ou ganny sa *portfolio* ki ou'n deza deservi? E zisteman lo size latransparans mon panse tou bann *Home Saving applicants* i dwatet konnen kot sakenn de zot in debout, me malerezman i annan pa mal lensertitid dan lespri en dimoun kot finalman zot bezwen al kot *MNA*, *DA*, *housing officer* ki finalman zot war zot pe vir an ron.

Ou'n dir ou rekonnet poudir lo kote *service delivery* in en pwen konsern alors ki

manner sa pou amelyor sa laspe si an ka ou ganny sa *portfolio*? E mon bezwen fer resorti poudir St Louis i ti'n annan en proze 24 me selman sa teren pa ti sifizan pou fer menm 24 *unit* e mon espere atraver ou sipor zabitan St Louis ki pa neseserman - parey dan ka Onorab Georges en kote in vot pour li lo kote pa'n vot pour li kot zot in vot pou Dokter Herminie – dan ka St Louis dan tou le de lenstans zot ti annan en swa ki ti totalman diferan e mon swe se ki ou kapab donn nou sa lasirans pou osi dir ki kantmenm en dimoun son afilyasyon politik i difere avek ou sa endividi ki pou deservi sa responsabilite, ou pou pran bann desizyon ki enparsyal, ou pou pran en desizyon ki dan lentere koman en sitwayen ki regard li koman en Seselwa ki merit ganny son plas? Mersi.

MRS PAMELA CHARLETTE

Mersi Onorab. Mon krwar mon'n tous en pe lo la taler ek sa zafer 'ek nou pa ek nou' e mon'n site bann_diferan kontrol ki mwan ler mon ti vini mon ti met an plas pour ki sa bann keksoz pa arive.

Eski mon garanti? Wi, mon kapab dir ou mon garanti e ki manner nou pou fer li mon pou bezwen - parey ou'n dir

mwan ou'n sit mwan enn de bann pti amannman ki zot in fer kekfw dan sa prose alokasyon. Mon pa'n konnen akoz mon pa'n la me selman ler mon ava ale si mon al dan menm Minister mon ava gete si sa bann mezir ki'n met an plas i akord, i akord avek nou prensip akoz en keksoz ki nou Prezidan in koz fortman lo la se ki 'ek nou pa ek nou' i bezwen fini. I bezwen fini.

So alors parey mon prensip ti ler mon ti vini se pou met plis latransparans i pou menm prensip ki mon pou al avek avek plis latransparans e gete ki manner nou kapab *improve* e met plis kontrol dan sa prosedir alokasyon parey ou'n dir. Mon pa konnen si mon'n ganny tou ou bann kestyon? Mon'n ganny tou ou bann kestyon.

MADAM CHAIR

Onorab Romain?

HON GEORGES ROMAIN

Mersi Madanm Chair. Bonn apre midi Madanm Charlette. Madanm Charlette i annan bann larepons ki ou'n donner mon'n apresye lafason ki manner ou'n koze bann kote kontinyasyon dan travay ki byensir ler en Minis i sorti en lot i vini sa travay i bezwen

kontinyen mon pou al dan menm laliny, mwan osi mon pou al lo kote bann aplikan. Nou tou nou konnen bann endividi i *apply* pou later, pou lakaz e sa i en louvraz ki *ongoing*. I pa en keksoz ki deswit. Menm ti annan ki apre 3an sa ti en pe lontan ti dir ki ou kapab kalifye pou en bout later.

Byensir dan distrik Anse Etoile i annan plizyer endividi ki son bann lo kote later pe *process* e menm lo kote lakaz i annan ki byensir zot annan posibilite zot pe ganny zot lakaz oubyen a lavenir ki mannyer keksoz pe bouze, mon pa konnen si ou pou ganny sa Minister sa *portfolio*, si i ariv eki ou ganny sa Minister ek sa *portfolio* parey nou pe dir, ki ou fason ou pou fer ki ou garanti tou bann endividi, sa mon pa pe zis koz lo distrik Anse Etoile mon pe koz pou pep Seselwa ki zot prosedir ki *ongoing* ki i pa pou ganny – mon kapab dir dereye kekfwa mon kapab servi sa term ki sa bann dimoun pou vwar ki zot ava ganny apele, zot ava ganny en koze ki dan lavenir kekfwa zot laplikasyon i ava ganny aprouve ? Sa mon premye kestyon.

Dezyenmman, anvi ki ou'n tenir pozisyon lenfrastruktir Minis Lenfrastruktir, kot Labita,

Lenfrastruktir ek *Land Transport* nou'n tann sa proze Lasonpsyon i en koze ki bokou dimoun pe koz lo la e tou Seselwa *by now* i konnen ki pe pase, mon'n tann Prezidan Herminie in fer resorti ki en *stop notice* pou ganny *issue* mon pa konnen si in fini fer oubyen tre byen to pe al arive anvi ki atraver ou leksperyans byensir ou annan en lide lo *Planning* ki mannyer ki mannyer zot biro ti fonksyonnen, ki ou panse lo sa *stop notice* lafason kekfwa ki pe ganny fer aköz la nou'n tande ki posibilite kapab servi lafors militer, ki ou panse lo la ? E ki ou krwar ou menm lafason kekfwa keksoz ti merit pe ganny fer. Mersi Madanm Chair.

MRS PAMELA CHARLETTE

Mersi Onorab pou ou kestyon. Annefe ou annan 2 kestyon. Premye kestyon lo kote alokasyon, bann alokasyon ki dan prose la, mon krwar si en alokasyon i dan prose, nou bezwen onor nou bann alokasyon ki nou'n f er sirtou si en dimoun in ganny en let. Me osi nou bezwen - si i annan keksoz kekfwa ki en pti pe pa byen, *then* nou bezwen call in sa dimoun pou dir li 'gete sa ti koumsa i annan en ta sanzman

ki nou bezwen fer' sa i lapros ki mon kapab pran.

Akoz menm ler mon ti avan – menm si i annan en issue sa komite ti kriy dimoun – ti kriye ti dir zot gete sa *issue* in leve. Par egzanp si ou finansman pa ase, nou dir gete ou finansman pa ase, sa se *Land Bank Committee* ki mon pe koz lo la. I pou dir ou dapre konpran ou'n *apply* ou later, nou war poudir ou finansman pa ase alor nou donn ou en serten letan pou ou regle sa. Si ou annan dokiman ki ou bezwen anmennen nou anmennen, koumsa.

Lo kote Lasonpsyon mon krwar si i annan toultan i annan en dout oubyen i annan en lenvestigasyon ou bezwen annan en *stop notice* – ou bezwen *stop* sa ki ou pe fer. E nou konnen poudir Lasonpsyon i enn ki annan bann alegasyon koripsyon *whatnot* lo la so mon krwar i pou meyer fason se pou met en *stop notice* les sa lenvestigasyon fini apre *then* desizyon i ava pran. Mon krwar sa i lapros pli byen ki ou kapab fer si i annan sirtou en lenvestigasyon lo la. Mersi.

MADAM CHAIR

Onorab Uranie ?

HON ROCKY URANIE

Mersi Madanm Chair. Bonzour Minis, Madanm Charlette. Mon dir ou Minis aköz ou ti deza en Minis. Mersi pou ganny nomen pou – felisitasyon pou ou nominasyon. Mon keştyon i anvi ki ou'n deza ansarz sa portfolio kot *MLH* kot Lakaz, e mon'n war pandan sa dernyen 5an La Digue pa'n ganny okenn lakaz me selman mon'n tann parfwa nou'n vin la anndan kot zot menm dir zot bliye poudir mon reste La Digue poudir ki lakaz in menm komans fer kan napa nanryen ki'n fer.

Me la zis en semenn avan eleksyon mon'n war premye pyer in ganny mete avek 5 blok kouler paviyon. Byensir mon bezwen tyonbo blok rouz pou met ater. So parey Onorab Georges in komanse dan son keştyon, mwan osi mon ti a voudre konnen si ou pran sa *portfolio* kot *MLH* si nou pou vwar finalman lakaz ganny fer lo La Digue ?

Akoz mon pe dir sa aköz plizyer fwa pandan sa dernyen 5an mon'n deryer Minis ex Minis kot *MLH* pou *at least* fer lakaz *emergency* me i pa'n zanmen fer me le 25 Oktob nou ti war en dife ? La Digue ki ti bril en pti lakaz e mwan mon ti war mwan ariv la kot sa madanm pe rode kote pou met li reste. Aköz zot ankor krwar

ou kapab al dormi dan salon kot sepa ki bor ater.

So petet ti a bon petet si ou pran sa *portfolio* ou fer sa en priyorite, si ou pou fer sa en priyorite pou get Zil Pros en pe pli pre e fer *at least* kanmenm en lakaz *emergency* e apre sey regard sa proze sa premye pyer zot kontan mete si pou kapab fer en lakaz abordab pou zabitan Zil Pros. Mersi.

MRS PAMELA CHARLETTE

Mersi Onorab pour ou kestyon. Mon krwar Zil Pros nou ti annan en latasman pli pre avek. Mon rapel dan mon letan nou, nou ti fer nou – kan mannyer nou dir sa – nou klinik. Tanzantan nou ti annan klinik Praslin, La Digue kot nou ti monte nou ti al – nou ti get bann dimoun - zot ti annan zot bann *issues*, bann *issues* lakaz, later, nou ti fer sa en priyorite.

E si mon gannyen son *portfolio* mon krwar nou pou bezwen kontinyen – kontinyen fer li e si i annan okenn proze lakaz ki'n komanse nou ava kontinyen avek me parey ou konnen La Digue osi i annan en limit resours teren, so sa bezwen annan en pe – kekfwa revwar en pe bann negosyasyon avek bann dimoun prive kot nou kapab rod plis later La Digue pou fer lakaz.

E mon rapel premye proze ki ti fer se mwan ki ti ouver La Digue so *why not* en 2enm proze La Digue ? Mersi.

MADAM CHAIR

Nou a pran 2 dernyen kestyon Onorab Labonte apre Onorab Valdana Sultan.

HON ANDY LABONTE

Mersi Madanm Chair. Bonzour Madanm Charlette e tou dimoun ki a lekout. Madanm Charlette mon kestyon i pou al en pe lo sa ki Onorab Monthy osi in demann ou osi – Onorab Tirant me selman petet avan sa mwan osi mon pou felisit ou vi ki parey ou'n dir ou en zabitan La Rivyer Anglez konmela, e ou konnen poudir toultan zabitan i annan serten lafyerte ler nou war poudir i en Minis ki sorti dan nou distrik ensi byen ki Prezidan i sorti kot nou en *First Lady* osi.

So mon kestyon, parey ou'n non bokou statistik e mon pou en pe plis spesifik petet dan si ou ganny sa *portfolio* Lenfrastriktir parey ou'n dir kot ou ti été avan Lakaz, Labita, Transpor lo Later so nou konnen dan lepase ti annan serten – *well* mon pa pou appel sa neglizans – me selman petet ti annan serten mankman kot ti napa sipervizyon vreman ler ti

pe fer bann konstriksyon parey nou war *condominium* bann zabitan i ankor vremen mekontan aköz serten bokou bann keksoz ki mal ganny fer.

Parey nou kapab war Vilaz Lespwar Union Vale kot bokou problem ek sa bann lakaz menm *sewage*, la finalman mon'n kapab fer konekte avek *PUC. Reroofing* Union Vale kot pa ti'n ganny fer so eski petet i pou annan en pe plis proaktiv e sipervizyon dan sa bann sekter pou fer sir bann – malgre ki wi dimoun i bezwen lakaz me solman bann lakaz ki omwen i valer pou zot larzan e lo serten standar parey nou Gouvernman ti pe fer.

Aprè mon 2enm kestryon, Madanm Charlette, i pou en pe personnel me selman pa pran li personnel. Solman i enportan parey o komansman mon'n dir ki i annan serten lafyerte zabitan ler en dimoun i sorti dan zot distrik, me i enportan osi pou zot annan latransparans pou zot war lentegrite pou fer sir poudir napa koripsyon.

So avan ler mon al lo la petet mon pou zis azoute lo kote sa *agency* petet ki ou ti annan i annan i annan bann alegasyon oumyen ki nou kapab konnen poudir plizoumwèn ou ti pe *recruit* etranze dan plas

Seselwa, so eski ou kapab dir poudir ou lentere pou Seselwa i pa pou etranze ?

Aprè dezyenmman sa enn ki mon ti anvi demann ou, se ki i annan konsern la deor ki i annan sa *road enlargement* ki ti fer English River e ou later i baze laba, e i annan konpansasyon ki ou'n gannye *in regards to* sa *road enlargement* ki i pli bokou ki pri ki ou ti pey sa later petet ou kapab la eklersi ou lekor ki a donn zabitan e pep Seselwa plis konfyans dan ou poudir vremen ou pe travay dan lentere pep Seselwa e pa dan ou lentere personnel. Mersi.

MRS PAMELA CHARLETTE

Mersi Madanm Chair. Premyerman sa later pa pour mwan i pou Mr Ian Charlette. Mon napa later mwan.

Dezyenmman nou pa ti ganny okenn konpansasyon. Nou ti donn *wayleave* pou nanryen e konmela tou dimoun i vini i park o bor kot mon reste nou napa okenn problem. So lo kote sa mon pa war konnen ki lenformasyon – lo ki *file* zot in al rode me selman i pa vre. I kategorikman non - nou pa'n ganny okenn konpansasyon. Si i annan laprev silvouple anmennen aköz ni mwan ni

mon msye nou pa'n tous okenn larzan, *ok* ?

(APPLAUSE)

MRS PAMELA CHARLETTE

Dezyenmman ou'n koz lo *agency*? Anr *ok*, mon pti biznes prive. Ok, mon pti biznes prive ti wi, ti *employment* ti *recruitment*, nou ti fer *GOP* e sa i form parti – i form parti e nou ti fer plasman osi pou Seselwa. Me nou ti fer osi – pa neseserman ofisyelman me *unofficially* nou ti plas Seselwa aköz nou ti annan nou bann kliyan e si en Seselwa i vini i dir nou koumsa i napa leksperyans i anvi louveraz nou ti diskit ek nou kliyan nou dir si ou kapab pran en tel aköz i napa sa leksperyans.

Me parey mon dir i ti difisil - i ti tre difisil e pa zis nou *agency* ki ti ganny sa difikilte, menm lezot *agency* ki nou travay pros avek zot dir nou poudir i difisil plase sirtou bann zenn ki pa ankor – ki pa'n lekol plis ki S5 aköz zot leksperyans, kekfw zot *background*, zot napa sa *background* teknik dan sa louveraz osi ki zot pe al fer. Se sa dan mon larepons ki mon dir *URS* i pou en bon program pou elev sa bann kalite *skill* pou sa bann manrmay. So mon ti fer

tou lede Onorab – tou lede expat avek Seselwa osi.

Apre ou'n nonm mwan en kestyon *regarding* bann proze en – bann proze – bann standar. Mon krwar sa en keksoz ki Minis Rangasamy mon krwar in pas en bon pe letan lo la e sa ler mon'n koz avek mon bann *staff* ki ti – ki la konmela zot dir mwan zot dir sa i en keksoz ki bann – bann keksoz teknik ki Minis in vin anmennen ki byen aköz i ti annan sa lekspertiz, i ti annan sa konnesans ki mwan mon napa – ki mon ti napa. So i byen. I byen e fotespere ki i ava annan plis *monitoring*, vi ki standar in monte_parey pou pe dir me selman lo kote standar lakaz Perseverance aköz mon'n travay laba i pa lo standar *sorry* i pa lo standar, *sorry* pou mwan dir, en sa lakaz Perseverance mon krwar *MNA* Perseverance i a temwannny mwan sa bann vizit ki nou'n fer dimoun pe konplet bann nouvo lakaz ki ti ganny donnen.

Wi, i bezwen annan – i bezwen annan – i bezwen. Nou pou bezwen met plis kontrol, plis *monitoring* me *monitoring staff* osi me osi plis kontrol lo bann kontrakter ki pe fer sa louveraz, fer sir ki zot bann prodwi ki zot pe mete i lo standar, *hmm?* Mersi.

MADAM CHAIR

Onorab Sultan ?

HON VALDANA SULTAN

Mersi Madanm Chair, bonn apre midi. *Welcome* Madanm Charlette. Madanm Charlette dan manifesto *US 2025* Prezidan Herminie dan son forward in pled en *leadership* ki “enkliziv, rann kont, fonde lo dyalog, ki nepli en letan pou pran bann desizyon deryer laport” parey li menm in dir “*behind closed doors.*”

In menm azoute ki anba “*United Seychelles* se nou lavwa ki pou desid nou fitir.” E osi lo paz 5 (mon a zis *translate* sa en pti kou aköz mon annan en versyon Angle) ki dir, ‘nepli letan pou aksepte en sistenm kot loportinite i zis pou en pti gin kan lamazorite pe *struggle.*”

E petet avek sa lefe ki letan lalis Minis in sorti i annan en leokri la deor parmi bann siporter diferan endividi lo tou lede kote, diferan, petet la mon mazin sa loportinite i zis pou en pti gin petet i kapab pe refer osi lo bann Minis ki pe trounen, bann dimoun ki ti dan Gouvernman, ki swa *PS* ki pe retournen, ki ou pwennvi lo lafason ki bann Minis in ganny selekte? Eski ou krwar *United Seychelles* zot in gard zot promes avek Lepep lo ki tou

desizyon ki pou annan en dyalog lo bann desizyon ki ganny fer? E petet mon ti osi demann sa Minis Fanny, ki ou vizyon lo servi lentere nasyonal par lao lentere politik ? Mersi.

MRS PAMELA CHARLETTE

Mersi Onorab pou ou kestyon. Mwan mon’n toultan antre avek en lespri servi mon pei me pa mon lentere politik. Ler mon ti kite Minis, tou sa ki mon ti annan mon ti annan avan mon ti vin en Minis e ler mon’n ale mon’n reste parey. Napa nanryen ki’n sanze, napa nanryen ki mon’n ganny an plis e aköz mon pa’n travay zis pou mon lekor, mon’n travay pour mon pei e pou Gouvernman.

Mon krwar sa i reste en prensip – en prensip parti, en prensip ki mwan osi mon pou viv avek e partou kot mon pou ale mon pou anmennen.

Ki mon pou kapab fer mwan ? Parey mon’n dir nou met bokou – bokou an plas dan sa Minister ki mwan mon ti été zis pou fer sir ki mwan mon pa pran en desizyon ki pou ganny vwar koman politik oubyen ‘ek nou pa ek nou.’ Bann komite ki mon ti met an plas par egzanp pou alokasyon later oubyen lakaz, se bann teknisyen ki ti lo la e zot, zot ti fer desizyon dapre

bann kriter ki sa polisi ti met an plas.

So mon pa war dan ki fason ki mwan mon pou'n kapab enfliyanse. Desizyon ler ti vin kot mwan dan *file* ti en desizyon ki ti'n ganny pran e mwan mon ti pou *endorse* oubyen non.

Ler mon pe dir mon ti *endorse*, savedir – savedir mon pou gete si bann kriter in ganny swiv, si polisi in ganny swiv e la ou *endorse*. Mon'n war en serten koze ki par egzant mon'n anpes dimoun ganny later *whatnot*, be mon pe koz en ka partikilye ki mwan mon'n war me ler mon'n get dan sa *file*, ler mon'n fer refleksyon – oubyen ler mon 'n ganny sa lenformasyon apre, me tousala in pase lo en komite, desizyon in pran lo en komite. I pa mwan ki'n pran en desizyon. Sela ki mon krwar sa bann komite ki nou ti met an plas la ti enportan – ti enportan pour ki desizyon i ganny pran *fair* e ti pou napa sa zafer ek nou pa ek nou – *hmm* ? Mon pa konnen si mon'n ganny ou 2enm kestyon ?

HON VALDANA SULTAN

(Off-Mic)

MRS PAMELA CHARLETTE

Anr *ok, ok*. Mon krwar Prezidan i bezwen annan son rezon.

Parey tou Prezidan i bezwen annan en rezon aköz in - e mon pwennvi pour mwan, wi i bezwen annan son - mon pwennvi pour mwan in bezwen annan en rezon aköz in swazir mwan e kekfw a in get mon *track record*, in get mon lentegrite, in get mon fason e pa bliye ki mon'n travay avek li pandan sa dernyen detrwa lannen. Mon'n travay *close* avek li e in war petet mon kapasite.

E mon'n ansarz mwan en distrik ki en tough distrik so in war keksoz ki kekfw a mon kapab__anmenn dan mon pozisyon koman en Minis. Mersi.

MADAM SPEAKER

Mersi Madanm Charlette. Nou ava remersye ou e eskiz ou. E nou ava prezan sorti dan Staz Komite. Deba i a prezan ouver lo Mosyon. Onorab Woodcock ?

HON WAVEL WOODCOCK

Mersi Madanm Speaker. Madanm Speaker, parey plizyer enterven an lo nou kote latab in dir, ki ti annan en - ler non Minis Charlette ti monte koman en *nominee* pou plas Minis, ti annan en leokri deor. Fristrasyon pa ti sorti zis lo kote LDS me ti menm annan bokou bann sipoter *US* ki zot non i kler ou war bann koman ter ki

zot in mete, ti annan mekontantman.

Nou bezwen admet Madanm Speaker ki pandan letan ladministrasyon *United Seychelles* e menm anba *Minister* Charlette, ti annan bokou ka – bokou rapor - bokou konplent viktimizasyon. Ti annan bokou konplent e menm dan sa bann letan mesaz ki mon'n gannyen sorti Praslin, Grand Anse, Baie Ste Anne partou ti annan bokou konplent, alegasyon 'ek nou pa ek nou' dan alokasyon later avek lakaz.

E ozordi avan sanzman ladministrasyon ti annan en prensip ki nou ti'n adopte kot bann *MNA or DA* dan distrik ti fer rekomandasyon alokasyon later ek lakaz avek en komite endependan – *Vetting Committee* ki ti ganny etabli pou fer sir ki i annan enparsyalite lo alokasyon later avek lakaz.

Me i malere Madanm Speaker, ki oparavan ti annan sa bann keksoz, ti annan 'ek nou pa ek nou' zot pa kapab *deny* sa. E la koman nou pe koze i annan en lafreyer dan piblik ozordi. I en gro lafreyer parmi piblik sirtou bann proze lakaz e bann proze *land bank* ouswa plizyer dimoun ki'n fer laplikasyon ki zot in fini ganny let konmkwa zot pou ganny zot

pou ganny zot later, zot ankor pe esper serten prosedir konplete ki zot in ganny zot - konmkwa zot pou ganny later ouswa lakaz, zot pe per pangar sa ladministrasyon i ranvers sa bann desizyon e zot rekomans sa latitid pini 'ek nou pa ek nou.' I annan en gro lafreyer deor la. En kantite dimoun i per konmkwa zot pou ganny viktimize aköz sa in en pratik lepase.

Nou'n war plizyer lenstans dan lepase bann labi. Minis in vini in dir nou poudir dan son letan ti napa okenn labi dan later, dimoun ti ganny detrwa kare later, me selman nou'n vwar nou'n fek war *case 2020 Development* Ile Soleil kot en konsiltan ek sa lakonpannyen in ganny 40mil met kare. Nou'n war case kot Minis in ganny plis ki 40 morso kare later, nou'n war ka – mon fek koz lo la pli boner ka *STC* 72mil apre lwe pou sepa konbyen.

Nou'n war ka plizyer lezot ka - parti politik in ganny sepa konbyen bout later ki'n vann pou milyon e milyon. Nou'n war ka Ile Eve, nou'n vwar ka dan bann *industrial estate* kot dimoun in ganny later pou ... in revann pou milyon anba letan ki Minis Charlette ti ansarz sa bann letan *MHILT* – *MLH* apre ti vin *MHILT*.

That was how things ti ete dan letan ki Minis Charlette ti Minis. Minis in dir en keksoz vreman enportan, ladministrasyon ki sanze Gouvernman pa sanze, se Gouvernman Sesel li in erit serten proze avek *Minister Bastienne*, Minis_Rangasamy li in erit serten proze avek li e ozordi i pe vin *inherit* plizyer bann proze ki'n deza komanse anba nou ladministrasyon avek Minis Billy Rangasamy - en kantite proze annefe. I annan proze Grand Anse Praslin – 16 *unit* Amitie, i annan plizyer bann proze dan plizyer bann distrik Mahe, ki zot pou *inherit* e ki zot pou koup riban menm si nou ki'n komans sa bann proze.

Plizyer – en kantite proze ki nou'n komanse ki se sa Minis ki pou koup riban e bann lezot Minis ladministrasyon US ki pou koup riban. So i enportan pou note Madanm Speaker, ki i annan en kantite keksoz ki'n arive e ki i ankor pe arive e ki nou annan krentif la deor.

En konparezon Minis Charlette in koz lo zenn – travay pou zenn me sa ki enteresan Minis Charlette i annan en *agency* ansanm avek en partner – en lot ansyen Minis Parti Lepep zot *focus* ti plis lo *recruitment* - *recruitment*

etranze pa Seselwa. Zot ti *apply* par 100tenn laplikasyon pou bann basic job pou etranze. Zot pa ti pe donn *or rather* zot ti donn *very little opportunity* Seselwa, zot pa ti enteres avek bann zenn ki sorti dan bann *professional centres* e Imigrasyon ti *stipulate* avek zot lazans ki bann lakonpannyen ki zot ti pe prezante i *register* avek *employment* e ki zot ti merit pe donn loportinite bann zenn dan *labour market*.

Le kestryon ki Seselwa pe demande koman propriyeter ki propriyeter en lazans ki pa ti enterese avek zenn ki ti pe anvoy sepa 2santenn... laplikasyon Imigrasyon pou etranze ki mannyer ki zot pe planifye pou redwir *youth unemployment*? E fodre note Madanm Speaker, ki *unemployment* Sesel *rate* ozordi i selman 2poursan. Me dan *youth informal sector* i annan en pe defi. E Minis ti annan en lazans ki pa ti pe ede, ki ti plito enterese avek etranze, avek rod GOP pour 2santenn, 2santenn GOP pou vin travay Sesel olye *focus* lo bann zenn ki ti la ater, parey zot dir ki en zenn ki pa ti pe travay.

So ou konpran i annan en kantite kestryon ki pe ganny demande la. I annan en kantite keksoz la ki ler nou pe realize

nou pe war Lepep Seselwa i annan en pe krentif lo Minis Charlette. Pli gro krentif sa pep se 'ek nou pa ek nou' dan alokasyon lakaz avek later. Gran lapel ki mon fer e lapel pep Seselwa, *US* nou tou nou konnen zot pe zis *rubber-stamp* tou bann Minis ki vini zot pou aprouv sa bann Minis me mon lapel ki mon anvi fer avek Minis Charlette aköz i pou vini Minis, silvouple annou pa retourn lo sa bann pratik lepase 'ek nou pa ek nou' dan lokasyon later, dan alokasyon lakaz ouswa dan okenn lezot lenstans aköz mon krwar nou pei i pa anvi sa bann keksoz retourn ankör.

Avek sa 2 mo mon dir ou mersi, Madanm Speaker.

MADAM SPEAKER

Onörab Herminie?

HON WILBERT HERMINIE

Mersi Madanm Speaker. I gou sa bann deba dan Lasanble, enn ler ler ou bliy lepase, si ou pa ti la dan 6enm Lasanble ou ti pou bliy – ou ti pou krwar tou sa ki zot dir se ryen ki laverite.

Mon pou komans koumsa Madanm Speaker, aköz premyerman Madanm Charlette ler nou pe get son kalifikasyon, son parkour i montre li menm ki i deza kalifye pour sa loubraz - enn;- in la

pour sa 2an edmi, li menm in dir ant 2017-2020 in kapab fer son rikörd in montre in fer 469 lakaz, sa 2an edmi e ladministrasyon oparavan li pandan 5an in kapab fer li zis 372 lakaz. Sa i statistik ki lo rikörd. So nou bezwen kapab konpran ki dan 2an sa madanm anba tou sa bann kalite presyon ki ti la in kapab fer e delivre.

Prezan nou bezwen *remind* Onörab Woodcock ankör en kou, ler i pe koz 'ek nou pa ek nou' dan alokasyon lakaz, mon bezwen *remind* li ki pandan letan Minis Charlette ti annan *housing point system* avek *housing land system* ki nou menm nou ki ti al laba mon krwar kot *STC Conference Room* nou ti asize e pou diskrit lo la, in bliye pou nonmen poudir Lepep Seselwa ki mannyer *housing* – alokasyon lakaz ti ganny fer. I vin ek nou avek en zistwar ki konmkwa Minis Charlette ki ti pe donn lakaz lo li menm ki sa i totalman fo !

Zot kontan fer sa zot – zot abiye fer sa zot. Zot vini zot blansisaz rimer. Deryer rido zot a vin ek nou parey in pase – mon sagrinen ki Onörab Henrie pa la mon pa tro kontan koz par dernyen en Onörab ki pa la me solman i ti dir nou dan nou pti

enteraksyon annou met lepase deryer, annou koste, annou asiz o bor kanmarad epi la anndan lo *start* zot vin nou avek en pake mansonz, en pake lalang ki krwar nou bliye, nou ti la dan 6enm Lasanble nou konnen ki mannyer sa bann fason alokasyon lakaz ti ganny fer nou. Pa Onorab Woodcock ki pou vin eksplik nou ankor dan son fason ki mannyer li i ti krwar alokasyon lakaz ti ganny fer. Mon krwar bann ki ti la dan 6enm Lasanble i ankor okouran ki mannyer sa prosedir ti ganny fer.

Onorab Woodcock i kontan vin ek nou se pou atraver ou Madanm Speaker ki gran kalifikasyon ou bon, CV i bon me solman, me solman toultan i annan en keksoz ki dapre zot in ganny envante lo *Facebook* ki zot vin avek.

Sa madanm i tre konpetan in travay in debourye son *track record* i montre pou li menm in kapab delivre lo sa *mandate* ki i ti gannye dan sa pti gin letan ki i ti la, so mon pe rode aköz zot annan problem tou kou pou atak dimoun personelman dan plas *state the fact*. *The fact is* sa madanm in fer li 469 lakaz dan 2an edmi ki sa i plis ki zot in fer dan 5an. Mon krwar ki sa i koz *without*

saying ki sa madanm in delivre non?

Madanm Speaker, nou anvi koz lo skandal. Mwan pour mwan en skandal en vre skandal se si en dimoun i ganny li 2 bout later, san ganny okenn – san annan okenn laplikasyon – ganny 2 bout later ki nou konnen pour le moman. I le koz lo skandal, skandal i proze Lasonpsyon ki nou pa konnen kwa ki pe arive laba, sa en skandal. I le koz lo skandal - skandal i lavant *share* dan *Nouvobanq* sa ki skandal ki nou pa konnen ki pe arive.

I pe rod skandal ankor ? Nou a dir li ki pli gro skandal ki annan? Fon *COVID* ki nou pa konn nanryen kote larzan in ale, sa skandal. Pe koz ek nou skandal !

Nou lo sa kote latay, nou'n vin la pou nou fer en travay lo manifesto ki nou parti in vin avek e lo nou kontra sosyal 100 zour ki nou Prezidan in vin avek. Nou'n koze nou get lo kalifikasyon nou get lo si sa bann dimoun ki'n vini zot kapab annan sa konpetans pour zot kapab delivre e mazorite wi, zot annan nou konn zot, nou'n travay ek zot, nou'n enterakte ek zot. Zot, zot pe sey kre en nyaz par deryer sa bann lapwentman konmkwa sa bann dimoun i bann dimoun

manman zot pli gran – zot in fer en ta pese, zot annan en ta problem zot pa konnen ki zot pe fer. Ti annan bann lenvansyon ki'n vin avek dan letan sepa ti pou annan 'ek nou pa ek nou.'

Nou tou nou konnen ti napa. Sa madanm in eksplike ekspres ki mannyer i ti aprouve li in eksplike ki mannyer i ti aprouve, ti annan en komite teknokrat, teknisyen ki ti fer sa e nou menm nou ki ti parti prenan dan sa legzersis kot nou ti al gete ki mannyer sa *point system* ti marse lo later ek lo lakaz, tousala i pa akonte sa. Vin akont nou 'ek nou pa ek nou.' Me nou bezwen arete akot nou konnen kwa ki ti arive, kan mannyer sa prosedir ti pase li, ou ganny mwan ?

Mon pa pou tro long, Madanm Speaker, me solman an terminan, mon bezwen dir ki wi, nou pou siport nou Minis. Nou pou donn li sa sans pou li travay nou akot nou la nou kapab koze avek nou Minis nou, kot i byen nou pou dir i byen kot i mal nou pou dir si i mal. Nou pa pou fer parey zot nou, ou ganny en konpran ? Nou pou fer li byen.

Nou annan - an terminan Madanm Speaker mon kontan ki Onorab ki – Onorab Labonte Onorab pour La Rivyer Anglez

in dir i pou siport en zabitan La Rivyer Anglez - en madanm – en madanm ki sorti dan menm sou distrik ek li, Ma Joie e sa mon kontan akot parey in dir e ler in ganny elekte in vin li Onorab pour La Rivyer Anglez e pou tou zabitan La Rivyer Anglez. So mon kontan pour premye fwa Onorab i pare pou lev son lanmen pou donn sipor sa madanm – Madanm Pamela pou li kapab ganny son lapwentman pou li vin en Minis. Mersi Madanm Speaker.

(APPLAUSE)

MADAM SPEAKER

Onorab Naidu?

HON SATHYA NAIDU

Mersi Madanm Speaker. Zisteman devan nou in in vin en lot endividi ki pe aparet pou pran pozisyon Minis e byensir lo zot kote latab lo kote US zot annan mazorite, e menm piblikasyon *People Plus* in donn en lendikasyon poudir ki i en fe akonpli menm si Lasanble pe antreprann en prosesis zot in fini dir '*this is our Executive Team*' e bato i bezwen marse.

Pouvwar i lo zot kote pou zot kapab aprouve me selman i enportan ki zot onor *the bureau process* kot i pa vin en ka kot tou bann Minis ki ganny

apwente vi ki i sorti dan menm parti politik avek nou i pou ganny aprouve, alors i montre ki klerman ki tandan ler en parti politik i ganny en mazorite ozordi zour malgre ki nou la demokrasi in bouz dan en serten direksyon i parey ki nou pa'n fer en refleksyon ki serye ki vize dan sa direksyon kot nou annan matirite politik.

Lo size lozman ki konsern en kantite Seselwa la deor, e mwan mon fyer lo lafason ki zabitan St Louis in ganny zot sans atraver bann proze ki Minis Billy Rangasamy akote son bann teknisyen *SIA* in delivre. E menm lo size alokasyon mon pran lafyerte lo lafason ki nou pa'n get afilyasyon politik personn, tou dimoun i annan en drwa pou afilye avek zot – si oule siport *US* ou lib pou siport *US*, oule siport *LDS* ou lib pou siport *LDS*, si ou pa le siport tou lede ou lib, me a lafen dizour si ou pe kontribye, ou pe fer ou par koman en sitwayen i enportan ki bann dimoun ki pran en desizyon lo ou lavenir i pa baz sa lo politik.

E malerezman dan lepase in arive e i enportan pou nou tir leson dan lepase kot *SPPF*, *United Seychelles* ti o pouvwar i ti annan en fason fer, nou pa kapab dir ti napa. Akoz se pour

sa rezon ki a en serten pwen in annan sanzman dan gouvernans pei, in annan sanzman dan ladministrasyon akoz Lepep in eksprim zot swe e alors vi ki zot in ganny pouvwar i enportan pou asire ki zot a pe delivre lo zot promes parey Dokter Herminie in dir dan enn son diskour poudir avek en pei zanmi - mon pa konnen lekel pei zanmi, zot pou rod en fason pou fer 2000 lakaz – 2000 in sorti pou ariv 3000 dan son bann diskour e mwan mon pou tir bann ekstre pou met devan avek Lepep Seselwa kot Dokter in fer en tel komitman.

I byen – mwan mon ti a voudre ki demen nou kapab rezourd__problenm lakaz me selman i enportan ki nou pa vann nou souvrennte avek okenn pei etranze. I enportan ki nou pa vin lesklav personn akoz ozordi zour kot Sesel in arive Seselwa i le ki nou reste en Leta ki endepandan akoz ou bezwen realize poudir napa okenn pei ki pou vin donn Sesel en koudmen avek en nide poudir ki *everything is given for free*.

Tou keksoz i annan en lekspektasyon an sa ki konsern kwa ki mon pei pou ganny en retour ? Ki kalite lentere eski mwan mon pou kapab avanse ler mon pe donn sepa konbyen mil lakaz an retour. E zisteman

lo size alokasyon, dan nou gouvènanans lo kote administrasyon LDS, en MNA ti annan en plas lo size *Housing Allocation Committee*.

Madanm Charlette in dir ki dan lepace i pa'n leka, me selman i enportan pou asire ki vizavi alokasyon lakaz i annan latransparans e mwan mon'n bezwen lager wi, avek mon prop administrasyon o komansman avek bann teknisyen ki ankor la dan Gouvènmman dizour dirize par Dokter Herminie kot mon'n bezwen lager pandan 2an pour mwan ganny en dokiman ki kler, ki dir kote eski tou dimoun i debout.

Akoz dan lepace sa bann lenformasyon koumsa la ti an kasyet kot dimoun pa ti konnen – MNA pa ti konnen i ti ganny bann diferan lenformasyon ki pa ti neserman kredib. Ozordi mon fyer poudir ki dan mon lanmen mon annan lenformasyon ki kredib e byensir o fir an mezir ki en dimoun pe kontribye ou ekspekte ki son kou total pou monte, me selman mon fyer poudir mwan mon'n pouse pou asire ki laplipar mon bann koleg i annan en lalis ki kredib – en lalis ki annord – en lalis kot tou bann aplikan – bann aplikan i aktiv, i azour vizavi laplikasyon menm lo size later.

Souvandfwa en dimoun i met en demann zot dir *it's been committed to* me zanmen ou konnen avek ki in ganny *committed to* finalman ler ou regarde pli tar, ler ou regarde lekel ki ganny sa later, i en dimoun ki annan koneksyon avek sistenm. Me i pa devret pe mars koumsa. Nou devret sanz fason fer. Dan lepace anba US in marse koumsa e se pour sa ki en zabitan St Louis ki ler mwan mon ti'n antre koman MNA *the oldest application date was 1996* e sa madanm ler i ti'n al ek son bann dokiman anba zot ti napa menm en file kot MLH anba Minis Billy Rangasamy gran mersi sa madanm ti annan tou son bann dokimantasyon kot Minis in sanze, kot PS in sanze, sa madanm ti pe plere bann keksoz ki i dwatet pe gannyen, me finalman en 2023 i ti ganny son morso later.

Alor listwar i ilistre poudir in annan en tandans dan lepace ki ti'n mal ale e nou bezwen annan sa matirite pou aksepte poudir wi, in annan en fason fer ozordi zour nou pa pou al dan sa menm direksyon e alors nou pou fer keksoz pli byen kot nou pou promouvwar bann prensip ki ekitab.

E ozordi zour mon le fer kler avek zabitan St Louis

poudir i annan posibilite pou nou konstri 56 *unit* baze lo travay ki mon'n fer akote Minis Billy Rangasamy, baze lo travay ki mon'n fer akotz tou bann teknisyen – tou bann teknisyen. Pour bann si i annan okenn zot ki pe swiv, zot konn tre byen mannyer nou'n travay dir e alors i prerogativ sa ladministrasyon ki'n vin devan poudir zot pou fer lakaz i enportan ki ler zot pe fer sa bann lakaz, sa bann lakaz i al egalman pour zabitan St Louis.

Akoz dan lepase ler zot ti fer lakaz zot ti tir en bann lezot dimoun dan lezot distrik pour bann rezon politik e zot in met zot dan St Louis avek bi pou dir zot pou ganny St Louis. Mwan mon pa krwar dan sa fason fer. Mwan ler mon'n donn 16 *unit Waterloo* mon pa'n regard 65 vot mwan, mon'n regard li 16 fanmir ki merit ganny asiste avek lakaz. In plis ki ler pou nou sanz bann fason fer e ozordi zour Lepep Seselwa i war kler, nou annan en pep ki entelizan, nou annan en pep ki matir, nou annan lenformasyon a nou porte, nou annan medya ki'n transformen.

Ozordi ou pa zis bezwen depann lo *SBC* ouswa zis lo sa *sitting* Lasanble pou nou konnen kwa ki pe pase dan Sesel, medya in evolve e alors si

in annan okenn *malpractice* pandan sa 5an dirize par sa Dokter Herminie an sa ki konsern sa *portfolio* ki nenport ki Minis ki apel *Minister of Land Use and Housing*, ouswa nenport ki fason ki zot pou apele, akotz mwan mon konnen poudir sa ti en departman ki ti'n ganny sitan politize, ki'n sitan diviz nou pep, ozordi kot nou'n arive, nou pa pou kapab tourn an aryer.

Annou rod en fason kot nou kapab asire ki tou dimoun ki merit ganny ede i ava ganny ede san get zot afilyasyon politik akotz *this is the way forward* kot nou kapab anmenn Sesel pli lwen posib pou asire ki tou zanfand i ava ganny loportinite egal e tou dimoun ki apel zot en Minis, zot a deservi zot responsabilite avek senserite e mon swe se ki sa Minis ki pou vin dan soulye Minis Billy Rangasamy ki annan en bon non la deor i ava travay egalman dir pou son pei. Mersi.

MADAM SPEAKER

Onorab Sopha.

HON GERRY SOPHA

Mersi Madanm Speaker. Mon'n ekout Madanm Charlette atantivman, premyer kestyon mon krwar parmi – premye

kestyon ki'n ganny demande si ki diferans i pou anmennen akòz in deza dan sa Minister, sa madanm in eksplike ki avan ler i ti fek vini, i ti en teknokrat me apre in al pourswiv son bann letid Liniversite Sesel i santi prezan e ler in al lo teren in annan koneksyon dan bann kominote in konpran problem dimoun e i dir poudir i santi li dan en pozisyon kot i pou kapab vin delivre avek sa bann leksperyans - son letid ki in fer.

E koman en *nominee* i pa ankor antre dan lofis, in donn sa parol mon krwar nou devret esper li. I pa vedir keston i pa merit ganny demande akòz mon pou dakor avek Onorab Georges, dernyen fwa i dir nou dan en demokrasi - sa i normal i en prosedir. Me i reste pou nou esper Madanm Charlette ler i antre dan son *portfolio* e si nou annan keksoz ki nou war i pa pe delivre, Lasanble i touzour la pou fer li vin isi anndan kot nou nou pe reprezant Lepep Seselwa pou li vin reponn keston e i en lobligasyon pou li vin eksplik son lekor ouswa reponn keston ki nou nou krwar nou devret demann li lo non pep Seselwa.

Madanm Speaker, mon'n antann Onorab Naidu ler in demann son keston premye keston ki i ti demande i ti baz

lo latransparans ki fodre i annan letan ou pe donn lakaz, later ou bezwen annan latransparans. Mwan osi mon krwar sa i en tre bon keston ki Onorab Naidu in demande akòz vi ki nou'n adopte latransparans, bonn gouvernans, rann kont, sa pep ki'n met nou la i ekspekte bann keksoz ki ganny fer dan lentere nasyonal i annan latransparans.

Be letan nou koz latransparans Madanm Speaker, latransparans i la sa mo toultan pou nou met li an pratik. 2020 ladministrasyon in sanze Sesel LDS in antre dan lofis avek en super *majority* dan Lasanble Nasyonal e mon krwar sa keston ki Onorab Naidu in demande Madanm Speaker, i ti merit refer dan sa 5an ki LDS ti dan ladministrasyon si in egziste? Nou pa pou kapab ekskli sa 5an *from 2020 to 2025* akòz en bout nou zistwar pou manke. Dan letan ki LDS in o pouvwar pandan sa 5an in osi napa latransparans dan plizyer direksyon, me mon pa pou kapab dir tou mon pou reste lo en size ki annan relevans lo zafer lakaz ek later.

Dan 7enm Lasanble Nasyonal mon rappel lopoizisyon ki ti US ti anmenn

en kestyon ler ti demande sa later *land bank* ki ti ganny vann avek en endividi mon a servi sa mon ki Minis Rangasamy in dir avek 'endividi si in vann lo *market value* ouswa lo *buying price*' ti annan en deba Madanm Speaker, e sa letan Mr Sopha sitwayen prive yer Onorab Sopha ozordi ti pe swiv sa li. E mon ti apresye ler mon ti tann Onorab Sandy Arissol sa letan dir si sa later in mal ganny *purchased* – pa'n ganny byen peye ki ti merit ganny peye anba *market value* alors ti dir avek Minis Rangasamy ale, al fer en konversasyon avek sa endividi i ava ekersi sa problem.

Me sa ti ganny dir dan Lasanble Nasyonal e nou koman bann dimoun ki ti pe ekoute nou pa'n trouv nanryen ziske ozordi ler LDS in kit lofis, parske sa ti'n ariv dan domenn piblik nou pe demann nou lekor eski pa ti konsern nou pou nou konnen poudir sa legzersis in pourswiv - pou annan latransparans ? Madanm Speaker, se sa latransparans.

En lot bout se nou ti ganny dir par Minis li menm sa semen ki sorti ki al kot sa later ki sa endividi in fer ti R300mil sa se Minis sortan Minis Rangasamy ki ti pronons sa. Me ki nou ti antann apre ?

Prezidan Larepiblik sortan sa letan Mr Ramkalawan i vini avek menm semen i dir nou R1milyon la pour en sel proze nou annan 2 sif Madanm Speaker, lekel ki ti byen lekel ki ti mal nou pa konnen, nou sitwayen deor nou asize nou pe ekoute. Nou pa'n ganny bon lenformasyon, nou'n ganny *mislead*. LDS i sorti o pouvwar ziska ozordi nou pa ankor konnen si 300mil ouswa si 1milyon ki ti korek pour sa semen fer pou ariv lo sa later. Eski i annan latransparans ki ti ganny pratike dan sa levennman ki mon'n met devan Lepep Seselwa ozordi ?

Madanm Speaker, parfwa nou kapab koz en kantite e nou pa pe dir nanryen. Parfwa nou kapab dir nou pe koz laverite kan nou konnen nou pa adopte laverite sa laverite i zis en *password*, tandis Madanm Speaker, nou lo sa kote latab nou'n fer sir ki nou pe vin ek en diferans pou nou kapab soulaz moral pep Seselwa ki lafen laverite e ki anvi war Sesel i bouz dan en lot direksyon kot zot a santi zot soulaze.

Madanm Speaker apre sa detrwa fraz ki Onorab Sopha in dir i donn son komitman pou siport lapwentman Madanm Charlette. Mersi.

(APPLAUSE)

MADAM SPEAKER

Mon realize ki ti annan lezot Manm ki ti ti'n lev lanmen, me solman nou *out of time* so mon pou demann Onorab Lemiel pou fer konklizyon.

HON SYLVANNE LEMIEL

Mersi Madanm Speaker. Mersi tou bann Manm ki'n entervenir dan interview Madanm Pamela Charlette e osi bann Mosyon – bann lentervansyon pou Mosyon li menm. Devan nou i annan en madanm ankor ase zenn, tre talante. Sa madanm in deza Minis e in prouv son kapasite koman Minis e parey i annan bann laliny kestyon ki in al ladan kot zot in kestyon en pti pe lo kote fason fer dan lepase e mon krwar in plis ki 5an Madanm Charlette in sorti dan Gouvernman in an deor in kapab zize, in kapab vwar etandonnen ki i ti dan sa sez koman Minis i bezwen vwar, i bezwen in fer analiz pou li vwar kote ki keksoz pa ti byen, e kote ki i kapab fer pli byen, kote ki i pou kapab amelyore pou fer sir ki *any* pozisyon *or any portfolio* ki i pou gannyen i ava kapab delivre pli byen posibil ki petet i ti pou fer dan sa letan ki i ti deza Minis.

Mon krwar sa i aplik pour tou sa bann dimoun ki ti deza Minis Madanm Speaker. Zot in annan leksperyans, zot in vwar ki fot ki zot in fer, zot pa pou kapab repet menm fot. La zot in bezwen grandi, zot in bezwen grandi an espri e grandi an eksperyans pou zot kapab e an menm tan in en 5an kot nou'n pas anba en lot Gouvernman kot zot in vwar bann fot ki'n pase e mon enplor zot pou zot pa repete sa bann fot – pa repet fot dan zot letan - pa repet fot ki Gouvernman ki'n sortan li ki in fer me zot vin anbelir, vin amelyor lo la pou zot sanz lavi Seselwa ki la deor.

Mon pa pou kapab pa vin lo 2 pti pwen kekfw ki'n fer resorti ki mon santi petet parfw Madanm Speaker, i pa byen ki nou la anndan petet nou pe anvoy mesaz laterer pou dimoun deor. I pa byen sa. Annou les sa bann dimoun antre dan zot pozisyon travay - komans travay e apre nou ava ziz zot. Annou pa komans size avan ki menm sa bann dimoun in ganny en sans pou zot prouv zot lekor pour zot montre swa zot in sanze swa zot kapab fer pli meyer.

Nou'n tann koz 'ek nou pa ek nou' in osi egziste 'ek nou pa ek nou' dan Gouvernman LDS si zot kote lata labab LDS zot

onnet in egziste 'ek nou pa ek nou'. Mon krwar Madanm Speaker personn dimoun la deor ki'n ganny en let ouswa en laplikasyon lakaz ouswa en laplikasyon later mon krwar personn pa devret pe per si zot konnen zot laplikasyon i zistifyab, ki zistifye zot *meet* kriter zot devret gannnen zot in ganny zot let avek Gouvernman ki'n ale mon pa krwar i annan nanryen pou zot per e i pa nou drwa e nou devwar isi dan la dan Lasanble pou nou fer dimoun deor per aköz sa. Retir bann krentif dan zot lespri tou bann ki'n ganny zot let si i zistifye zot laplikasyon swa zot laplikasyon later si i zistifye zot *meet* sa kriter ki ti'n ganny set swa zot laplikasyon lakaz zot *meet* kriter ki in ganny set *therefore* zot pou gannnen zot lasistans ki zot devret gannnen.

Mon ti a kontan atraver ou Madanm Speaker, Onorab Woodcock ankor, petet ti a bon ou al sey fer en resers ok, lo konbyen dimoun ki'n siport *LDS* ki'n *sponsor* zot ki'n ganny later, ki'n ganny lakaz ki'n ganny proze ki'n ganny lezot faver anba ou Gouvernman ler zot ti o pouvwar. Bann ki ti pe ganny apele Madanm Speaker, par telefonn sa bann dernyen semenn eleksyon avan 2nd

round zot ti pe ganny apele ziska aswar 10 er diswar.

Madanm Minis ti pe *call* zot tou dimoun ti met lanmen ansanm ti pe call zot ti fer bann gro gro promes ek sa bann dimoun, "ou pou al gannnen ou later, ou pou al gannnen ou lakaz, vot pour nou." Sa ki mannyer ti apele sa ? 'Ek nou pa ek nou' Madanm Speaker in egziste - i ti egziste. In egziste avan in egziste dan Gouvernman *LDS* e nou nou dir i pa devret egziste ankor ! I pa devret egziste ankor aköz sa i en keksoz ki mwan mon kont sa.

Wi riban nou pou koup riban Madanm Speaker. Zot ti koup riban bann proze ki nou'n komanse zot. Madanm Charlette li menm li in dir ki kantite proze lakaz ki ti ganny fer dan son letan letan i ti Minis e ki zot zot in vin koup riban. Wi, nou pou koup riban. Kontan pa kontan nou pou koup riban me nou koup riban lo proze ki'n fer lenpak lo proze ki nou konnen i annan en lefe signifikan lo dimoun me non pa lo bann pti semen segonder parey ti ganny fer.

So apard Madanm Speaker, mon ti a kontan remersye ou e remersye lezot Manm osi ki'n entervenir e mon ti a kontan ki Lasanble i aprouv nominasyon Madanm Pamela

Charlette dan pozisyon koman Minis pour nouvo Cabinet. Mersi.

MADAM SPEAKER

Mersi Madanm Lemiel. Nou ava pran vot prezan lo Mosyon.

In accordance with Articles 63(1) and 69(2) of the Constitution, this Assembly approves the proposed appointment by the President of the Republic of Mrs. Pamela Clorida CHARLETTE to the office of Minister. Tou bann Manm ki vot pour Mosyon? Mersi. Okenn Manm ki vot kont ? Mersi. E alor ki Mosyon in pase pou 17 vot pour – 9 ki'n vot kont avek 2 ki'n abstain. Nou pou aprezan adjourn ziska 2.45.

(BREAK)

MR DEPUTY SPEAKER

Mon a dir bonn apre midi mon bann koleg Onorab e tou nou bann telespektater ki a lekout pou kontiny nou travay ki nou annan lo *Order Paper*, sa i laprouvasyon bann Minis. Nou lo katriyenm Minis, sa i Ms. **(Kalsey Julia Jacqueline Vijay BELLE.** Mon ava demann *Parliamentary Reporter* pou fer antre Ms Belle. Onorab LGB ou kapab soumet Mosyon silvouple?

HON SYLVANNE LEMIEL

Mersi Mr Speaker. Bonn apre midi Mr Speaker, bonn apre midi tou koleg Onorab, tou bann dimoun ki a lekout. Mon Mosyon i ler konm swivan;

In accordance with Articles 63(1) and 69(2) of the Constitution, this Assembly approves the proposed appointment by the President of the Republic of Ms Eveline Erika Cecile ROSE to the office of Minister. Mersi.

MR DEPUTY SPEAKER

Segonn Mosyon? Onorab Gill?

HON CHURCHILL GILL

Mersi Mr Speaker. Bonn apre midi Mr Speaker e tou dimoun. *Motion seconded.*

MR DEPUTY SPEAKER

Mon ava demann *Sergeant at Arms* pou nou bouz dan Staz Komite e nou a fer antre nou kandida Kalsey Jacqueline Vijay Belle - eskize Ms Eveline Erika Cecile ROSE.

Byenveni Ms Rose, nou ava demann ou pou donn en pti bref lo ou pou en peryod apepre en 5 minit. Laparol i a ou.

MS EVELINE ROSE

*Madanm Chair, Manm Onorab e tou dimoun a lekout, bonn apre midi. I avek gran limilite e rekonesans ki mon prezant

mon lekor devan sa Lasanble pou mon nominasyon pou servi mon pei dan kapasite koman Minis. Mon apel Eveline Rose aze 49an – *not yet* 50 parey serten mon bann koleg NYS '92 isi prezan dan Lasanble. Zis pou nonm detrwa mon a komans avek Clerk Lasanble Mrs Tania Isaac, Onorab Uranie, Onorab Monthy, Onorab Sultan e Onorab Grandcourt, Onorab David mon salye zot e felisit zot tou pour sa langazman ki zot in pran dan devlopman pei e mon fyer pou dir ki Manrmay 75 pe byen debourye.

E mon osi profite pou felisit osi tou bann lezot Manm ki'n ganny elekte.

*Madanm Chair, mon en zanfan La Digue, en zil ki'n form mon karakter, mon sans responsabilite e mon lanmour pou mon kominote. Mon'n lekol La Digue depi Lakres ziska S4. Avan al NYS kot mon'n fer 1an avan politeknik kot mon ti fer mon *O Level* e *A Level* avan ki mon al fer mon diplom dan lansennyman pour 2an swivi par en lot 2an Liniversite Edith Cowan, Lostrali kot mon'n termin mon *B.Ed* dan Ledikasyon dan Zeografi dan Lekol Segonder o nivo segonder.

*Madanm Chair, La Digue parey Praslin i reprezant leker

nou bann zil pros kot valer tradisyonnel ek kiltir Kreol i reste touzour vivan e landrwa avek bokou potansyel kot nou osi debourye aktivman dan devlopman nou pei, alors mon vin devan Lasanble ozordi avek lespwar e lavwa bann Digwa e Pralinwa.

Mon anmenn avek mwan laspirasyon nou bann kominote e nou konviksyon ki servi lezot i pa zis en devwar – i en fason viv. Pou plis ki 25an mon'n dan ledikasyon, mon'n servi mon pei koman en ansennan Zeografi pandan 11an lo nivo segonder avan ki mon ganny promosyon pou vin *Deputy for Studies and Pastoral* kot Primer. Nou konnen poudir La Digue nou annan 2 lekol dan enn.

Mon partou dan lansennyman ti komans an 1998 lekol Plaisance Segonder swivi par La Rivyer Anglez an 2001 ziska 2004. Avan mon fer tranzisyon pou al Praslin pou 2an e pli tar fer sa tranze pou retourn dan lakour dan mon kominote kot bann etidyan ti bezwen mwan apre ki enn, mon ansennyan Zeografi ti pran son retreat. Koman en ansennyan mon'n apresye e rekonnet labote lafors ki i annan dan senplisite.

Sa ki konn mwan pou dir ki mon zantir, mon en farser. Lezot pou dir ki mon annan en regar toultan serye e serten pou menm dir ki mon dominer. Wi, mon dominer petet ler i ariv ler pou defann keksoz ki mon krwar i byen e ler mon le war rezilta. Me par kont mon en dimoun ki vreman *understanding*. Pour mwan bon kominikasyon i vreman enportan e mon annan en bon sans ekoute e analiz.

*Madanm Chair, mon rekonesan anver tou sa bann dimoun ki'n partaz zot konnesans ek leksperyans avek mwan e mon rekonesan osi ki mon'n ganny loportinite etidye aletranze e ganny konesans e kalifikasyon neser pou servi mon pei avek plis kapasite. Pour mwan en lekol i parey en pti sosyete – en sosyete me lo lo en pli pti nivo. Me permet mwan pou dir avek tou limidite ou kapab annan tou sa kalifikasyon akademik, ou kapab en pli gran entelektyel, pli gran liniversite o monn, se sa liniversite eki nou apel lavi, se la ki nou ganny pli gran leksperyans e se atraver bann defi, bann moman difisil ki nou aprann pli gran leson, se sa ki form nou karakter e rezilyans e ki agrandi konesans e fer nou

sirmont defi pou asire ki lavenir i touzour pli meyer ki lepase.

Pour plizyer lannen mon'n fer diferan kalite *survey* avek Biro Statistik Sesel. Mon'n osi en manm Lakrwa Rouz kot mon'n donn mon letan e osi benefisye avek *training*. Mon'n rann lapel DA pour bann program oubyen aktivite distrik e osi lezot lazans ki'n bezwen mon siport. Sa mon'n fer li avek mon leker.

*Madanm Chair, se sa mon leksperyans ki mon prezan avek Lasanble ozordi. Mon konnen ki dan lavi nou pa zanmen aret aprann, me mon osi konnen ki ler nou siport kanmarad, ler nou travay ansanm koman en tim, nou kapab akonplir bokou. Parey mon'n dir servis se en fason viv e si mon ganny apwente Minis mon war li en privez pou servi mon bann frer ek ser Seselwa aköz pa bokou ki ganny sa loportinite. Mon pare pou servi mon leksperyans pou travay an ekip pou servi nou pei. Mersi *Madanm Chair.

MR DEPUTY SPEAKER

Mersi Ms Rose – zis en pti koreksyon Ms Rose, Mr Chair.

MS EVELINE ROSE

Sorry Mr Chair.

MR DEPUTY SPEAKER

Parey presedans nou pou annan nou lerdtan pou kestyon avek 30 minit pour deba. Nou a komans avek premye kestyon Onorab Rocky Uranie.

HON ROCKY URANIE

Mersi Mr Chair. Mon vreman kontan. Mon santi mwan privezye pou ganny sans demann sa kestyon premye avek enn mon koleg ki'n ganny nominen koman pou Minis, Ms Eveline Rose, felisitasyon Ms Eveline Rose. Mon oule osi profite pou felisit Mr Deputy Speaker Mr Egbert Aglae pour sa *post* ki i ladan.

Mon kestyon pou Ms Eveline Rose, Ms Eveline koman en Digwa mon vreman fyer e mon kontan ou la. Ou pa premye Minis ki sorti La Digue me ou enn bann Minis ki'n viv sitan kantite letan La Digue e ou'n konn tou sa vire tournen La Digue. Mwan mon ti a kontan demann ou si ou ganny apwente pou vin Minis eski ou pou pare pou travay ek tou bann MNAs ek tou bann DAs dan bann distrik sirtou lo Zil Pros ki ti ganny kit ater pandan sa dernyen 5an eski ou pou pare ou nenport ki pos ki i met ou pour ou travay avek tou

bann MNAs ek bann DAs dan distrik ? Mersi.

MS EVELINE ROSE

Mon krwar sa ki konn mwan i konnen poudir mon pa'n tro angaze dan politik, me par kont mon annan bokou zanmi lo tou lede kote latab, dan kominote osi mon byen *friendly* avek tou dimoun. Pour mwan reponn ou kestyon mon a dir ou ki wi, MNA ki'n ganny elekte pou deservi son distrik e i zis ki bann MNA zot bezwen servi lapopilasyon.

Mwan si mon ganny apwente Minis mon pou fer li mon devwar pou travay avek tou MNAs, tou DAs, tou bann lazans konsernen ki bezwen e tou Minister respektif pou mwan kapab deservi mon responsabilite. Mersi.

MR CHAIR

Onorab Grandcourt?

HON ALVIN GRANDCOURT

Mersi Mr Chair. Mon felisit ou pour ou pozisyon e bonn apre midi Madanm Rose. Mon kestyon i ler ou ganny ou pozisyon koman en Manm *Cabinet* ki ou pou anmenn lo latab pou zabitan Grand Anse Praslin ? Ki ou laspirasyon pour nou e dabor osi eski ou santi ki bann zenn i annan en *scope*

pou zot kapab devlope lo bann *Inner Islands* e ki ou pou anmennen pou ranforsi sa devlopman ? Mersi.

MS EVELINE ROSE

Mersi Onorab pou ou kestyon. Si zanmen mon ganny apwente Minis mon krwar vi ki mwan mon sorti La Digue mon en dimoun ki sorti lo teren, mon konpran en pti pe pli byen defi bann zil, kiltir bann zil petet pa neseserman parey kiltir Mahe, ki en landrwa ki en pti pe devlope, e devlopman i en pti pe pli vit ki sa 2 lezot zil an manson alors mon pou war mwan koman sa pon – sa kondwit ant Gouvernman e lakominote pou mwan kapab deservi zot en pe pli byen.

Mon konnen lo zil bokou zenn i annan bokou laspirasyon e petet ki zot pa pe ganny sa sans alors pour mwan mon pou sa lavwa osi e mon pou petet fasilite keksoz pour zabitan sa 2 zil dan en fason ki nou bouz an menm tan ki Mahe pe fer son devlopman. Mersi.

MR CHAIR

Mersi Ms Rose. Onorab John Hoareau?

HON JOHN HOAREAU

Mersi Mr Chair. Bonn apre midi Ms Rose, bonn apre midi Mr

Chair e osi bann dimoun ki a lekout. Ms Rose mon ti ava kontan demann ou si zanmen ou ganny portfolio ledikasyon ki ou santi i bann eleman pli enportan pou anmenn enklisivite dan lekol vi ki nou konstate ki i annan diferan *range of abilities* dan lekol e *special needs* sirtou, ki ou pou anmennen pou ou kapab relev nivo ledikasyon pou anmenn li sa nivo ki zot zot pe prezimen i kapab anmennen? Mersi.

MS EVELINE ROSE

Mersi Onorab pour ou kestyon. Mon pa kapab pronons mon lekor pour le moman akòz mon pa vremen konnen lekol *portfolio* ki mon pou gannnen, me vi ki mon sorti dan ledikasyon, mon rekonnet poudir nou annan bokou pou fer pour nou elev nivo laprantisaz. Nou annan bokou *challenges* dan ledikasyon e nou konnen poudir nou annan zanfan nepli parey avan, nou bezwen fer en reevalyasyon e vwar kwa ki pe anpes laprantisaz. E petet osi met zefor pou fer sir ki i annan ase resours pou sipòrt nou bann zanfan. Si fodre osi reget reform neseser e apropiye, *then* avek sa tim ki pou travay nou ava fer li ansanm. Mersi.

MR CHAIR

Mersi Ms Rose. Onorab Nelsia Lepathy ?

HON NELSIA LEPATHY

Mersi Mr Chair. Bonn apre midi Ms Rose. Mon le premyerman felisit ou pou ou nominasyon e si ou ganny apwente ou pou vin 5enm Minis Digwaz si mon pa tronpe ki sorti La Digue parmi i annan *ex* Minister Carl Ange, Minister Sylvestre Radegonde, Minister Dolor Ernesta e osi *ex* Minister Peggy Wong si mon pa tronpe, *ok* e *ex* Minister Peggy Vidot osi.

Avek ou leksperyans koman en *leader* dan sistenm ledikasyon e osi avek ou formasyon akademik e pratik dan travay kominoter, ki mannyer ou pou transmet sa bann lekspertiz e leksperyans dan ou nouvo travay koman en Minis ? Mersi.

MS EVELINE ROSE

Mersi Onorab pou ou kestyon. Mon'n depite pour Letid ek Pastoral lekol La Digue pour 15an. Parey mon'n dir mon annan leksperyans dan ledikasyon pour en bon 25an – plis ki 25an. Mon dernyen rol – mon rol koman Depite in - mon'n bezwen dan mon rol lead en group dimoun e mon annan en kalifikasyon dan *leadership*.

Dirizan en lekol petet mon a dir i parey diriz en Minister me a en pli pti nivo.

Ki nou bezwen alor se pour mwan anmenn tou mon lekspertiz. Mon annan leksperyans dan planifikasyon, *strategic planning, monitoring*. Mon annan en bon sans kominikasyon parey mon'n dir oparavan. Mon annan en bon sans lekout e sa ki mon'n vwar mwan mon en dimoun ki donn bokou sipor e mon motive, mon annan en bon sans kolaborasyon avek dimoun pou fer sir ki ler i annan keksoz pou fer, mon fer sir ki i ganny fer byen e ki sa keksoz i arive.

E dan menm prosedir mon krwar mon kapab anmenn tou sa bagaz ki mon annan dan en Minister pou nou kapab travay fer progre pei. Mersi.

MR CHAIR

Mersi Ms Rose. Onorab Sandra Sultan?

HON SANDRA SULTAN

Bonn apre midi Mr Chair, bonn apre midi Ms Rose. Ms Rose *welcome* dan nou Lasanble. E mon kestyon i konm swivan;

Vi ki nou annan nou program 100 zour ki Msye Prezidan in met devan nou mon zis anvi konnen ki bann premye priyorite ki ou ou pou met an

plas dan bann 100 zour lofis, sirtou ki pou benefisye bann Zil Pros ? Mersi.

MS EVELINE ROSE

Mersi Onorab pour ou kestyon. Mon krwar Prezidan in donn nou en manifesto premye 100 zour e se lo sa bann pwen ki mon krwar nou pou bezwen demare e pour Zil Pros, mon krwar mon pou bezwen annan – gard sa konneksyon avek nou kominote e vin sa pwen depar kot bann polisi e proze Gouvernman i ariv kot bann sitwayen epi nou ava osi pou bann sitwayen pou zot bann laspirasyon kapab ariv kot Gouvernman.

Me tousala pour 100 zour nou pa pou kapab fini fer li, me petet bann parmi bann premye keksoz se fasilite – familyariz mon lekor avek bann dimoun premyerman dan Minister kot mon pe travay e osi familyariz mon lekor avek bann defi lo bann Zil osi. Mersi.

MR CHAIR

Onorab Sandy Arissol? Nou a *move on*, Onorab Trevor Louise?

HON TREVOR LOUISE

Bonn apre midi Mr Chair. Bonn apre midi Ms Rose. Felisitasyon lo ou nominasyon. Mon kestyon pour ou se, dan bann Minister

– anyway mon pa konnen ki Minister ki *portfolio* ki ou pou pran, me selman nou’n tann bokou lo sa size ‘pa ek nou’ e tou resaman lo bann post lo *Facebook* nou’n war ki en bon pe Minister ki zot pe montre depar swa zot bann Direkter Prensipal ouswa zot bann Minis ki mannyer eski ou ou pou fer pou asire ki enn;- malgre ki en group dimoun petet pa’n forseman siport sa parti politik ki’n *nominate* ou, ou pou kapab travay avek zot ?

E (2) ki mannyer eski ou ou pou kapab fer pou ou kapab ganny zot *trust* e asire ki zot delivre pou Minister kapab marse lo lapar Lepep Seselwa ? Mersi.

MS EVELINE ROSE

Mersi Onorab pour ou kestyon. Parey mon’n dir oparavan, mon pa en dimoun ki fer politik e mon pa krwar dan sa zafer ‘ek nou pa ek nou’ pou mwan dir ki letan mon antre dan en Minister si mon antre dan en Minister, i ava annan dimoun ki pou bezwen ale *or* ki mon pou bezwen fer ale, non. Mon krwar si nou anvi progre pei, nou a bezwen pare pou travay avek tou dimoun e tou dimoun osi dan mon departman i bezwen annan menm priyorite avek sa ki nou pe vin avek.

E alors nou bezwen *share* sa bann *goals* ki nou annan e fer sir ki sakenn i konn son responsabilite. Nou bezwen fer evalyasyon ansanm, __anmenn dimoun ansanm pou vwar ki nou pwen for – ki nou pwen feb e apre sa nou ava demare *from there*. Me *then again* tou dimoun i bezwen konpran poudir travay nou travay pou progre pei nou pa travay pou endividi.

Alor mon ti dir poudir servis i en valer nou fer li, e nou fer li pa pou pini dimoun oubyen pou ganny *fame* me nou fer li aköz i nou bonte. E si i nou bonte, nou bezwen fer li, nou bezwen vin ansanm. Nou ava rod fason pour nou met keksoz ansanm pour nou *gain trust* so si nou bezwen donn sipor, nou a donner e la nou a kapab fer keksoz ansanm. I enportan ki nou kapab travay ansanm. Sa i enn mon pwen for. Mersi.

MR CHAIR

Mersi Ms Rose. Onorab Denise Clarisse ?

HON DENISE CLARISSE

Mersi Mr Chair. Bonn apre midi Ms Rose e byenveni dan Lasanble. Ms Rose, 2 kestyon mon ti a kontan poz ou, pandan zot bann kanpanny e menm osi dan manifesto, *US* i dir ki zot

koz bokou lo la se logmantasyon dan pri lavi, akse ek loportinite ki pa egal, e ki model lekonomi i enn ki depandans lo *tourism* e *foreign ownership* e kestyon pour ou i al koumsa, se ki polisi ki ou ou pou antisipe, met an plas pou asir en model lekonomi eksklizif ?

E 2enm kestyon mon pe vwar ki dan ou *CV* mon war ki ou'n akonpli bokou dan *education leadership and community advocate*. Mon ti a kontan demann ou ki stratezi ou servi pou ou anmenn en *digital support service* pou bann rezidan atraver bann Ladministrasyon Distrik ? Mersi Mr Chair.

MS EVELINE ROSE

Mersi Onorab pour ou kestyon. Ankorenn fwa mon a dir ki wi pri lavi i ser e sirtou lo bann zil i ekstrememan ser, e dimoun i vremen *struggle*. Nou konnen *tourism* ankore i en laspe ki nou zil i depan bokou lo la. Dan bann *survey* ki mon'n fer, wi i annan sa fe ki mon a dir dimoun pe vremen *struggle* la deor. Ou vwar letan ou koz ek dimoun e malgre ki mon *survey* i pa'n neserman baze lo la me dimoun - dimoun in eksprim zot santiman ou bezwen donn zot en sans ekoute.

Me si mon ganny apwente Minis, *Cabinet* i ava war, i ava diskite ki solisyon pli meyer ki nou pou bezwen adopte pour nou kapab rezourd sa bann sityasyon. Sa mon premye larepons pou kestyon.

E dezyenman, lo kote finans ankor enn fwa pou *digital support* sa i ava ganny determinen ler *Cabinet* i zwenn e ki mannyer nou pou *go about doing it*. Mersi.

MR CHAIR

Onorab Claudette Louise?

HON CLAUDETTE LOUISE

Bonn apre midi Mr Chair, tou bann Manm Onorab e tou bann zabitan ki a lekout, Mr Chair zis permet mwan zis pas en pti mesaz kondoleans a enn nou zanfan Plaisance, Agnes Rath ki fek kit nou la apre midi. Bonn apre midi Ms Rose e felisitasyon pou ou lapwentman – en zenn madanm, en endikater prodwi en zanfan ki sorti lo en pti zil La Digue pa osi devlope ki Mahe e mon war ou’n fer ou perse.

Lo ou *CV* mon’n *highlight* ki ou’n enn bann kontribiter dan *planning* o nivo distrik e osi bann linisyativ lo gouvrenans lokal, *ok*. Dan nou manifesto i annan en parti ki koz lo en *leadership* ki ekoute e gouvrenans ki nou donnen e en

lot parti ki koz lo devlopman sosyal e lafanmir ki mon lentervansyon pou en pti pe lo devlopman kominote li menm. Mon ti a kontan konnen ki mannyer ou pou apros travay *leadership* dan larealite ozordi dan laspe devlopman nou kominoter, vizavi lotonomi distrik ?

E osi ki mannyer ou pou sanpyon sinerzi avek lezot Minister vize ver valorizasyon zefor nou bann zabitan ki’n fer en perse dan lavi osi byen bann ki’n - aport ou soutyen a bann ki pli dezavantaze pour ki nou vwar plis langazman e partisipasyon kominoter e progre dan nou lakominote ? Mersi.

MS EVELINE ROSE

Mersi Onorab pour ou kestyon. Mon’n ganny sans asiz lo *district team* detrwa lannen pase malgre tou dernyerman mon pa’n vremen aktiv aköz mon’n bezwen konsantre en pti pe plis dan lekol avek nou bann defi ki nou ti annan, me mon’n toultan la kan *DA* in bezwen mon servis mon’n toultan reponn sa lapel.

Si zanmen mon pe travay dan sa departman, mon ganny apwente pou travay dan sa departman, byensir mon bezwen familyariz mwan avek

bann serten bann devlopman ki pe arive e i annan lenportans ki nou konnekte byen avek zabitan pou vwar zot bezwen e ansanm avek tou bann dimoun konsernen fer en priyorite lo bann bezwen e lo bann servis ki nesesser.

Sa i fer mwan rapel bokou bann program e bann aktivite ki ti deza egziste dan distrik oparavan pou angaz bann zenn. Ozordi mon pou dir ki La Digue wi i fer perse dan *sport* – i annan en pti pe. Bann garson i vremen aktiv dan foutbol, petet *volleyball* me letan nou get zot laspe, bann fiy, bann zenn manman, bann zenn madanm nou pa war bokou kote zot ganny ankadre.

Petet nou bezwen evalye en pti pe bann keksoz ki ti deza egziste e bann ki egziste prezan pou nou vwar ki mannyer pou met keksoz ansanm kwa ki nou bezwen pou fer sitwayen pli angaze dan kominote e angaz zot osi dan desizyon ki ganny pran o nivo kominoter ki a lafen dizour zot *feel they own their community*. Mersi.

MR CHAIR

Mersi Ms Rose. Laparol Onorab Athanase?

HON KENETH ATHANASE

Mersi Mr Chair. Bonn apre midi Ms Rose. Kestyon i koumsa, lefe ki ou'n pas tou ou letan dan lekòl, e ou'n war konportman zanfàn in evolye ki mannyer ou krwar pei i kapab ralye ansanm pou anmenn pli bon konportman dan lazenes sirtou dan lekòl? Mersi.

MS EVELINE ROSE

Mersi pour ou kestyon Onorab. Nou konnen poudir konportman dan lekòl i en gro defi e La Digue i pa ganny eparnye. Wi, La Digue petet nou annan en pti pe plis kontrol lo nou zanfàn konpare avek Mahe, akòz nou tou nou dan en pti kominote e petet nivo disiplin pa parey. Me mon krwar i annan bokou zefor ki bezwen ganny fer lo kote disiplin nou bezwen angaz nou paran premyerman akòz disiplin pa konsèrn zis lekòl. Disiplin i sorti dan lakour an premye. Nou bezwen angaz nou paran, *empower* zot pour zot konpran poudir ler en zanfàn i komans marse, i pa vèdir nou larg li nou les li fer nenport kwa, oubyen ki nou vin *over protective* anver nou zanfàn nou pa bezwen disiplin.

Me osi nou bezwen fer sir ki dan lekòl osi nou ranforsi bann striktir ki pou ede met sa problem disiplin parey i devret

été. Mon mazine osi i annan lezot fason ki nou kapab - bann lezot servis ki nou bezwen entansifye lo la pou fer ki tousala si i vin ansanm nou a fer ki pou donn plis sa sipor pour ki disiplin i reisir.

Mwan mon sagren – petet pa tou dimoun ki’n pas NYS me mwan mon’n en zanfann ki’n pas NYS me menm si pour lan nou sa pti group kosondenn parey nou apel nou lekòr Manmway 75 kot tou reform ti ganny fer lo nou NYS ti en landrwa ki ti annan – ki ti re *instill* disiplin dan zanfann ki’n manke. Pa 100poursan petet, wi, me zanfann ki sorti NYS ti byen disiplin sa lepok.

Nou bezwen - mon pa pe dir refer en lot NYS me selman nou bezwen petet konsider en lot kalite striktir ki pou anmas nou zanfann e re anmenn sa disiplin ki nou ti deza anmenn akòz bokou nou valer nou’n perdi ozordi si zot dakor avek mwan. Mersi.

MR CHAIR

Mersi Ms Rose. Onorab Valdanna Sultan ?

HON VALDANA SULTAN

Mersi Mr Chair. Bonn apre midi. Bonn apre midi Ms Rose. Parey ou’n *rightly* mansyonnen nou en group manmway reform

– mon krwar nou ti *constant* dan sa *equation* sa lepok, tou sanzman i fer lo nou.

Ms Rose, ler bann nominasyon in ganny fer, in annan bann kritik so ki larepons ou annan pou bann kritik la deor ki pe dir ou, ou napa ase leksperyans pou ou pran sa responsabilté ?

E dezyenmman ki pour ou lapros si ou ladministrasyon i prezant ou avek en proze pou lenplimantasyon ki personelman ou, ou pa krwar ladan ?

E trwazyenmman parey Prezidan Herminie i annan son plan 100 zour, petet dir nou ki at least 3 premye keksoz ki ou ou krwar ou pou bezwen – oubyen 3 premye aksyon ki ou krwar ou pou bezwen pran dan ou Minister pou fer sir i delivre efektivman ? Mersi.

MS EVELINE ROSE

Mersi Onorab pou ou kestyon. Kritik, wi dimoun i la pou kritike. Ms Eveline letan in travay partou kot in travay i pa’n travay pou li ganny rekonnet, me selman i annan son kalifikasyon e tou sa ki in fer in fer avek son bonker.

Parey tou louvraz ler nou pou ganny en nouvo louvraz – en nouvo post byensir i annan bann konstren, i annan bann

lafreyer ki vin avek, i annan bann ezitasyon, wi sa i normal akòz nou nou imen me mon krwar pandan lannen ki mon'n viv, mon'n akimil ase leksperyans parey mon'n dir taler e parey zot in vwar dan mon CV, akademikman mon kalifye mon a dir. Mon annan *leadership skills* me plis ki sa mon annan tou bann valer ki en dimoun mon krwar i sipoze annan akòz parey mon dir nou Manm 75 ou menm ou'n dir, bann sanzman ti fer lo nou, me koman en zabitan La Digue dan mwan tou sa bann valer ki ou kapab mazine in byen enkilke.

E mon pare pour mwan pran sa nouvo responsabilite e met an pratik tou sa bann valer ki mon annan. Byensir mon pa kapab fer li mon tousel mon bezwen fer li avek led bann dimoun ki pe travay avek mwan e mon bezwen fer li avek led bann zabitan e tou bann lezot dimoun dan sosyete pou nou kapab fer li marse. Sa i mon premye larepons keston.

Dezyenman lo kote proze ki mon pa krwar ladan, si mon vin reprezant Parti US, i annan an premye mon bezwen krwar dan manifesto me si zanmen i annan keksoz ki pour mwan parey mon a met li an *inverted commas* "mon pa krwar ladan" mon ava parey sa

Eveline ki la i kontan fer son lavwa tande e i pou fer son lavwa tande ziskan ler i ganny en bon leksplikasyon e byen ganny *convinced* pour li kapab osi anmenn son soutyen lo sa proze.

E pour ou 3enm keston, 3 premye aksyon dan Minister ki mon pou fer, ki petet mon kapab fer, mon'n dir pli boner mon bezwen familyariz mon lekor avek mon bann *staff*, fer evalyasyon departman, war ki bann proze ki annan, kwa ki'n ganny fer kwa ki pe ganny fer ki pa ankor terminen e *prioritize* ansanm avek bann lezot diskite avan nou kapab met keksoz an mars. Mersi.

MR CHAIR

Mersi Ms Rose. Mon le zis *remind* bann Manm ki zot annan 2 keston pou zot demande. Mon a donn laparol Onorab Herminie ?

HON WILBERT HERMINIE

Mersi Mr Chair. Bonn apre midi tou dimoun, mon a dir bonn apre midi Madanm Rose. Mon pou repran ankor lo paz 14 nou manifesto "en nasyon o servis - en *leadership* ki bezwen ekoute - en gouvènan ki bezwen redonnen". Bokou in ganny dir lo La Digue akòz nou konnen La Digue servis i en pe pli ser ki

lo main land Mahe e osi parey nou pe koze kou konstriksyon, kou marsandiz epi i annan alokasyon *buggies*; konmsi i annan enn de bann *issues* ki toultan nou konnen ki Onorab Uranie i vin avek dan Lasanble pou diskite ki nou santi lo kote La Digue zot da – pa pe marse – pa pe ganny ekoute, me ou koman en Minis ki pou dan Cabinet ki sorti La Digue, kwa ki ou pou anmennen spesifikman pou dimoun La Digue, pou kapab rezourd zot bann problem e rekonfor zot ki koman en zabitan La Digue ou pou la pou pous zot arzanda devan dan *Cabinet* ? Mersi.

MS EVELINE ROSE

Mersi Onorab pour ou kestyon. Koman en zabitan La Digue parey mon'n dir oparavan, mon konpran byen defi e defi i tou sa bann ki ou'n mansyonnen enkli plizyer lezot ankor. Mwan si mon ganny apwente Minis, mon pou sa lavwa ki pou anmenn sa bann problem devan e travay avek bann lazans konsernen pou kapab o mwen ganny en solisyon pou kapab soulaz en pe bann problem zabitan La Digue ek Praslin, me an menm tan i enportan osi ki nou *empower* nou bann dimoun, pou fer ki zot en pti pe pli angaze zot menm e ki zot kapab

petet aziste dan en fason ki zot kapab siport kanmarad osi, angaze dan zot kominote pou fer ki petet i annan en soulazman menm sa servan petet mon a dir bann lazans bann biznes, bann - mon pa konnen – tou sa bann keksoz ki egziste ki kapab anmenn en soutyen apard ki nou esper Gouvernman pou fer tou keksoz. Nou bezwen *empower* nou dimoun. Mersi.

MR CHAIR

Mersi Ms Rose. Onorab Labonte ?

HON ANDY LABONTE

Bonn apre midi Ms Rose. Bon mon annan 2 pti kestyon. Mon premyer kestyon i baze lo sa ki Prezidan Herminie in apel en kontra sosyal avek Lepep Seselwa pour son premye 100 zour lo paz 4 program 3 dernyen paragaf kot in koz "enplimant en nouvo program lasistans pou kouver totalman swen zanfann lo en baz targete" si ou kapab donn mwan en pe plis leksplikasyon ki vreman zot pe dir lo sa kote vi ki ou'n travay bokou avek zanfann ?

Apre mon 2enm kestyon i baze lo nouvo *Code of Conduct in term of grooming* sirtou seve bann zanfann ki ou panse lo la? E *student loans* ki vreman en

keksoz ki enportan eski ou pa krwar poudir en manrmay i merit ganny loportinite pour zot vreman kapab al pli devan lo zot letid? Mersi.

MS EVELINE ROSE

Mersi Onorab. Ou pa krwar rebran sa premye kestyon silvouple ?

HON ANDY LABONTE

Yes, dan sa ki Prezidan Herminie in apel en kontra sosyal avek Lepep Seselwa pou premye 100 zour lo paz 4 program 3 in koz – sa dernyen paragaf kot in koz “enplimant en nouvo program lasistans pou kouver totalman swen zanfan lo en baz targete” si ou kapab donn mwan en pe plis leksplikasyon ki vreman i pe dir sa – kwa ki zot pe mazin fer? Mersi.

MS EVELINE ROSE

Mersi Onorab pour ou kestyon. Lo sa premye kestyon, mon a dir vi ki mon pa’n partisip dan konstriksyon sa manifesto, mon ava espere ki mon ganny plis klarifikasyon lo la, me an menm tan mon prezimen poudir nou pe koz lasistans pour bann dimoun ki pe byen bezwen sirtou bann zanfan.

Nou konnen la deor – mon sorti dan lekol wi, i annan

bokou petet. Mon kapab koz lo lasistans *Dedicated Fund* pour bann zanfan, pou ed bann zanfan kapab vin lekol aköz dan lepase nou konnen petet nou konnen ki i annan paran – e ozordi osi i annan paran ki gard son zanfan dan lakour aköz i napa mwayen pour li kapab swa donn goute, swa donn manze, malgre ki manze i *free*.

Konmela manrmay i annan en pti pe – mon pa konnen – en pti pe delika me lo kote lasistans i annan fanmir ki bezwen e si letan i ava ganny diskite sa i ava ganny revwar mon mazin.

Lo kote *Code of Conduct* lo kote seve, mwan personnelman – personnelman mwan koman en edikater, koman en imen mon napa problem avek sa *issue* zanfan gard seve – mon koz personnelman mwan. Kot mon *issue* i vini i annan sa bout ki dir “*provided it’s neat and tidy*” – i responsabilite sa zanfan e responsabilite sa paran kot sa zanfan i sorti dan lakour pou asire ki son zanfan i ganny *well groomed* avan ki i ariv kot lekol.

Lo kote *student loan*, mwan koman en dimoun ki’n benefisye avek *free overseas studies* pandan mon letan, mon krwar si mon pou get mwan ozordi as en paran e parey mon

dir ou *survey* ki mon'n fer atraver bann lakour mon pa krwar - mon konnen poudir mazorite paran pa dan en sityasyon pou kapab pran en *loan* par lao tou sa bann lezot defi ki zot annan ekonomikman pour zot kapab anvoy zot zanfan *study* bann ki bezwen oubyen ki anvi.

Me mon pa zis fer sa *statement* me provizyon i bezwen ganny fer e *Cabinet* i ava diskite *how best* pou met sa an pratik pou ede soulaz en pti pe e ed bann mwen fortinen dan lakominote pour zot kapab avanse dan zot letid. Mersi.

MR CHAIR

Mersi Ms Rose. Onorab Jean Toussaint ?

HON JEAN TOUSSAINT

Mersi Mr Chair. Bonn apre midi Ms Rose e mon ti a kontan komans par felisit ou pour nou nominasyon - pour ou nominasyon koman enn bann Minister dan *Cabinet*. Ou'n koz pli boner lo lenportans disiplin lekol e nou konnen poudir enn bann pilye stratezik ledikasyon pou ou fer en nasyon, transformasyon sirtou la nou pe koze e sa i pou bann devlopman personnel ki osi byen ki pour en pei atraver lentrodiksyon ouswa servan

lentalizans artifisyel, pa pou ranplas zonm, me pour ede fer sa tranzisyon mon ti a kontan premyerman demann ou rekonnet si i annan i bezwen annan serten sanzman dan Kod Kondwit an relasyon avek ledikasyon sa disiplin ki ou bezwen pour ou kapab devlope e epanouir, si larepons i wi, kwa ki ou ti a konsider koman enn ouswa 2 pou en mazer ki ou ti a kontan sanze ladan ?

E dezyenmman, dan preski menm laliny, bann ansennyan nou annan en bon pe bann dimoun ki'n ganny formen dan ledikasyon isi Sesel e i annan en bon pe nou kapab dir ki pa'n reste dan sa profesyon zisteman aköz zot problemm disiplin kwa ki, si zanmen ou ganny donnen sa *portfolio* pour Ledikasyon kwa ki ti pou ou priyorite pou prevwar en pe lakadremman bann *teachers* e lafason ki zot kapab fer zot reste dan sa profesyon ? Mersi bokou.

MS EVELINE ROSE

Mersi Onorab pour ou kestyon. Wi, petet Kod Kondwit i bezwen ganny revwar pour nou adapte avek sa modernite avek bann kalite zanfan ki annan konmela dan nou lekol. Enn petet bann keksoz ki mon a dir dan sa Kod Kondwit ki vin dan mon latet

toudswit ki nou bezwen ranforsi lo la se byensir *grooming*, mon a dir pou fer li responsabilite sa paran si sa zanfan pe al lekòl pa'n *well groomed* ou fer li responsabilite sa paran pou fer sir ki son zanfan i vin lekòl dan en fason respektab e byensir ki letan nou get li kot i pe vini, nou pa war en – mon pa anvi servi term petet pou denigre person, me nou tou nou konpran ki mon pe sey dir. Nou anvi war bann zelev ki byen prezantab, ki ou gete i prezantab koman en etidyan.

Dezyenmman petet i annan sa bout kote sispann – mon konnen dan Kod Kondwit avan ler en zanfan i ganny sispann i ti sipoze raport kot en lazans ki pou ankadre li pandan letan kot - pandan sa bann zour ki i dan sispann, me petet souvandfwa nou war sa zanfan konmela i ganny sispann akòz napa sa bann servis, napa sa bann fasilite – nou pa pe met lanfaz lo la. E nou war ki parfwa zot rod sispann par ekspres zis pou zot al vagabonde partou e fer toudsort kalite keksoz ki pa neseler dan lasosyete.

Petet nou bezwen retap sa en pti pe gete ki pli bon fason nou kapab fer pou ankadre sa bann zanfan e anpese ki

sispann i vin en keksoz ki zot rode.

Ou 2enm kekyon, lo bann ansennyan – mwan i sagrinan ki bann ansennyan pour mwan mon war bokou ansennyan ki sorti dan nou sistenm, pandan ki – bann ansennyan avek kalifikasyon ek bokou lannen leksperyans me an menm tan ki nou vwar se ki lekòl i mank ansennyan e nou pa kapab ranplas zot. Sa i en keksoz ki vremen sagrinan pour mwan.

Nou bezwen fer zefor – met zefor pour nou kapab sipòrt nou bann ansennyan. Nou bezwen rod fason, vwar, kominike, vwar avek bann ansennyan kwa ki petet bann defi ki zot pe fer fas avek ki pe fer zot degoute pou ale e met bann sipòr neseler si fodre i annan *incentives*, si fodre donn bann sipòr, si fodre annan akòz zot bann *professional development* me selman tousala i bann sipòr kekfw – nou bezwen donn sipòr nou bann ansennyan pour zot santi zot konfortab e alez dan zot profesyon. Mersi.

MR CHAIR

Mersi Ms Rose. Nou a pran dernyen entervenans. Onorab Georges ou ti'n met lendikasyon? Ok, Onorab Gabriel, laparol i a ou.

HON CONRAD GABRIEL

Mersi Mr Chair. Bonn apre midi tou dimoun. Mwan osi mon a profit lokasyon pou *congratulate* ou koman Deputy Speaker. *Welcome* Ms Rose, mon felisit ou pou ganny nominen koman en Minis. Premyerman enn parmi bann vizyon nouvo Gouvernman se pou desantraliz governans, batir bann kominote ki rezilyan e ki desid zot prop desten. Zis eksplik zot Lasanble en pti pe si ou ganny apwente koman en Minis, ki ou panse lo sa nide desantralizasyon ?

And mon 2nd point i ki bann valer enportan ki ou pou vin avek pou ankouraz e asir progre ek stabilite bann servis okenn Minister ki ou pou ganny mandate ? Andotmo ki lapros ou pou pran pou remet konfyans dan *leadership* okenn Minister ki ou pou ganny mandate ? Mersi.

MS EVELINE ROSE

Mersi Onorab pour ou kestyon. Mon krwar lo sa size desantralizasyon Gouvernman deza pour nomin mwan en zabitan La Digue pou en *post* ministeryel deza i en leta devan lo sa kote, kot nou pe desantraliz *Government*. E mon krwar i en bon lide parski

souvandfwa nou tann sa parol ki Praslin, La Digue i ganny kit deryer, tandis ki Mahe i kontinyen ale, nou nou pe vini menm an katpat. E la mon ava sa lavwar pour zabitan e en lavwa pour zabitan, pour kote Gouvernman e *from Government* to zabitan pou fer ki keksoz i a mars en pti pe pli byen.

Me an menm tan mon a dir ki bann kominote osi i bezwen ganny *empower* e angaze pour zot kapab *involve* dan bann desizyon lo kote zot kominote e desizyon petet osi ki konsern pei.

Lo kote valer ki mon kapab anmennen pou remet konfyans mon a dir mwan nou ava ansanm petet anmenn kominikasyon enn pti pe pli pres avek zabitan. Sa i vreman enportan pour mwan. Nou bezwen osi annan kolaborasyon – kolaborasyon antre nou e nou bezwen osi motive e angaze. Mersi.

MR CHAIR

Mersi Ms Rose. Ms Rose, nou pou ekskiz ou, me Lasanble i a swet ou tou de bon dan ou nominasyon.

MS EVELINE ROSE

Thank you, Mr Chair.

MR DEPUTY SPEAKER

Mon ava demann *Sergeant* pou retourn nou dan Staz Lasanble. Bon, nou ava pran deba lo Mosyon. Onorab Uranie, ou kapab komanse.

HON ROCKY URANIE

Mersi Mr Speaker. Mr Chair, ozordi mon krwar preski tou Digwa ki pe swiv sa *interview* ki nou ti pe fer avek Ms Eveline Rose, mon krwar ki i annan bokou ki tre emosyonnel. La Digue i fer nou fyer pou ankor enn fwa annan enn nou zabitan en manman, en madanm kalm e onnet in ganny nominen pou vin Minis.

Ms Eveline in en zabitan Digwaz ki'n lekol e grandi ansanm preski tou nou lavi lanfans, ziska prezan nou'n toultan pe sanz konversasyon. Nou agree letan in ler pou agree. Nou'n dezagree ler in ler pou dezagree. Nou'n toultan montre respe kanmarad.

Nou'n fer li konman zanmi e koleg, e osi koman profesyonnel ler mon ti ansennyan e osi koman *MNA*. Ms Eveline in travay e responsab en kantite dimoun dan son pozisyon koman *Deputy* kot Lekol La Digue.

Vedir i annan leksperyans pou travay avek dimoun, i en *team player*. Mon pe dir sa par

leksperyans, akòz mon'n travay avek li. I konnen ki mannyer pou set target priyoritiz travay.

Sa i annan leksperyans ki in akimile dan son karyer e pozisyon koman en *Deputy* kot lekol La Digue. Nou tou lede nou'n fer karyer dan lansennyman. Ms Rose in ansenny mon garson, e mwan mon'n ansenny son fiy. I pa'n zanmen dout mon kapasite pou ansenny son zanfan e mon osi mon pa'n zanmen dout son konpetans. Byensir Ms Rose i annan bann kalite ki'n fer li ariv la devan nou ozordi parey larestan bann nominen ki'n vin isi anndan.

Ms Eveline Rose in viv son lavi par montre respe pou son koleg travay e popilasyon Digwa. Mon konn Ms Eveline son fanmir La Digue i pti, son manman, son frer, ser. E Ms Eveline mon kapab dir i sorti dan en fanmir tre enb. Son CV i dir pou li menm, i annan son kalifikasyon.

E la ler i vin Minis nou pou kontinyen bann konversasyon lo en lot nivo pou bouz Sesel, e pou bouz nou zoli pti zil - en zil pli zoli Sesel pou le moman i La Digue, avek bann zoli dimoun ki apre sa eleksyon in pran en nouvo souf zot santi zot tre lib.

Mon napa dout Ms Eveline pou delivre dan Minister ki i

pou ganny mandate. Alors, i reste mwan pou swet Ms Eveline bonn sans e kouraz. Mersi.

MR DEPUTY SPEAKER

Onorab Labonte.

HON ANDY LABONTE

Mersi Mr Speaker. Mr Speaker, ou konnen ler mon'n war Ms Rose vin la devan, ou konnen mon senserman mon kontan akoz i en nouvo figir parey li menm li i dir i pa en politisyen. So, bokou lekspektasyon i annan lo li. Me selman malerezman deor i annan bokou kestyon ki pe ganny demande ki plizyer dimoun pe parey Onorab Valdana in dir poudir zot pe dout son leksperyans.

Me mwan i pa mwan petet al lo sa baz vreman pou mwan vreman demann lo kote son leksperyans. Me selman en keksoz ki mon pa'n satisfè avek Ms Rose se ki, ou konnen i bann senp pti kestyon ki mon'n demann li. E larepons ki in donn mwan i pa ni en wi i pa ni en non.

Parey li menm li i dir i pa ni menm konnen kwa ki dan manifesto. I pa ni menm konnen ki program 100 zour ki son Prezidan pe kre koman en kontra sosyal. I pa ni

konnen, mon'n demann li mon'n donn li paz program ki son Prezidan menm in dir li menm li i pa konnen.

So, pou mwan mon vreman dezapwente. Mon dezapwente selman mon respekte li koman en ansennyan e mon respekte li koman en madanm. So, mon pa la pou mwan blok li, parey nou konnen poudir ankor enn fwa toultan mon pou dir *US* i mazorite dan Lasanble.

E Dokter Herminie i ki Prezidan Larepublik e li in swazir son bann dimoun i konnen pou ki rezon ki in swazir son bann dimoun. Dan lepase dan sa dernyen 5an nou ti toultan dir ki nou, nou *rubber-stamp*.

E mon kapab war poudir petet lot kote nou pou fer parey. E ankor enn fwa i pa bon pou la pou kritik sa. Me selman, i domaz ki mon pa pou kapab vreman ni vot pour, ni vot kont. Me mon a les li petet performen parey zot pe dir, *then* prezan pep Seselwa i ava war li menm li ki poudir ki kapabilite ki Ms Rose i annan e son kontribisyon vi ki i en nouvotè. Avek sa 2 mo mon pou kit la. Mon pou dir ou mersi Mr Speaker. *Thank you*.

MR DEPUTY SPEAKER

Mersi Onorab Labonte. Onorab Gill.

HON CHURCHILL GILL

Mersi Mr Speaker. Mr Speaker, nou tou ki la anndan a en moman donnen nou ti en apranti. E nou'n grandi, nou'n ganny leksperyans nou ankor pe aprann e nou ankor pe akimil leksperyans. Mon pa krwar ki si en dimoun i vini nou kapab dout son kapasite, menm avan ler ki nou war li perform.

Mwan mon santi ki poudir Ms Rose i annan son kapasite. E nou bezwen donn li son loportinite pou li kapab delivre, aköz si in ganny nominen i kler ki tou bann analiz in ganny fer sa ki devret ganny fer. E nou pa espekte Ms Rose i vin la pou li reponn tou kestyon ki Manm i annan aköz diferan Manm in demann diferan kestyon. E sa ki fer li en problem, se aköz i pa konnen ki *portfolio* i pe ale *yet*.

Me nou, nou pe demann li tou sort kalite kestyon. So, mon krwar i son CV i kler ki i annan son abilite akademik. Nou bezwen donn li letan pou li kapab perform. E parey in ganny dir avan nou tou ki la nou Manm Lasanble. Si nou santi nou bezwen kestyonn abilite okenn sa bann Minis ki'n

vin la a en moman donnen lo zot performans nou pou annan tou sa liberte pou nou fer sa.

Alors, mon krwar Ms Rose i devret ganny son sans pou li kapab perform. E nou sa kote latab, nou pou donn li son loportinite pou li kapab delivre pou pep Seselwa. Mersi.

MR DEPUTY SPEAKER

Mersi Onorab Gill. Bon, sa ti nou dernyen entervenans. Nou pou aprezan pas lo vot, larepons *Leader of Government Business* lo Mosyon. Mersi.

HON SYLVANNE LEMIEL

Mersi Mr Speaker. Premyerman enn mon ti a kontan felisit ou pou pran sez ozordi apre midi. E nou pe vwar ou premye konpetans ou osi dan sez koman Speaker ozordi apre midi, avek letan i pou vini Mr Speaker.

Mon pe dir sa koumsa premyerman enn ozordi nou'n vwar en zenn madanm devan nou Ms Eveline Rose ki in vin son *interview*. E ki Manm in kapab demann li diferan kestyon. Mr Speaker, ou kapab dir ki lo sa sez la devan i pa zafer tou dimoun sa.

Petet i annan dimoun ki'n vini i kapab in byen prepar li, me selman ler i ariv la mon pa konnen parfwa i annan ki i

annan serten lafreyer petet. E ki i kapab parey lezot Manm pe dir ki i annan diferan pwennvi deor. Pwennvi wi parey in dir, tou dimoun i kapab annan son pwennvi. Me letan wi nou get son CV i en dimoun ki annan son konpetans akademik. Me i zis pou li reste pou li montre Lepep Seselwa. E pou li delivre dan en pozisyon Minis ki mon pa konnen ki *portfolio* i pou gannnen.

Me mon plis ki sir ki Ms Rose pou bezwen montre nou son kapasite. E mon plis ki sir ki avek sa bagaz akademik ki i annan i pou kapab delivre lo sa pozisyon ki koman Minis ki zot pou met li ladan. Koman Minis osi nou konnen ou annan ou bann dimoun par anba ou pou fer bann travay. E mon espere ki Mrs Rose avek son kapasite ki nou pe vwar lo son CV, mon espere ki i kapab anmenn bann dimoun ansanm. E in fer nou resorti ki i en dimoun ki i konn byen en pti pe kominote.

I kontan travay met dimoun ansanm, mon espere ki lo sa laliny i pou kapab akonplir misyon e travay ki Gouvernman pou'n donn li pou li kapab fer. Avan mon terminen mon ti a kontan dir mersi tou bann dimoun ki'n demann li kestyon. Tou bann dimoun ki'n entervenir osi lo sa Mosyon. E

mon ti a kontan zis demann bann Manm pou zot aprouv nominasyon Ms Eveline Erika Cecile Rose dan lofis koman Minis. Mersi.

MR DEPUTY SPEAKER

Mersi Onorab *LGB*. Nou ava aprezan pas staz pou nou vot lo Mosyon pou aprouv nominasyon Ms Eveline Erica Cecil Rose. Mon a demann tou bann ki an faver pou vote. Mersi.

Okenn Manm ki kont? Mersi. Vot lo Mosyon pou aprouv Madanm Ms Eveline Erica Cecile Rose i konm swivan; 16 Manm in vot pour. 0 ki'n vot kont. E nou annan 10 abstansyon. Savedir Mosyon in ganny aprouve. Mersi.

Lasanble i ava pran en poz 15 minit. E nou ava retournen 4:15.

(BREAK)

MADAM SPEAKER

Bonn apre midi tou Manm Onorab. Nou ava pran dernyen parti nou miting pou ozordi. Onorab Lemiel.

HON SYLVANNE LEMIEL

Mersi Madanm Speaker. Bonn apre midi tou mon bann koleg Manm Onorab. Tou dimoun a lekout. Nou dernyen Mosyon

pou ozordi apre midi i lir konm swivan.

In accordance with Article 63(1) and 69(2) of the Constitution, this Assembly approves the proposed appointment by the President of the Republic of Ms Kalsey Julia Jacqueline Vijay BELLE to the office of Minister. Thank you.

MADAM SPEAKER

Onorab Gill.

HON CHURCHILL GILL

Mersi Madam Chair. *Motion seconded.*

MADAM SPEAKER

Mersi. Nou ava aprezan al dan *Committee Stage*. Mon a demann sekretarya pou fer Ms Kalsey Belle antre dan *Chamber please*.

Bonn apre midi Ms Belle. Mon ava demann ou pou fer en pti prezantasyon pou bann Manm *please*.

MS KALSEY VIJAY BELLE

Mersi Madanm Chair. Bonn apre midi Madanm Chair. Bonn apre midi Onorab *Leader Zafer* Gouvernman, bonn apre midi Onorab *Leader* Lopozisyon, tou Manm Onorab e piblik ki a lekout bonn apre midi. Avan ki mon komanse mon ti a kontan felisit tou Manm sa 8enm

Lasanble pou zot eleksyon e apwentman. I fer mwan en gran loner pou mwan ganny sa loportinite pou vin isi devan zot, e devan pep Seselwa ozordi.

Mon apel Kalsey Belle, aze 33an. Mon annan 2 frer, mon sel ser. Mon papa i apel Eddy Belle e mon manman i apel Jacqueline Moustache Belle. Mon'n grandi e ankor pe reste La Misère dan distrik Grand Anse Mahe. Mon ti lekol *Independence School* ziska nivo *IGCSE*. Apre mon ti kontiny mon letid dan *School of Advance Level Studies (SALS)* kot mont i fer 4 *A Levels* dan *Maths, Chemistry, Biology e Physics*. Mon ti ganny 3 *A Stars* ek en A dan mon 4 size.

Kan mon ti fini *A Levels*, mon ti al Langleter pou etidye *Bachelors ek Masters* dan *Mechanical Engineering* avek *Business Finance* dan *University College London - UCL*. Mon ti *graduate* avek *First Class Honors*. Apre mon letid, mont i *return* Sesel e komans travay kot *PUC* dan *Project Management Unit* koman *Project Analyst*.

Mon responsabilite ti enkli rod fason pou amelyor lefikasite dan lenplimantasyon bann proze. E pou asire ki proze i ganny fer anliny avek bann Polisi ek prosedir ki'n ganny

aprouve. Koman en dimoun ki toultan sezi loportinite pou devlope, mon ti osi kontribye dan *drafting and compilation* Rapor Anyel PUC.

Mon ti osi form parti plizyer Komite kot mon ti kontribye dan preparasyon materyo edikasyonnel lo sansibilizasyon manm piblik lo rol e responsabilite PUC. Sa bann aktivite ti enkli bann zanfan lekòl. Mon ti osi en manm lekip ki ti organiz aktivite pou travayer PUC. An deor mon karyer profesyonnel, mon'n toultan angaze dan travay volonter dan lakominote anba Lorganizasyon SYAH Seychelles. Mon ti promouvwar *youth empowerment* e devlopman dirab pou epanouir bann zenn pou benefis nou pei.

Avek en dezir pou amelyor mon devlopman profesyonnel, e pou pli byen konpran bann kriter e evalyasyon nesese pou determin finansman en proze, mon ti *apply* pou en rol dan kad *Young Professional Program* avek *Trade and Development Bank (TDP)*. Mon ti reisi e mon ti al reste Moris kot mon ti travay koman *Coverage Officer* dan Labank TDP.

Pandan ki mon ti pe travay Moris, COVID ti deklare, e lemonn antre ti pran en lot direksyon. Pandan sa peryod

lenportans ek pouvwar *digital and technology* ti vin pli vizib e pran en lot dimansyon dan nou lavi. Mon ti retourn Sesel, e komans travay avek en Konpanny Teknolozi Sekirite Frontyer *Travizory* an Out 2021. La mon ti enplimant proze.

Pandan ki mon ti dan lanplwa avek sa konpanny, Lanbasad Ameriken ti enform mwan ki mon ti'n reisi dan mon laplikasyon pou en *Fulbright scholarship*. Labours *Fulbright* i en program administre par Gouvènmman Ameriken. Tou le lannen anviron 4 mil dimoun otour lemonn i ganny sa labours. Mon labours ti pou swiv en *master's in business administration* dan *A.B Freeman business globe* ki form parti *Tulane University*.

An Out 2022, mon ti al Leta z-Ini pou en lot letap mon letid. Koman en zenn ek bokou lenerzi ek en dezir pou ede dan mon kominote, mon ti angaz mwan dan mon kominote kot Liniversite *Tulane* e dan *New Orleans* osi. Pandan ki mon ti pe etidye, mon ti organiz bann aktivite e lesanz kiltirel kot mon ti servi loportinite pou promouvwar mon pei Sesel a tou moman.

Mon ti ed bann etidyan enternasyonal pou adapte avek

lavi koman en etidyan aletranze. E osi lo koman pou entegre dan lavi Lanmerik. Mon ti osi organiz bann *workshop* pou donn etidyan loportinite aprann e konpran bann diferan karyer e osi koman pou fer kontak avek bann profesyonnel dan en fason ki a fasilite zot pou ganny en travay ek *internship* pli tar.

Sa labours *Fulbright* ti permet mwan fer en *internship*. E se la ki mon ti fer mon *post academic training* avek en konpanyi ki apel *Enterigy*. *Enterigy* i en konpanyi Ameriken ki founi servis elektrisite dan 4 leta Lanmerik. I en pe parey sa ki *PUC* i fer, sof ki *PUC* i donn elektrisite, delo ek servis lasenisman. Tandis ki dan *Enterigy* i donn selman servis elektrisite.

Kot *Enterigy* mon ti zenn *Business operation and strategy team* pou *Louisiana* kot mon ti kontribye dan diferan responsabilite. Mon ti osi form parti en *NGO* ki apel **EBB* ki mon ti lans en *bootcamp* ki ti dir 1 semenn pou entrodwir bann etidyan lekol segonder ek Liniversite avek lendistri lenerzi. An Out mon ti konplet mon langazman anba sa program *Fulbright* e retourn Sesel.

Madanm Chair, Manm Onorab vwala an gro en rezimen pou mon parkour ziska ozordi. I fer mwan gran plezir *maintenant* pou reponn zot kestyon. Mersi Madanm Chair.

MADAM CHAIR

Mersi. Nou ava pran bann kestyon aprezan. Onorab Romain ?

HON GEORGES ROMAIN

Mersi Madanm Chair. Bonn apre midi Madanm Chair. Bonn apre midi Ms Belle. Mwan personelman mon vremen kontan pou vwar ou dan sa sez. Felisitasyon pou ou nominasyon. Menm si ou en zenn az, byen dir bagaz ki ou annan mon krwar ou pou kapab deservi dan en pozisyon koman Minis.

Mon premye kestyon mon ti a kontan demann ou selman. Ou laz ou en zenn fiy 33 an, mon mazine dan ou Minister mazorite dimoun pou posibelman pou pli vye ki ou. Alor, ki mannyer ou pou fer fas avek ou lanvironnman travay pou fer sir ki ou Minister i delivre?

Mon dezyenm kestyon i dan menm laliny, mon ti demann sa avek en lot dimoun ki ti pas dan ou plas. Anvi ki nou konnen bann *public service*

in toultan annan en sityasyon kot nou'n ganny gete nou dir trenn lipye, byensir i annan ki travay byen. Me par kont i annan ki pa pe vreman fer sa travay byen.

Anvi ki ou pou vin en zenn Minis, sa pou en gro *challenge* pou ou, ki mannyer ou pou fer sir ki ou bann *staff* dan ou Minister i vreman delivre pou benefis pep Seselwa la deor? Mersi Madam Chair.

MS KALSEY VIJAY BELLE

Mersi Onorab. Mersi Madanm Chair. So, lo premye kestyon lo kestyon mon laz. Wi, i vre mon zenn, me dan tou mon bann parkour ek bann diferan konpanny ki mon'n travay avek e bann keksoz volonter ki mon'n fer. Bann aktivite volonter mon'n toultan bezwen travay ek bann dimoun ki annan plis leksperyans dan sa spesyalite ki mon pe travay ladan, ouswa bann dimoun ki pli aze ki mwan.

E mon toultan pou dir ki koman en zenn mon'n toultan demann gidans ek bann dimoun ki annan plis leksperyans, ki annan plis spesyalite dan en domenn ki mwan. So, mon mazine pou mwan kapab travay avek bann dimoun dan Minister ki pli aze i pa pou en problem, aköz

mon'n deza fer fas ek sa. E zis pou donn en legzanp, parey *Entergy*, mon ti premye analisis dan sa departman kot nou ti al travay.

E tou leres ti dan *Entergy* an *average* 18an a 25am, konmsi zot karyer dan *Entergy*. So, mwan mon ti sa enn pli zenn. E mon ti bezwen propoz bann solisyon pou bann problem, bann defi ki annan. So, mon ti bezwen travay avek zot pou konpran e apre propoz bann solisyon e donn zot bann rezonnman aköz mon krwar nou devret al koumsa. E ler zot ti dir mwan non, nou'n deza fer nou ti toultan kolabore pou nou kapab war meyer solisyon.

Lo kote dezyenn kestyon, en gran parti manifesto ki Lepep Seselwa in elekte Prezidan Herminie pou enplimante i *focus* lo *service delivery improvement*. So, i annan mwan menm mwan dan sa pozisyon si zot aprouv mwan mon krwar mon'n demontre sirtou dan bann aktivite volonter kot mon kapab enspir dimoun ek mon lenerzi.

Dan bann diferan keksoz ki nou fer sirtou ek bann zenn dan kominote, ou bezwen sirtou dan bann aktivite volonter kot dimoun pa pe ganny rekonpans finans par egzanp. Ou bezwen annan sa lenerzi montre zot sa

dedikasyon, sa lobzektif par deryer bann keksoz ki ou pou fer.

So, mon krwar mon pou servi sa koman en fason, an menm tan i annan bann lezot fason parey zot in war *AI*, bann *tools digital* osi pou *improve service delivery*. Mersi. Mersi Madanm Chair.

MADAM CHAIR

Onorab Trevor Louise.

HON TREVOR LOUISE

Mersi Madanm Chair. Bonn apre midi Ms Belle. Felisitasyon lo ou nominasyon. I fer mwan en gran plezir pou war en lot zenn ozordi pe pran enn bann lofis pli o dan pei. Mon kestyon pou ou se ou en zenn ki'n sezi tou loportinite ki vin devan ou, sa i kler atraver ou *CV*.

Koman en Minis byento, ki bann loportinite petet ki ou pou kapab travay lo la pou asire ki lezot zenn ki pe aspire pou pran lezot pozisyon swa dan Gouvènmman ouswa dan pei an zeneral i kapab sezi? E eski ou e plan pe enport ki *portfolio* ki ou pran i annan okenn lantant avek bann *NGOs*? Mersi.

MS KALSEY VIJAY BELLE

Mersi Onorab. Mersi Madanm Chair. Lo premye kestyon lo ki mannyer mon pou *provide* bann

loportinite pou bann zenn. Mon krwar ki bann zenn zot annan sa lenerzi, zot annan sa devosyon, zot anvi travay pou pei, zot anvi kontribye pou transformasyon nou pei. Mon krwar petet bann zenn in santi zot pa pe ganny sa, zot pa pe ganny sa lanvironnman kot zot pe santi ki bann kontribisyon ki zot pe fer i pe ganny pran an kont. E ki zot pe partisip ladan.

So, mon ti a kontan koman en zenn mwan menm, mon anvi travay for. Si zot aprouv mwan mon pou travay for pou mwan kapab kree sa lanvironnman pou epanouir nou bann zenn, e donn zot sa loportinite.

Me pa zis pou donn zot lide e zot bann solisyon, wi zot annan zot tre kreativ zot annan inovasyon. Me osi pou zot form parti sa. Si mwan ganny aprouve mon kapab form parti sa transformasyon, savedir tou bann zenn i kapab osi kontribye pou dan bann enplimantasyon bann diferan program.

Lo kestyon si mon annan lantant enkli bann *NGOs*. Konsernan sa, mon kapab donn legzanp sa Proze *Blue Economy Internship* Program ki nou ti fer 2016 anba *SYAH Seychelles*. San *partnership* prive, Gouvènmman nou pa ti pou kapab reisi e *of course* *NGO* ki

SYAH ti pe enplimante. Nou pa ti pou kapab fer, nou pa ti pou kapab enplimant li.

I ti en partnership en kolaborasyon tou le 3 *entities*. Donk, mon krwar NGO i zwe en rol vreman enportan dan kominote. E i pou ed Gouvernman pou *achieve* son bann lobzektif e vizyon. Mersi.

MADAM CHAIR

Onorab Hoareau.

HON JOHN HOAREAU

Mersi Madanm Chair. Bonn apre midi Madanm Chair. Bonn apre midi Kalsey. Mon san dout konnen poudir ou en dimoun ki travay tre dir, e ou en lenspirasyon pou bann zenn. Mon'n form parti bann dimoun ki'n *teach* ou oparavan *Independence School*.

Mon kestyon pou ou Kalsey se ki si zanmen ou annan en *portfolio* ki annan pou fer avek lazenes, ki ou krwar i pou eleman pli enportan pou en Polisi pou annan sa partisipasyon lazenes dan lakominote premyerman e pou lepanouisman lazenes an zeneral dan pei?

E osi mon ti a kontan konnen vi ki ou'n travay en pe letan avek *Travizory*, mon ti ava kontan konnen anvi ki sa i en lenstriman enportan pou *border*

control, ki ozordi i annan en pti pe kontroversi lo kote *US* lo sa size. Ki pou ou pozisyon vi ki ou'n travay, ou'n ede devlop sa sistenm ziska ozordi. Ki ou pozisyon lo sa sistenm *Travizory* an se moman. Mersi.

MS KALSEY VIJAY BELLE

Mersi Onorab pou kestyon. E mersi Madanm Chair. Lo kote si mon ganny sa *portfolio Youth* pou epanouir bann zenn dan kominote dan sa premye 100 zour, zot in koz lo *Youth Empowerment Council setup* sa. E mon krwar sa i en bon nide.

I annan apre sa, e sa mon pou aplik dan tou *portfolio* ki mon pou pran. Mon krwar i enportan premyerman rankontre tou bann *technocrat*, bann administrater dan Minister pou konpran kote etabli nou *baseline* kote nou ete *right*? Ki bann Polisi ki la, ki bann polisi ki pe marse? Ki bann Polisi ki pa pe tro marse e aköz i pa pe tro marse?

E ler nou'n fini etabli sa *baseline*, la nou kapab la nou pou zwenn ek bann *stakeholder* nesaser ek konsiltasyon ek bann ek dimoun dan piblik, pou nou kapab form, devlop, *improve* bann Polisi ki pou ed nou ariv kot sa vizyon ki nou'n *set out* dan manifesto. E toultan mon krwar nou devret,

mwan mon en for krwayan lo si ou enkorpor nide bann dimoun ou enkli zot dan sa prosedir i kre *buy in*. E dimoun i pli santi zot annan en par ladan, e zot pli anvi kontribye.

Lo kote *Travizory*, mon'n aret travay laba i fer detrwa letan. Me kantmenm sa, mon'n swiv bann diskisyon ki'n annan dan lo *Travizory*. E mon krwar i annan en pe konfizyon lo *Travizory*. I annan *Travizory* koman sa lorganizasyon ki *provide sa platform, sa software* ki ou pe ganny servi apre i annan sa *Border Managing System* parey ou'n dir.

So, mon pou donn ou mon pwennvi lo tou lede. Apropo lo *Travizory* koman sa lorganizasyon, ler mon ti *join Travizory* ti an Out 2021. So, mon ti napa okenn previ lo kontra e kondisyon eksetera. Mwan mon ti ganny. Mon ti ganny *recruit* koman en travayer pou mwan enplimant proze. E mon'n travay ek en tim fantastik, ki i annan bann Seselwa tre zenn, tre kapab ki'n anvi *provide* sa servis pou nou kliyan pou kliyan *Travizory* Gouvernman Sesel.

So, mon ti ganny loportinite travay ek Imigrasyon, *Customs*, e bann *Law Enforcement Agencies* pou nou aranz *customize sa product*

pou ed sa bann lazans mye fer zot louvraz. Lo konteks en *Border Management Systems*, mon krwar tou pei i devret annan en *Border Management System*. Nou bezwen protez nou frontyer.

Ler nou koz lo nou kontan larises nou pei, labote nou pei son bann resours e nou osi anvi protez nou bann dimoun, nou bezwen konnen lekel ki pe antre dan nou pei. So, avan sa *Border Management System* elektronik ki nou annan *maintenant*, nou ti annan sa kart ble ki nou ti ranpli lo avyon avan ou antre Sesel.

So, toultan Sesel in annan en *Border Management System*. E mwan mon krwar annalan nou devret touzour annan en *Border Management System*. Mersi.

MADAM CHAIR

Onorab Larsen.

HON CECILE LARSEN

Mersi Madanm Chair. Bonn apre midi tou dimoun. Felisitasyon Ms Belle lo ou nominasyon. Mon kestyon pou ou. Dan vizyon Gouvernman ki met lanfaz lo *empowerment*, bann madanm e egalite ant madanm ek zonm, eski ou kapab eksplik Lasanble ki mannyer ou pou travay pou

retir bann lobstak sistemik ki ankor egziste dan bann landrwa travay e an menm tan ankouraz plis madanm e sirtou bann zenn pou pran bann pozisyon, desizyon e diriz bann lenstitisyon piblik? Mersi Madanm Chair.

MS KALSEY VIJAY BELLE

Mersi Onorab. Mersi Madanm Chair. Koman en zenn, koman en madanm mon konpran sa bann defi ki nou fer fas avek pou nou kapab *prove* nou lekor parey zot dir. E mwan mon konsey ek tou bann zenn madanm, i pa zanmen les sa dekouraz zot. Ler ou pran en loportinite pa mazine napa en garson oubyen en msye ki'n deza fer. *It does not matter.*

Ler mon'n pran mon bann desizyon pou mwan *apply* pou loportinite, mon pa'n pran sa an kont. Mon get plis si mon annan sa bann *skills*, si mon kapab devlop sa bann *skills* aköz mon krwar ou bezwen zis travay for.

Wi, ou pou gannyen bann defi e ou pou bezwen *prove* ou lekor ki normalman parfwa ou bezwen travay de fwa pli for pou ou kapab mentenir sa loportinite ki ou'n gannyen.

So, in terms of ki mon pou fer, si mon ganny aprouve mon pou sey premyerman *be that role model* ki mon pou travay for

pou pa dezapwent bann zenn. Aköz mon krwar zot pe met en ta konfyans si mon ganny aprouve pou mwan perform. E sa pou mwan i vremen enportan ki mon travay for.

Apre osi mon pou fer sir ki nenport *portfolio* kot mon ete, vi ki mon dan *Cabinet* tou *Cabinet Papers* ki ganny diskite, mon pou fer sir ki i annan en eleman zenn ki ganny enkorpare. E partisipasyon zenn ki pe ganny fer.

E byensir mon annan en ta dalon, en ta dimoun ki mon konnen dan kominote. So, mon pou anvi zot apros mwan pou koz ek mwan. E mon kont lo zot Onorab vi ki zot, zot annan en bon lantant dan zot kominote pou zot osi ouver laport ki bann zenn i partisipe. Mersi.

MADAM CHAIR

Onorab Lepathy.

HON NELSIA LEPATHY

Mersi Madanm Chair. Bonn apre midi. I avek bokou lafyerte ozordi apre midi ansanm avek lakominote Grand Anse Mahe ki mon oule felisit ou pou ou nominasyon koman en Minis.

Ms Belle, dan nou manifesto in met lanfaz lo servi lenerzi renouvlab koman en sours alternativ pou fer desann pri elektrisite e osi delo pou

bann konsonmater e biznes. Baze lo ou letid aprofondi ki ou'n fer dan lasyans ek teknolozi, ki bann lavantaz ki ou kapab dir nou ki servi lenerzi renouvlab i kapab anmennen pou nou sosyete e pou nou lekonomi? Mersi.

MS KALSEY VIJAY BELLE

Mersi Onorab. Mersi Madanm Chair. So, i enterese *nuclear energy*, sa teknolozi *nuclear technology* i annan detrwa lannen i la. Me dan sa dernyen detrwa an mon krwar i demann en *resurgent* lo lentere *nuclear energy*, akòz lemonn pe war ki sa bann *targets decarbonization* ki nou ki lemonn pe viz anver pa pe ganny *meet, right?* I annan sa.

Aprè i annan avek devlopman teknolozi i annan en gran demann pou lenerzi. So, *nuclear energy* lo kwa ki fer li pli enteresan la i avan ti zis *traditional nuclear energy* sa bann gro *pipeline* ki egziste. *Maintenant* i annan en ta resers ek devlopman ki pe arive dan bann *nuclear energy* parey (*SMAs*) *Small Modular Actors*.

Dan mon letid, nou'n mon'n ganny loportinite kot nou'n konpran bann loportinite ek defi ki annan ek *nuclear energy*. E apre sa, *Entergy* li i *manage* apepre 27 pousan a

30 pousan son lenerzi i ganny prodwir avek *nuclear energy*. So, mon'n ganny loportinite pou mwan al vizit zot bann sit *nuclear energy*, bann *traditional nuclear energy* parey mon'n dir.

E mon'n war bann revelasyon, bann laspe *safety* ki otour bann sa bann *plant* pou *manage* li. Setadir, mon pa en *expert*, mon pa en *nuclear energy engineer*, me lavantaz ki mon war ek *nuclear* i parey mon'n mansyonnen *it's clean*. I *provide* en *reliable* sours lenerzi parey *solar energy* avek *wind energy*.

Son dezavantaz li i ki ler i aswar napa soley, nou pa ganny sa lenerzi ler napa divan ou pa ganny sa lenerzi. Wi i annan teknolozi batri ki pe ganny devlope, me i ankor ase ser. En lot lavantaz ek *nuclear*, bann *SMRs* si tou i ki sa grander lespas ki zot bezwen pou prodwir sa menm kantite elektrisite ki solar ek *wind* pou bezwen en lespas ki bezwen i bokou mwens.

So, sa sirtou ler ou get dan konteks Sesel kot napa en ta later, sa i en eleman tre enportan. So, dan mon lopinyon mon pa en *nuclear engineer*, so, nou bezwen konsilte bann *experts* ki san sa domenn. E an plis bann dimoun ki konpran konteks Sesel a profon, bann

dimoun kot *PUC* ki konpran *great stability* eksetera, ki zot a fer zot resers osi pou etabli en *technical thing*.

Me sa ki mwan mon kapab dir i mon krwar nou devret kontinyen reste okouran, aköz dan lemonn antye zot pe envestir en ta larzan bann Gouvernman ek bann Sekter Prive apre zot pe devlop zot Polisi anver pou ankouraz devlopman *nuclear energy*.

So, mon pa ti a kontan ki Sesel nou met sa de kote konpletman, nou *ignore* li konpletman apre 2028/2029 kot bann Sekter Prive parey *TerraPower* eksetera pe dir zot pou lans zot premye *commercial SMR* i lanse. Apre nou, nou pe *scramble* nou pe sey rode konmsi kisisa ki mannyer nou pou etabli si nou kapab met Sesel.

Mon krwar nou devret reste okouran dan menm fason ki nou pe reste okouran anver *solar, wind, natural gas* eksetera. Mersi.

MADAM CHAIR

Onorab Roucou.

HON MICHEL ROUCOU

Mersi Madanm Chair. Bonn apre midi a tous. Bonn apre midi Ms Belle, en zenn madanm. Ms Belle anefe mon

premye kestyon ki mon ti pou demann ou in fini koz en pti pe lo la *border security* li menm li.

Dir nou, si ou kapab dir ek Lasanble ek Lepep Seselwa deor ozordi ki pe gete espesyalman bann zenn, ou koman en zenn ozordi ou pe aspire pou vin en Minis, ki definitivman ou pou vini, ki size li menm li ouswa kek Minister ki pli pre avek ou, ki ou, ou war li ou ti kapab anmenn en pli gran kontribisyon ladan li menm li? Mersi.

MS KALSEY VIJAY BELLE

Mersi Onorab. Mersi Madanm Chair. Si mon ganny aprouve, mon krwar i dan responsabilite Prezidan pou li *allocate* mon dan sa *portfolio* kot i krwar mon pli byen plase pou mon kontribye. So, mon pa pou donn ou en larepons lo ki mon Minister pli prefere, aköz mon pare pou mon travay pou mon pei.

So, nenport *portfolio* ki mon gannye mon asir bann zenn sirtou, ki mon pou travay for pou mon kapab *improve* sa *service delivery*, e ede dan transformasyon Sesel e etabli sa vizyon ki nou'n mete dan nou manifesto. Mersi.

MADAM CHAIR

Onorab Robert David.

HON ROBERT DAVID

Mersi Madanm Chair. Bonn apre midi tou Manm, bonn apre midi osi manmzel Belle felisitasyon pou ou nominasyon koman Minis.

Mon rekonnet atraver ou CV manmzel Belle ki ou'n partisip dan diferan aktivite lazenes, par egzanp i annan *Positive Youth Award Scheme*, *The Duke of Edinburgh's Award Scheme*, parmi lezot. E paz 22 nou manifesto i koz lo lazenes *sport* ek devlopman potansyel kreatif. E enn son bann linisyativ se pou ranforsi bann program *leadership* pou lazenes.

Eski ou kapab dir nou si Lasanble Nasyonal i aprouv ou nominasyon koman Minis, ki mannyer ou pou servi ou lenfliyans koman en Minis pou promouvwar lespri volontarya parmi popilasyon Sesel? Mersi Madanm Chair.

MS KALSEY VIJAY BELLE

Mersi Onorab. Premyerman, mon pa ti pou kot mon ete ozordi san sa bann aktivite volontarya ki mon'n fer. Wi, *academic* i toultan i enportan, nou bezwen al lekòl, me i annan bann laspe bann *skills* ki ou aprann anver fer bann lezot keksoz bann lezot aktivite.

I kapab bann aktivite volontarya, i osi *sports* i annan bann diferan *qualities* ki i fer ou devlope, i fer ou *challenge* ou lekor. So, pou mwan enspir oubyen ankouraz bann zenn pou fer sa bann laspe volontarya; -

so *far* ki dan fason ki mon'n fer i mon'n toultan partaz mon leksperyans, mon'n toultan tou dimoun ki, tou bann zenn ki parfwa ki apros mon oubyen bann dimoun menm i apros mwan i demann mon bann *advice* lo keksoz mon toultan demann zot fer en balans lo *academic*, travay eksetera.

Toultan fer letan pou fer bann lezot aktivite, akòz i pa en gaspiyaz letan fer *volunteering*. I annan sa, i fer ou kontan, i annan sa laspe kot mon pa konnen ki mannyer mon ou dekrir li, *but* konmsi pou ou ed dimoun, pou ou la pou ou war sa diferans ki pou pe fer kominote i *very*- i ed ou osi tou ler ou anba en ta stres i ed ou *distress* akòz ou war konmsi *there's a bigger it's a- things are bigger than yourself*.

So, mon pou sey servi sa e an menm tan vi ki mon si mon ganny aprouve e mon en Minis, fer sir i annan bann striktir an plas, i annan bann Polisi an plas ki aktyelman tous dimoun

pou ankouraz zot fer sa laspe *volunteering*. Mersi.

MADAM CHAIR

Onorab Toussaint.

HON JEAN TOUSSAINT

Mersi Madanm Speaker. Bonn apre midi Ms Belle, felisitasyon pou ou nominasyon koman enn bann Manm *Cabinet*. Bonn apre midi tou bann Onorab e bonn apre midi tou bann dimoun dan lakour ki pe swiv nou.

An relasyon avek sa laspe Lenerzi e Sanzman Klima sirtou, Sesel koman en pei avek resours vreman limite ki swa imen ouswa natirel, sanzman dan klima, eski Ms Belle ou kapab dir nou vilnerabilite nou pozisyon koman en Leta Zil, eski ou krwar nou dan pozisyon pou nou kapab ganny avek bann lorganizasyon enternasyonal plis resours pou nou investir dan lenerzi renouvlab ki ava kapab permet nou devlopman al bokou pli byen? Mersi.

MS KALSEY VIJAY BELLE

Mersi Onorab. Mersi Madanm Chair. Ou'n demann mon en gro keston la, mon pa pou dir mon kapab koz lo lapar bann lorganizasyon enternasyonal.

Me, mon krwar ki i annan bann resours ki nou kapab fer

resers, regarde i annan sirtou nou bann bon *partnership* ek bann lezot Gouvernman ki'n ed Sesel dan lepase. Nou annan en ta bann program ki *UN*, *WHO* eksetera mon pa anvi site la akoz i annan bokou.

E mon krwar ki nou kapab gannyen sipor dan diferan fason, i pa touzour dan fason zis finans i annan osi Resours Imen, *technical assistance* eksetera.

E mon krwar nou sirtou moman en *Small Islands Developing State* i annan resours a nou dispozisyon ki nou kapab tap ladan pou nou ganny led, sipor e gidans. Mersi.

MADAM CHAIR

Onorab Georges.

HON BERNARD GEORGES

Mersi Madanm Chair. Bonn apre midi Ms Belle. Mon bezwen mazin tre byen ki mannyer mon pou fraz mon keston, *so that* tou dimoun i konpran li. Ou'n ganny demande pou ou pran en plas Minis, *and that's great*, ou'n eksplik nou ou karyer akademik - *super, 3 A stars, 1 A, First Class Honors*.

Me, lefe i reste ki ou'n travay *PUC and Travizory* e ou pe vin en Minis dan Gouvernman. Konpran mwan

byen, napa naryen- mon napa naryen kont Minis ki annan 33an, *far from it*.

Me, ou pou rankontre en kantite dimoun laba deor ki pou annan en prezidis, *it's going to happen* nou tou nou konnen, 'ar ou zenn,' sa kestyon in ganny demann ou deza mon pa ou repet li - 'ar ou zenn ou'n travay zis *PUC* avek *Travizory* ki ou pe vin montre nou.

Ler ou ti ganny aproz, eski dan swa ou lespri oubyen dan laktyalite ou ti dir avek Prezidan, *hang on, I'm only 33*, met mon en lot landrwa mon ava travay, epi dan 1, 2an kekfwa si ou war mon pe perform la ou a kapab anmenn mon dan *Cabinet* oubyen ou pa'n fer sa refleksyon e ou'n dir," *ya why not, I have the ability, I have the energy* mon kapab fer li."

Mon ti a kontan ou persepsyon lo sa ki mon fek demann, ou aköz *it's a big job*. Krwar mwan Minis i en gran *job* e mon konnen ou konn sa osi. E enn bann ron ki mon demann ou sa kestyon Ms Belle e mon fer li aköz ou en dimoun ki mon konnen, mon konn ou papa, mon konn ou manman, ou pa en dimoun nouvo.

Ler ou'n reponn sa kestyon lo *nuclear energy*, ou'n donn bann eleman pozitiv, i

marse aswar, i - batri pa ankör ariv a en nivo lemonn pe bouz dan sa direksyon, me ou pa'n mansyonn *the downside which is* ki en lenerzi danzere - i en sours danzere.

Ki mannyer ou pou fer sa lekivalans dan ou travay, ant ou lenerzi koman en zenn, ou lentelizans ki *obvious*, avek *the downside?* Sa prezidis ki ou pou rankontre aköz ou zenn e ou entelizan e ou regard kote negativ dan tou sa ki ou fer olye zis aksepte kote pozitiv? Mersi Madanm Chair.

MS KALSEY VIJAY BELLE

Mersi Onorab. Mersi Madanm Chair. Premyerman pou adres sa kestyon lo *nuclear energy*. Vre mon'n liste son bann lavantaz aköz mon ti pe sey reponn kestyon ki ti ganny demande a mwan son bann avantaz.

Mon ti anvi zis klarifye i pa en lenerzi danzere, i annan wi si i an en aksidan i- nou tou nou konn *Chornobyl, Three Mile Island* ki ti arive Zapon ler ti annan sa *earthquake*, nou tou nou konn sa, *Fukushima yes, exactly*. Nou tou nou konn sa.

So, parey tou teknolozi i annan son danze, e mon pa pou *downgrade* sa. I en keksoz ki mon'n koz lo la ler mon'n koz lo *entergy* sa leksperyans ki

mon'n gannyeu ler mon'n al kot sa bann *traditional nuclear site*, mon masyonn bann protokol *safety*, bann regilasyon ki annan otour li.

E so pou nou *mitigate* sa risk akou tou keksoz ki annan en risk, nou bezwen met bann *safety protocol*. Pou *SMRs* *actually* sa bann rezon ki annan enn parmi bann rezon ki annan en ta lantere ladan i akou bann *safety mechanism* ki zot pe ankor *incorporate* ladan i dimin bokou sa danze, sa persepsyon danze ki annan ek *nuclear energy*.

Apre pou bann keksoz pli teknik sa mon ava les pou en enzenyer nikleer koz lo la.

Lo kestyon- lo ler mon ti gannyeu aproz ek Prezidan pou pran sa plas. Mon krwar Onorab Hoareau i kapab konfirman ki mon en- mon ti en etidyan e mon koman en dimoun mon toultan mazin en ta avan mon plonz dan en keksoz.

Mon kapab donn ou legzanp resaman mon'n fer sa *Triathlon Escape from Alcatraz* Lanmerik kot mon ti naze sorti apezre *Surf Island* ziska Mahe, Roche Caiman, pran en bisiklet, mont lo bisiklet mete *Clock Tower* ziska Baie Lazare apre taye Anse Gaulette, apre taye pou ziska Barbarons dan son

term bann zistans. E ti osi dan en delo ki vremen fre, 12 degre- 12 *degrees celsius* eksetera. I ti annan en bon- en ta defi.

Avan mon ti anrezistre dan sa konpetisyon mon ti fer mon *pros and cons*, mon ti mazin mon annan apezre 2 semenn, mon ti koz ek dimoun ki'n deza fer sa konpetisyon pou zot gidans e mon ti fer en ta resers *basically*.

Lo menm- lo menm sityasyon ler mon ti gannyeu aproz avek Prezidan, mon ti mazin en ta lo la. E osi ler i ti apros mwan i ti dir mon'n enn de bann rezon akou i pe apros mwan pou sa nominasyon. I ti konpran wi, ki mon en zenn, ki akou sa i enn bann konsern ki mont i dir ou konnen mon zenn, mon bezwen gidans.

Mon'n travay *PUC* ki pa Minis Gouvernman direk me i en *parastatal* so sa, e i ti dir egzaktaman zot anvi enn son bann keksoz ki i atire bann kalite ki mon annan i sa diferan perspektiv.

Mon pa krwar ki mon pou annan larepons pou tou keksoz. Koman en Minis ou pa en *expert*, en *technical expert* ler ou en Minis. Koman en Minis ou la pou ou travay avek ou tim, pou ou ankouraz bann *stakeholders*, bann dimoun otour ou pou vin dan sa

direksyon ki in ganny *formulate* pou sa- dan sa Minister sa vizyon i la.

So *yes*, mon'n mazin bokou lo la, e avan mon'n aksepte mon'n konpran sa lenpak ki i pou annan, me apre mon'n mazin ki mon anvi travay pou mon pei.

E mon'n ganny sa loportinite koman en zenn e mon krwar i mon devwar pou mon kapab rann mon pei - konmsi travay pou mon pei e rann li bann keksoz ki li in fer pou mwan.

I annan *a saying* ki mon asire ou, ou konnen, en Prezidan Ameriken ti dir, "*Don't ask what your country can do for you but what you can do for your country*". So, mersi.

MADAM CHAIR

Onorab Gill.

HON CHURCHILL GILL

Mersi Madanm Chair. Bonn apre midi Ms Belle. Mon pou servi en legzanp, aköz mon'n tann 2 keştyon lo ou laz.

Mwan ler mon ti dan prive, ler mon ti ganny *promote* pou vin *group manager* pou *international chain* mon ti annan zis 35an. E mon ti annan *Berjaya Beau Vallon Bay*, mon ti annan *Berjaya Mahe Beach* ek *Berjaya Praslin Beach* pou

mon *run*. E mon'n fer li, mon'n fer 31an, mon'n kapab fer li san okenn problem.

So, pa toultan ki nou devret per si en dimoun i zenn, o kontrer sa dimoun son potansyel sa letan i pe devlope e la i *the best timing* pou bann responsabilite ase lour pou kapab byen ankadre li.

Mon keştyon se lo ou CV, lo ou bout *clean energy* ek *utility*. Rezon ki mon pou demann ou lo sa aköz sa i en enn parmi ou bann pwen for. E mwan mon santi poudir a en pwen dan devlopman Sesel nou pou bezwen abord sa size.

Ozordi Sesel, nou annan *challenge* avek lasesres ki nou tou nou konnen. Apre osi nou annan, nou pe servi bokou *fossil fuel* ki pa neseserman *the way forward in the long term*. E sa i fer ki a en pwen dan nou devlopman nou pou bezwen fer fas avek *nuclear energy*.

E pou le moman parey ou dir, i ankor pe devlope e nou napa ekspertiz ladan. Me selman mon krwar sa i en size ki *given* sa bann leksperyans ki ou'n akimile, mon krwar dan *Cabinet* vi ki nou annan sa bann *challenge* avek *utilities* avek delo i en size ki nou devret koman fer travay lo la.

At least annou gete ki kantite letan ankor ki nou pou

kapab servi sa ki nou pe servi la avan ler ki nou bezwen bouz lo sa lot *level*?

E sa i ava ed nou pou nou kapab fer en preparasyon ki ler letan i arive Sesel koman en pei avek sa nouvo lapros ki Prezidan Dokter Herminie pe pran avek son nouvo *Cabinet*, kot tou topik ki nou konnen i pou tous lo en pwen nou bezwen adrese li.

So, dan sa sans mon krwar poudir en keksoz ki mon ti a swete se ou kontinyen, devlope dan sa direksyon aköz Sesel pou bezwen sa a en moman donner.

Eski ou krwar sa i en keksoz ki petet dan ou bann leksperyans ki ou'n pase deor i en keksoz ki zot osi zot krwar a en pwen dan devlopman limanite sa keksoz pou bezwen ganny pran kont e pou bezwen ganny enplimante? Mersi.

MS KALSEY VIJAY BELLE

Mersi Onorab. Mersi Madanm Chair. E felisitasyon pou ganny en pozisyon tre eleve a 35an ou donn mon en pe lankourazman. Mersi. Mon toutafe dakor avek ou ki nou devret reste okouran bann devlopman ki pe annan anver nikleer.

Enn ban laspe ki zot ti montre nou, zot ti *emphasize* lo la e sa ti dan lekol *Tulane* kot

mon ti ete e osi *entergy is diversity of your energy mix*. Ki savedir sa? Ou pa selman *as much as possible* ki ou kapab fer li ou devret annan en balans bann diferan lenerzi, fason ki ou zer lenerzi *natural gas, solar, wind* eksetera sa i vreman, vreman enportan.

Mon pa dan en pozisyon pou mon koz lo part *PUC*, so mon pa pou fer sa ditou. So nou, nou devret - mon toutafe dakor ki nou bezwen eksplor li e vi ki mon enterese ladan mon pou touzour swiv li, mon bann *podcast* mon en dimoun *podcast* ler mon fer mon legzersis mon ekout *podcast*. Mon toultan reste azour lo sa i pe arive lo lemonn antye.

E lo *Cabinet of Ministers* si mon ganny aprouve, nenport *portfolio* ki mon pou lo la, mon pou toultan met mon konesans, kontribye mon konesans. Aköz a lafen dizour mon lo en *Cabinet it's the collective decision* ki ganny pran. So, mersi.

MADAM CHAIR

Onorab Grandcourt.

HON ALVIN GRANDCOURT

Mersi Madanm Chair. Ms Belle, mon oule felisit ou pou ou nominasyon, dan sa nouvo *Cabinet*.

Koman en dimoun ki pou annan en rol dan devlopman Polisi nasyonal e en zenn ki mon'n war ou'n byen angaze avek bann *youth*, ki mannyer ou war ou kapab donn plis pouvwar bann zenn sirtou lo zil Praslin, La Digue atraver bann programm spesifik sirtou dan domenn *sport* ek devlopman personnel?

E, eski ou annan bann stratezi oubyen partenarya ki ou anvi met an plas pou asire ki bann zenn lo zil i ganny akse avek bann loportinite ek resours ki annan valer pou zot? Mersi Madanm Chair.

MS KALSEY VIJAY BELLE

Mersi Onorab. Mersi Madanm Chair. Wi, parey mon'n koz lo la depi avan, mon anvi fer sir ki bann zenn i ganny enkli dan tou laspe, tou *portfolio* ki annan, tou laspe –(sorry)- lavi ki annan, lakaz, *sport* kiltir eksetera.

An term bann programm egzakt pou sa, mon annan enn de nide, me parey mon spekile avan nenport *portfolio* ki mon gannyen i enportan ki nou konpran kote nou ete. Akoz vre i ana nide, si i annan keksoz ki'n deza ganny fer ki i menm nide ki ou annan la i pa fer sans *recreate the wheel, right?*

So, sanmenm sa mon anvi travay, mon lentansyon i pou mon travay ek bann teknokrat ek administrater ki dan Minister avek apre regard bann lenformasyon ki nou annan pou nou etabli kote nou ete, kwa ki marse, kwa ki pa marse e akoz i pa marse. Petet i annan en senp pti *adjustment* ki nou kapab fer.

E akoz mon anvi enkli bann zenn, sa i osi aplik pou bann zenn Praslin, La Digue ek *Inner Islands*. Mon pa pou fer *distinction* lo nou bann zenn mon pou envit zot abor e zot osi zot annan bann diferan defi e ler zot pe kontribye nou fer sir bann Polisi solid ki nou devlope i enkorpor tou sa bann defi ki annan lo Mahe, lo Praslin lo La Digue, lo *Inner Islands*.

E mon kont lo, ankor mon kont lo zot sipor ki si bann- pou zot ouver laport ek bann zenn pou nou. Mersi.

MADAM CHAIR

Onorab Labonte.

HON ANDY LABONTE

Mersi Madanm Chair. Ms Belle mon osi mon anvi felisit ou pou ariv dan sa *post* la ankor ase zenn. So, mon annan 2 pti kestyon, vi ki ou en zenn e ou en zenn ki ou'n pas ou peryod ledikasyon dan lenstitisyon

prive ou pa'n dan *state school* parey nou dir.

So, petet avek ou leksperyans ki ou'n gannye dan lekòl prive, ki manyèr ou pe mazin petet pou anmenn sa dan nou sistèm ledikasyon, ki kapab annan en gran amelyorasyon dan petet dan term ledikasyon nou mazorite Seselwa ki pas atavèr ledikasyon sistèm piblik?

Aprè dezyenman nou konnen poudir drog avek lalkol i 2 fleo vremen, vremen, vremen ki pe ravaz nou bann zenn e popilasyon an zeneral. So ki manyèr ou pe mazin petet pou enflyans bann Polisi pou fer sir petet parey Gouvènman avan ti pe lalit kont eliminasyon drog e reabilitasyon.

So, dan sa lespri konmsi ki manyèr ou pe mazin pou ou kapab ede pou ler ou pou zwenn *Cabinet* pou enflyans bann Polisi ganny pran? Mersi.

MS KALSEY VIJAY BELLE

Mersi Onorab. Mersi Madanm Chair. Premyèman, mon'n ganny lopòrtinite fer mon parkour edikasyonnel *both* dan prive ek piblik akòz mon ti al *SALS*, ki *it's a state school*, mon ti en etidyan dan tou lede lenstitisyon.

So, selman mon pa pou kapab dir ki mon ti administratè oubyen mon pou kapab donn en lopinyon eksper lo ki manyèr pou *run* en lekòl. Mon *krwar that's kind of out of place* mon pa pou kapab dir ou sa.

Me mon pou kapab definitivman donn mon leksperyans ki diferans mon ti war ant sa 2 lenstitisyon. E ler mon ti al lekòl, 10an, 15an pase ler mon ti laba, mon *krwar* nou bezwen get son *the holistic picture*. Wi nou kapab koz lo resous, ki manyèr laklas i ete eksetera.

Me osi i depan lo sa bi sa dimoun osi, akòz ler mon ti *A levels* dan lekòl Leta i annan bann dimoun ki annan – *like* kapabilite i la, konmsi *it's also to do* wi nou bezwen fer bann *adjustments* lo tou lede kote. Me nou bezwen osi prenon kont nou responsablite osi koman bann etidyan ki manyèr pou devlop nou.

So, mon pa pou kapab donn ou en larepons egzakt ki manyèr pou fer sa akòz parey mon dir mon pa en ekspèrt ladan. E selman mon pou kontribye mon bann leksperyans.

Lo kote drog ek lalkol sa wi i en gran problem e i en problem ki i tous mon bokou,

akoz mon war mon zenerasyon dimoun otour mwan pe ganny afekte e i osi redwir progre ki nou pei i kapab fer aköz i bann-Resours Imen i talan ki pe ganny derobe, ki pe ganny- ki pa pe kapab donnen partisip dan devlopman nou pei.

E mon krwar nou bann laspe Polisi i pou sa osi. Mon krwar annandler nou bezwen regarde kwa ki kekfwā i fer ki dimoun i ganny enfliyanse pou al dan bann fleo koumsa. Parfwa, ler nou mank sa aspirasyon, sa bi, i pli fasil pou nou tonm dan bann move fleo.

Wi, i annan bann laspe lanvironnman osi annan en ta fakter, mon pou dir sel, me osi nou bezwen gete ki mannyer nou kapab motiv dimoun ki zot pa ganny- zot pa tonm anba move lenfliyans. E an menm tan wi, bann mezir parey sekirite fer sir i pa pe antre dan pei sa i en lot laspe.

Me mon krwar nou bezwen get plis olistikman lo *the bigger picture*, ki bann keksoz parey *mental health* i kapab *trigger* ki en dimoun i pli vilnerab pou li tonm dan sa bann fleo. Mersi.

MADAM CHAIR

Nou ava pran 2 dernyen keştyon. Onorab Sandra Sultan avek Onorab Aglae.

HON SANDRA SULTAN

Bonn apre midi Madanm Chair. Bonn apre midi Ms Belle e bonn apre midi tou bann zabitan ki a lekout. E parey nou konnen ki nouvo Ladministrasyon US pe donn son langazman pou en *leadership* ki enkliziv, responsab e ki baze lo dyalog.

Mon keştyon i dir nou ki lapros ou pou pran pou ou asire ki pep Seselwa, ki okenn Minister ki ou pe ganny mandate avek i reflekte sa langazman? Mersi.

MS KALSEY VIJAY BELLE

Mersi Onorab. Mersi Madanm Chair. Sa lapros i en lapros konsiltasyon, mon kont lo-parey mon'n dir avan mon kont lo zot sipor osi pou ouver laport. Me osi mon krwar ler mon ti ganny nominasyon ti annan en ta mon *network* ki ti *reach out* pou felisit mwan eksetera.

So, mon pa pe mazine sa i pou sanze ler zot, ler i annan problem mon krwar lazenes i ava santi lo konfortab pou li apros mwan. Me menm nou pou annan bann striktir an plas ki- i pa mwan koman en endividi i pou annan sa lanvironnman ki nou pou kree ki i pou fer ki annan sa platform kot zenn pou kapab kontribye, pou kapab partisipe zot pou

ganny konsilte e zot pou ganny enkorpoze.

Ler nou koz lo zenn, zenn i travay, zenn i dan bann Minister, i dan bann sekter prive. So bann program ek Polisi ki nou devlope pou tous bann zenn e zot pou form parti sa bann Polisi ki nou devlope. Mersi.

MADAM CHAIR

Onorab Aglae.

HON EGBERT AGLAE

Mersi Madanm Chair. Mon vreman rekonforte pou war en zenn aze 32an ki byento pou ganny apwente Minis, zis parey 2020 letan nou ti annan Minis Devika Vidot ki ti aze 32 an li osi e ki ti ganny en vot animite e mon swete ki lot kote latib osi i donn sa sipor parey i ti arive pou sipor nou bann zenn.

Mon premye keston, mon pou retoun en pti git lo size *Travizory*, ok e ou'n fer resorti ki ou ti a swete ki tou pei i annan li en *proper E-border system*. So, parey Moris obor nou ki annan li en *E-border system* ki pe marse.

E dan nou bann kanpanny sa sizyenm Lasanble sa size *Travizory* in monte. Be eski ou panse poudir nou kapab annan nou en *fully fledged modernised E-border*

system, san ki nou pou bezwen depan lo en lakonpannyen *Travizory* ki baze enternasyonal ki en pti pe size kontansyon dan lepase? Sa i enn.

E dezyenman, dan nou manifesto osi nou koz lo servi *AI* dan servis piblik pou fasilite bann travay ki annan pou fer. So, avek ou bagaz ki ou annan, petet ki fason ki ou santi ou kapab premyerman akseler sa demars e osi anmenn sa kiltir?

Akoz parfwa *we need some mindsets change* pou nou kapab adapte avek lavansman teknolozi. E petet ladan ki mannyer ou mazin en pou kapab enkilke en kiltir ki pou anmenn nou ver sa lavansman kot nou ava annan en sistenm *AI* ki ava gouvèrn dan nou servis piblik? Mersi.

MS KALSEY VIJAY BELLE

Mersi Onorab. Mersi Madanm Chair. Lo size *Travizory*, eski Sesel pou kapab annan en *fully fledged system*?

Mon'n travay *Travizory* 2021 ziska 2022 e i enn en solisyon, en model ki annan. Parey nou war teknolozi avans tre vit e mon pa krwar a se moman la mon pou kapab pronons mon lekor lo tou bann model ki annan e bann platform aköz mon pa'n servi zot, mon

konn zis sa enn *Travizory* e mon konn li zis 2021 ziska 2022.

Alors, mon krwar ler sa lenvestigasyon i komanse, petet i bann keksoz ki sa komite, sa Komisyon *Enquiry* i kapab get ladan e Gouvernman Sesel osi i kapab lyez ek bann Departman *IT* konsernen lo si zot kapab enplimant devlop sa *product*.

Lo konsernen size *AI* pou *facilitate*, pou akseler li e son devlopman, mon osi mon ankor pe aprann. *I mean AI* i son bi i kontinyen aprann e i kontinyen sanze, e ou pa aprann *AI*. Ki mon krwar i enportan pou nou konpran i annan aplikasyon, bann diferan aplikasyon *AI* dan diferan laspe dan diferan lendistri ganny servi dan diferan fason.

AI i la pou li *improve efficiency*, e mon krwar en fason ou akseler son adopsyon i nou bezwen *train* dimoun pou konpran kan mannyer pou servi li. E i annan sirtou parey i annan sa domenn *front engineering ok*, mon a servi en legzanp en *basic example* parey *chatGPT*, wi ou kapab demann en kestyon lo *chatGPT* apre i a rann ou en larepons.

Me si i annan bann keksoz pli - annandler ler ou ganny sa larepons i pa egzakteman kan mannyer ou, i pa egzakteman sa solisyon ki nou ti pe rode

eksetera, so nou bezwen aprann kan mannyer pou byen servi li.

Lo kestyon *mindset change* dan mon bann diferan leksperyans ki mon'n annan, mon'n bezwen form parti parey zot dir *change management*. Nou tou nou annan rezistans avek- *with change*, normalman. I annan bann dimoun ki pli *ok* avek, me sirtou dan en landrwa travay i annan e rezistans aköz dimoun i annan persepsyon ki sa sanzman i swa i pou, i riske afekte zot negativman.

So, nou bezwen fer sir ki dimoun i konpran ki sa nouvo sistenm, sa nouvo keksoz ki pe vin an plas i la pou ed zot, i la pou fasilite zot lavi e pou napa dimoun ki pe al dimoun pa pe al perdi zot travay ou zot bann lezot keksoz aköz i annan sa lentrodiksyon teknolozi dan zot lavi.

I parey ler nou'n ganny telefonn, nou'n war telefonn ki mannyer i e fasilite nou lavi konmela. Mon asire ler i ti fek ganny enplimante ti annan en pe *reluctance*. So, *yes*. Mersi.

MADAM SPEAKER

Mersi Ms Belle. Nou'n ariv a lafen nou bann kestyon, nou ava prezan eskiz ou e nou ava sorti dan *Committee Stage*.

Bon, deba i aprezan ouver lo Mosyon. Onorab Naidu.

HON SATHYA NAIDU

Mersi Madanm Speaker. Dabor felisitasyon Ms Belle, koman pli zenn nomini pou pran pozisyon koman Minis. En responsabilite ki enorm, e Lepep Seselwa i annan en gran lekspektasyon.

Espesyalman lazenes Seselwa zot annan laspirasyon, e prenon kont ou koman en zenn ou'n pas dan en parkour pou ou ariv kot ou'n arive kot ou'n sirmont tou sort kalite lobstak pou *attend* bann lobzektif dan lavi.

E ozordi nou dan Lasanble Nasyonal, mon panse baze lo repons, baze lo kestyon ki'n ganny soumet i demontre pou dir ou annan en nivo konpetans, ou annan en kapabilite enorm pou non selman konfortableman reponn ou bann kestyon.

Me an menm tan, nou konnen pou dir ki prenon kont ou pe vin lo en kontra sosyal ki apel en manifesto, ki ou parti in prezante avek elektora.

Ou koman sa nomini ou'n demontre pou dir ou konn manifesto. E pli boner i pa'n neserman le ka avek en lot kandida.

Alors, ladan menm nou'n nobou kapab fer en distenksyon

kler. Zisteman lo size lalkol ek drog i en eleman ki pe vreman afekte nou zenerasyon la deor, e dan kar St Louis nou'n envestir apepre R6 milyon pou nou met lenfrastruktir an plas.

E mon swe se ki avek ou sipor si ou pran *portfolio*, nou kapab kontiny lo sa menm larout kt ozordi zour lalkol ek drog napa son plas.

E mon swe se ki sa *policy* ki nou nou'n entrodwi dan distrik St Louis i a vin en legzanp pou lezot distrik, kot dan fasilite sportif pou napa plas pou drog ek lalkol.

Se plito bann manifestasyon sportif ki ava retrouv son plas atraver lenvestisman serye dan bann program sosyal, ki pou asire ki tou le semenn lafen dimwan *you name it*, dan bann diferan distrik i pou annan bann aktivite sportif i pou annan ban aktivite rekreasyonnel pour nou kapab fer sir ki bann zenn i annan bann meyer distraksyon posib.

E zisteman, nou size akse avek finans i en lot pwen, i annan en ta zenn la deor ki annan pa mal nide. Me malerezman zot mank sa konesans neser pou zot konnen ki laport ki zot pou tape pou fer zot rev vin en realite.

Alors mon swe se ki lo sa kote, akse avek finans pou bann zenn ki le fer zot rev vin en realite, i pou annan en travay ki ava ganny fer pou asire ki zot pou kapab *attend* zot.

E nou bezwen konsyan pou dir ki ozordi zour *sports* wi, in annan en ta lenvestisman ki'n ganny fer par ladministrasyon avan pou met Stad Linite lo sa oter ki nou war li ozordi pou met bann *Tennis Courts* lo sa oter ki la ozordi.

E menm bann diferan fasilite partou kote, kot in kapab ganny fer, in ganny fer. Me selman a lafen di zour nou bezwen rekonesan pou dir ki zesyon *sports* i vin lo bann federasyon.

E mon rapel lafason ki *CJSOI* ti'n ale, vizavi *basketball* bann fiy. Mon rapel parol sa *coach* kot i ti pe eksprim son konsern, e ozordi zour nou konnen kot *basketball* madanm in ale a sa ki konsern leta ki sa *sport* ti trouv li ladan.

E sa se aköz nou'n annan en federasyon ki pa'n delivre, e i annan pa mal federasyon ki annan bann diferan disiplin sportif ki pa pe fer zot bout, e i enportan vi ki zot, zot in ganny pouvwar pou asire ki bann federasyon, mon konnen pou dir *it's a fine line* dan ki sans ki

federasyon i endependan e Gouvernman pa pou kapab enterfer dan zesyon bann federasyon.

Me selman i annan en leokri la deor pou asire ki i annan, i annan travay ki ganny fer pou anmenn *sports* lo sa oter ki bann atlet, ki pe pratik ban diferan disiplin i le ki arrive.

Me malerezman ozordi nou'n war lafason ki, mon pa pe dir tou federasyon, me i annan en bon poursantaz bann federasyon lo lafason ki ganny zere, i zis parmi en serten group.

En group ki konekte, ki rod en fason ou lot pou manipil bann prosesis elektoral pou zot retourn dan bann pozisyon ki fer ki finalman sa spor pa ariv lo sa oter.

Alors, vi ki lazenes ek spor i mars ansanm, mon swe se ki sa dimoun ki pou pran sa *portfolio* ki pou bezwen fer fas avek sa fardo ki li pou vin zwenn, i ava trouv tou mwayen posib pou asire ki *sports* dan Sesel i ariv lo en pli o oter posib.

E wi, in annan lesey dan lepase pou nou fer nou mye posib. Me nou bezwen fer fas avek larealite, nou bezwen adres serten sityasyon avek tout fransiz, avek tou respe pou bann koleg.

Wi. Nou annan en pe tapaz lo lot kote, mon pa war okenn rezon aköz i bezwen annan en tel kalite latitid.

Let's call a spade a spade pour nou kapab nou de lavan annou pa sey vin avek bann lezot keksoz pou sey zistifye pozisyon ki pa fer sans. E a sa ki konsern sa mon annan tou konfyans pou dir avek Ms. Belle, dabor mon ava envit ou pou vin dan distrik St Louis pou war potansyel ki annan dan sa distrik.

Akoz lo kote foutbol pa nonmen, nou ki'n tenir plis *Premier League* ki nou kapab mazin, e byensir St Michel in donn nou pa mal an term konpetisyon dan lefase. Lo kote bann santer, nou annan bann santer tre renonmen ki sorti St Louis, mon pa war lot distrik ki kapab vin avek nou.

Lazenes la deor i annan en ta talan ki bezwen tap *into*. E mon swe se ki nou bann zenn, nou bann zenn pa vin en zouti politik ki nou zis mazin zot le moman ki eleksyon pe aproz.

Me plito nou mazin zot tou dilon pou asire ki nou kapab fer tou sa ki posib pou fer sir ki zot pe *attend* zot lobzektif dan lavi.

Kekfwa pou terminen, mon le zis fer resorti pou dir Manmzel Belle, in fer resorti poudir in edik dan prive e

menm lo baz Gouvernman, e i regretab mon pa'n ganny sans pou met devan sa pwen.

Ou konnen *educational loan* mon garanti Ms Belle, i konn sa tre byen in vwayaze in al aletranze in ganny *distinction* dan son domenn pou li.

I annan en ta zenn la deor ki pa ganny sa menm loportinite, ki bezwen fer de bout zwenn, ki bezwen fer trwa *job* pou zot kapab pey zot *course fees*.

Nou ler sa size *educational loan* in vini, in annan en propozisyon pou dir ki, ler ou pa pe zwenn 18 pwen, la ou ava ganny en sans pou ou pran en *loan*.

Akoz malerezman ou pa'n kapab zwen sa tarif, ou ava ganny en lot loportinite pou ganny akse avek finansman kot Leta i ava pey 3.5poursan, ou osi ou a pey 3.5poursan apre ki ou'n ganny plase dan travay.

Napa nanryen mal ladan, sa i vize ver en sans egal pou en dimoun k pa'n kalifye ganny en sans. Dan le pase mwan mon'n pas ladan.

Mon papa ti bezwen al apros *ANHRD* e sa letan ler mon pa ti kalifye sa letan ou konnen ki zot ti dir? I annan *part financing*.

Be mon grannwanr ti napa sa mwayen pou li al kot en

system banker pou li pret larzan pou mon kapab kontiny mon letid dan en serten sans.

Alors *what is wrong with a student loan* dan en tel konteks? Rezon mon pe met sa pwen de lavan, se akòz nou'n poz sa kestyon avek bann diferan, malerezman pa Ms Belle. Me selman in annan bann lezot nomini, e zot in vin *on the defensive*, e zot in bat kalot ladan pou dir i pa neseserman en bon prodwi.

Mon konnen i annan lazenes la deor ki pe ekoute, e mon we se ki zot fer en analiz pli profon, e menm Ms Belle, ler le moman pou'n arive lo sa size mon panse li osi pou bezwen fer en refleksyon.

Me san okenn dout mwan mon pou donn li tou sipor koman Manm Elekte pou distrik St Louis, pou li ganny, pou li ganny apwente koman Minis pou li kapab komans sa travay lo lapar Lepep Seselwa lo lapar lazenes Seselwa, Mersi.

MADAM SPEAKER

Onorab Trevor Louise.

HON TREVOR LOUISE

Bonn apre midi Madanm Speaker. Mersi Madanm Speaker. Madanm Speaker, i en loner pour mwan ozordi pran

laparol pou si oule *endorse* Ms Kalsey Belle.

Parski Ms. Belle, parey nou'n atann i non selman en profesyonnel, me i en dimoun ki'n sezi tou loportinite ki'n vin devan li.

E sa ki nou pe vwar ozordi dan Sesel, sa ki nou pe temwayen ozordi, se ki nou pe viv nou demokrasi. Konstitisyon i fer provizyon pou en dimoun ganny nominen a laz 18an koman Minis.

E *United Seychelles* koman en parti politik, pandan sa dernyen kanpanny in montre nou ki vremen i krwar dan nou bann zenn.

Ozordi dan sez Vis-Prezidan, nou annan nou enn Vis-Prezidan ki pli zenn dan Sesel. Dan Lasanble Nasyonal nou annan nou en Speaker, Madanm ki pli zenn ki deza pran okenn pozisyon. *Ok.*

(APPLAUSE)

HON TREVOR LOUISE

Nou annan nou enn ban Manm pli zenn dan Lasanble Nasyonal, e sa se mwan, swivi par Ms Balisa Lepathy ki annan sa laz 35an.

E ozordi devan Lasanble nou pe prezant zot avek en zenn madanm a laz 33 an ki pe ganny nominen koman en

Minis. E sa i montre ki koman en parti politik nou krwar dan nou bann zenn.

Ms Kalsey Belle, i en dimoun ki'n pas en parkour ekstraordiner. I annan leksperyans nasyonalman ensi ki enternasyonalman, e mon konnen ki atraver son parkour i pou anmenn en kantite. An term, devlopman e lepanouisman pou lazenes.

Alors, parey tou lezot zenn ki pe anvoy mon mesaz pou felisit li, mon anvi ankore enn fwa sezi loportinite pou mwan dir li felisitasyon lo son nominasyon, e mon swet li tou le meyer.

I domaz ki parfwa letan nou war en zenn ouswa en madanm pran en serten pozisyon, nou toultan atann ki “i zenn nou a gete ki pou fer, nou a gete ki pou vin avek” ouswa “i zenn i mank li leksperyans.”

Kan bokou fwa ki en kantite zenn in fer en kantite keksoz pou anmenn nou pei kot i ete ozordi. Nou'n trouv sa an 2020 atraver Devika Vidot, ki ti vin dan Lasanble Nasyonal koman pli zenn Minis.

Dan leparse nou'n vwar Idith Alexander, nou'n vwar, nou'n vwar Jean-Paul Adam a laz 33an. Manm Lasanble

Nasyonal osi Jennifer Vel, *once upon a time* ki Jukaiya Jumaye.

Nou'n vwar en kantite zenn ki'n ed pou fer marse nou demokrasi pou ariv kot i ete ozordi. E nou bezwen respe nou bann zenn, pa zis rod zenn letan nou bezwen tir portre avek zot ouswa fer zot vin lo en *stage* pou sante pou zot aklanmen.

Me non. Nou bezwen apresye nou bann zenn dirizan dan pei, e asire ki nou donn zot tou loportinite pou kapab epanouir.

Avek sa mwan mon pe dir ki mon pou donn mon *full* sipor Kalsey Belle, e mon pe *look forward* pou war li delivre dan so *portfolio*. Mersi.

(APPLAUSE)

MADAM SPEAKER

Onorab Roucou.

HON MICHEL ROUCOU

Mersi Madanm Chair. Bonn apre midi ankore enn fwa. Annefe, mon petet mon ava kontinyen en pti pe kot Onorab Trevor Louise, in kite lo kote bann zenn li menm li.

Madanm Chair, annefe i toultan en privez ler ou war en zenn pe desarz, pe pran responsabilite serten pozisyon,

espesyalman dan Gouvernman lo kote *leadership* dan pei.

Be selman i annan bokou *challenge* la deor, espesyalman dan Gouvernman ler nou'n koz en pti pe lo kote servis piblik li menm li, lo kote bann *issues* ki annan.

E ki nou, nou kapab fer annefe pou nou kapab sey *improve* sa? Annefe, ozordi ou kapab dir poudir i annan Gouvernman *US* la. Avan ti annan Gouvernman *LDS*. E oparavan ti annan Gouvernman Parti Lepep.

E i napa nanryen menm ki'n sanze. Gouvernman in vin ek plizyer *policies*, rod fason pou sey ankouraz travayer pou zot delivre dan en pti pe pli meyer, an term lo kote servis piblik, pou fer sir pou dir nou pep la deor li men li i ganny sa servis ki i merite ler i pe vin rod sa lasistans dan nenport ki fason.

Ozordi Sesel nou war pou dir nou annan bokou bann *scheme* ki ganny met a dispozisyon nou bann dimoun la deor.

Be selman ki fason ki ou kapab ganny atase pou ganny akse avek sa bann *scheme*? Ozordi nou'n war pou dir. Wi, nou annan en zenn Minis. Eski demen nou as bann politisyen

ki mannyer nou pou ankouraz plis bann lezot zenn?

Eski demen ler Minis Belle, i sorti dan sa pozisyon li menm li, e ki kalite leksperyans i pou'n kapab akimile li menm li ki pou annan, pou li demen pou li al ankouraz plis bann lezot zenn la deor?

Ozordi ki nou war dan bokou bann servis piblik li menm li, nou annan bokou bann dimoun ki'n la pou sitan bokou letan.

Eski ki mannyer ozordi, i annan sa *pattern* ki se ki si mwan mon'n la pou sitan bokou letan sa enn ki vin apre mon, mwan mon pa pou donn li sa sipor aköz li in vin apre mon, e ler i vini ozordi, aköz li in ganny en serten pozisyon. So, mon sey rod en fason pou mon dekouraz li?

E man mon mesaz la deor se ki, tou dimoun ozordi i al rod en servis par kont dan nenport ki letablisman. Dizon mon pa en dokter, mon desann pou mon al lopital mon al rod sa servis, e mon ekspekte pou dir ler mon ariv laba man mon ganny sa servis ki merite.

E ki mannyer ozordi, dizon demen Ms Belle, koman en zenn li i ganny mete i ganny plase dan Minister Lasante. Ki mannyer li i kapab anmenn sa kontribisyon?

E i pa en louveraz ki ou kapab dir ki depan zis lo li, i en louveraz ki ganny fer par en tim li menm li. E ozordi ler nou pe koz bann zenn pran larelev demen.

E ki mannyer nou, nou pou ankouraz bann zenn? Nou asize souvandfwa parey mon fek tann Onorab Uranie, ler Onorab Naidu, pe fer son *speech* ou pe rikannen laba lot kote, ki i bann keksoz ki pa zoli.

I bann keksoz ki dan lepase zot, zot ti dir nou, nou ti fer ler nou ti lot kote. Be ki mannyer zot kapab fer pli byen ki nou? Ki ozordi nou sa lot kote latab.

Mon fek annan en zenn ki fek vin la, selman nou war en ansyen ansenyan dan plas vini donn lankourazman, rod en fason ki mannyer nou pou amelyor nou Lasanble li menm li dan plas fer sa, nou gognarde.

Mwan mo krwar pou dir se ki nou *as* en Lasanble, ozordi nou war poudir i annan bokou bann zenn, dan lepase nou ti annan Minis Devika, ki ti la. Ozordi nou war Ms Belle, nou'n war lot Ms, ankor ki'n vini oparavan la.

Pour nou kapab *empower* bann zenn ki demen zot pa ava war li en difikilte kot ler zot pe vin pran bann responsabilite ki annan bann lezot *leaders* la, ki

pou kapab donn zot sa ledikasyon, sa lankourazman.

Akoz ozordi Sesel i annan en ta loportinite li, en ta loportinite pou zenn. Petet i annan zenn ki zot pa pe kapab, zot pa pe war sa nesesite pou zot pran li.

Be selman an men tan ki nou war bann zenn pe vini pe pran bann pozisyon Minis la, kot demen bann larestan zenn i a war be i a dir, "Be mwan osi tou mon pou dir, mon kapab pran nenport ki loportinite. Ki demen mon kapab ranplas bann ki la, ki petet pe fer serten kontribisyon."

Madanm Chair, mwan mon'n al en pti pe lo sa laliny aköz mon war pou dir se ki nou pou vini lannen, e lannen nou pou koz lo servis piblik. Lekel Gouvernman ki ti pli bon, ki ti kapab fer servis piblik.

Bomaten nou'n tann, nou'n tann Madanm Charlette, in koz en pti pe pou dir ler li i ti la ozordi i war apre sa 5an servis piblik in degrade. I pa mars koumsa sa.

I pa depan zis lo nou. e i depan lo sa bann dimoun dan sa bann departman. Ozordi sanmenm sa ki ou war pou dir se ki, Gouvernman in vini in met bann nenport ki *format* lo sa bann striktir pou kapab sey ankouraz travayer pou dir

“Demen gete, ler ou vin travay ou leve kot ou, ou kit ou problem se ou, ou vin dan sa biro, ou vin travay pou pei.”

Parey bann bokou bann Minis i dir,

“Ozordi mwan mon pe vin dan sa pozisyon pou mwan travay pou pei li menm li.”

“Pou met pei an avan.” Ki mannyer nou fer li ki demen, ki ler ou vini ou pa pe get en parti politik?

E ozordi mon kontan, bokou bann zenn Minis ki'n vini la, bann zenn figir. Ozordi nou'n war zot vini avek en nouvo fason fer, mon pe swete ki demen ler zot in fini komans antre lo lelan dan sa bann pozisyon Minis, zot pa sanze. Zot pa sanze.

I annan bokou komitman ki'n ganny fer, nou'n note nou, bokou keksoz ki zot in dir avek nou ki demen tasyon nou komans tann bann travayer pe dir zot pe ganny viktimize, zot pe ganny dir isi. Sa ki nou ganny dir poudir tap travayer kalot ler i koz avek.

Nou pa anvi war sa bann keksoz koumsa. Nou, nou anvi war pou dir se ki, zot ganny plase dan bann pozisyon *leadership* pou zot kapab travay avek bann dimoun ki ganny vini par anba zot.

Kot i annan le neseseite, i annan fason fer pou nou kapab *deal* avek bann, nenport ki *issues* ki annan pou fer dan travay li menm li.

E nou pa la pou nou *point* ledwa ouswa pou vin get parti politik. E sa i al pou bann dimoun dan nenport ki servis piblik li menm li, pour zot kapab fer zot louvraz parey zot ti dir ler zot ti vin fer zot *interview*, zot in ganny plas travay pou zot travay pou Lepep Seselwa, travay pou tou dimoun.

E sa i vin parey sa dimoun ki demen ler pou fer *appraisal* sa dimoun ki par anba ou, pa aköz ki ou annan en problem ki ler ou pou fer son *appraisal* aprezan ou donn li en kalite latet fermal, ki ou pa donn li son pwen ki li i merite. Sa i vin en pwen dekourazman.

E nou, nou pe swete ki avek bann Minis ki pe vin la ozordi, ki vin devan nou Lasanble la, ki ler zot antre dan zot bann pozisyon kle kot zot pou ganny apwente, ki zot desarz zot responsabilite dan en fason byen li menm li kot zot kapab gid zot bann departman.

Madanm Chair, mwan mon napa problem pour mwan donn mon sipor Ms Belle, aköz i en zenn nou'n tann en pti

pe son bann largiman, son bann lopinyon ki'n vin avek la.

E mwan mon krwar pou dir i pou fer byen koman en zenn, nou pou donn li tou sa sipor e nou swete pou dir i pa ava sanz son fason ki ozordi ki i la, ki demen nou war li dan plas i pou travay pou tou dimoun i plito antre dan en pozisyon politik.

Dan bann desizyon ki pou petet, ki pou met li en pti pe an mal avek travayer li menm oubyen bann manm piblik.

Petet i ava *lead* bann dimoun dan bann departman kot i pou ganny stasyonnen pou avans Sesel parey li in dir devan. Mon pou donn li mon sipor, e mon swete pou dir nou ava travay ansanm pou en meyer Sesel demen. Mersi.

MADAM SPEAKER

Onorab Sopha.

HON GERRY SOPHA

Mersi Madanm Speaker. Pour mwan in en plezir pou war en zenn manmzel ler nou *almost* a lafen nou deliberasyon ozordi, kot in montre son *professionalism*, in montre son determinasyon, in reponn kestyon.

E pour mwan mon krwar i pou en lenfliyans pou bokou zenn dan Sesel, e se sa ki Sesel

i demande ozordi. Nou annan zouti, nou bezwen itiliz li koman i ankor nef si nou anvi rezilta pour pep Seselwa apre pou Sesel.

Madanm Speaker, in annan kestyon ki'n leve in annan serten pwen ki'n fer sorti dan deba par tou lede kote latib, e partisipasyon tou dimoun i fer sans.

Parski sakenn dimoun i annan son fason vwar keksoz, son fason panse. Me toutfwa i pa pou apes mwan fer resorti serten pwen ki nou'n atann pandan sa sesyon demann kestyon avek deba.

Ler nou ti komans sa deliberasyon pou *interview* bann nomini ki Prezidan Herminie, in anvoy dan Lasanble Nasyonal nou ti tann bokou largiman sorti lo lot kote latib, kot zot ti pe demande si napa bann figir nouvo, si napa bann dimoun ki zenn.

Me ki nou'n war apre midi? En zenn in vini, e i annan serten konsern ki'n ganny met devan e kestyon ki nou bezwen reponn.

Atraver ou Madanm Speaker, en dimoun ki'n annan bokou letan dan Lasanble. *Leader* Lopozisyon, in demann en kestyon avek Ms. Belle, son kestyon pour mwan i en kestyon.

Me selman pou sa ta leksperyans ki *LOTO* i annan, mon krwar i ti kapab reponn sa kestyon dan li menm san bezwen demann Ms Belle.

Son kestyon ti konm swivan, ti demann Ms Belle, si in reflesir en pe avan in aksepte sa nominasyon? Si Ms Belle, in ariv la devan Lasanble Nasyonal Ms Belle, i annan son paran. Mon konn son manman, mon konn son papa tre byen.

In fact, mwan zot enn mon zanmi. I annan son lezot lantouraz, son bann zanmi ki'n deza travay avek. Mon krwar i en desizyon ki li in aksepte ki'n byen kalkile. E in aksepte sa nominasyon.

Ms Belle, i konsyan pou dir i annan bann *challenges* devan li. E ler in reponn sa kestyon ou war dan son larepons.

I dir ou, li en dimoun konmsi, ki kontan pouse. E i montre ou ki kantite potansyel, kantite lenerzi determinasyon Ms Belle, i annan koman en zenn fiy Seselwaz ki'n ganny sans servi posibilite ki'n a son dispozisyon, e in ariv la koman en nomini Prezidan Herminie.

Ler mon regard lot kote si *US* in anmenn Ms Belle, in annan sa komanter par *LOTO* ek kestyon ki'n ganny demande, i ankor zenn.

Mon pou demann 5an pase, ler *LDS* ti anmenn ansyen Minis Lendistri dan son *Cabinet* ki laz i ti annan? Kestyon ki mwan mon pou fer sorti se ki. Eski napa kestyon pou demann en zenn madanm ki *LDS* i annan lentansyon anmenn li dan son ladministrasyon. Me i annan kestyon pou demann en zenn madanm ki ler Dokter Patrick Herminie, i anmenn li koman en nomini i bezwen reponn kestyon si in reflesir byen? Nou bezwen balans nou fason zize.

Madanm Speaker, mwan apre tou sa ki mon'n swiv i kapab kestyon, i kapab dan deba mon konvenki koman en papa, koman en dimoun ki annan leksperyans lavi ki Ms Belle, i pou vin en dimoun ki pou delivre.

E Ms. Belle, pou en legzanp po lezot zenn dan Sesel. Alor mon pou donn li tou mon sipor. Mersi Madanm Speaker.

MADAM SPEAKER

Unfortunately, nou'n ariv preski a lafen nou letan. Mon pou prezan demann Onorab Lemiel, pou en konklizyon.

HON SYLVANNE LEMIEL

Mersi Madanm Speaker. Bonswar tou dimoun a lekout. Madanm Speaker mon ti a

kontan remersye tou bann Manm ki'n demann kestyon ozordi apre midi, e tou bann ki'n entervenir lo Mosyon.

Devan nou nou'n annan Manmzel Belle, e mon sir e serten ki nou tou isi dan sa Lasanble nou'n konstate, e vwar ki Ms Belle, i en dimoun tre konpetan en dimoun tre, tre entelizan.

Wi, i zenn. Me selman nou tou mon krwar nou kapab vwar sa ki en zenn ki i pou kapab delivre koman en zenn Minis, e parey i annan pwen ki'n ganny fer resorti Madanm Devika Vidot, osi ti antre dan Lasanble - ti antre koman en Minis a laz 31an.

E ozordi Ms Belle, li i annan 33an e in ganny selekte, e in ganny nominen pou li deservi koman Minis dan Gouvernman aktyel.

Madanm Speaker, Onorab Georges, in demann en kestyon avek Ms. Belle, li. In demann li si i pa krwar petet ki- I dir li. Non, in fer li konpran ki komanter deor pe dir petet i en pti pe tro zenn pou vin koman en Minis.

Me par kont, i ti annan komanter osi deor avan ki ti pe dir si Onorab Georges, petet i pa santi li in son laz in ase monte pou sed la plas.

(Interruption)

HON SYLVANNE LEMIEL

Sa osi ti annan sa.

(Interruption)

HON SYLVANNE LEMIEL

Me. Non, pa rod mwan kot mon pe ale. Me i en kestyon ki li in demann Ms. Belle, komanter i annan deor ki i paret ki en pe tro zenn pou li vin en Minis.

E Ms Belle, in kapab reponn li son kestyon. *Ok.* Me mon'n dir dan sa Lasanble ki ti osi pa pou ofans Onorab Georges, me sa osi parey in dir i ti annan komanter deor, mon osi mon pe dir i annan komanter deo ki pe dir sa ti dan bann rafal eleksyon sa.

Ki ti pe dir, si i pa santi ki mon pe dir zot rafal eleksyon ti annan sa komanter ki ti pe demande si Onorab Georges, i osi pa ti kapab sed laplas?

So, therefore sa kestyon li menm i pa, i pa tenir si nou pe get laz en dimoun Madan Speaker. Si nou pou dir pou sa *issue* laz, i en problem pou nou. Swa sa dimoun i tro zenn, swa sa dimoun i tro vye.

I en Seselwa, i annan kapasite Madanm Speaker. kapasite pou li deservi son pei. E pou li deservi son pei tre byen, e mon pa krwar ki sa ti en

kestyon ki nou pou bezwen vin demann Ms Belle, ozordi.

Prezidan, li menm li in swazir bann zonm bann fanm, swa i zenn swa i pou aze. Me in swazir bann dimoun ki annan kapasite ki pou kapab fer li, kapab anmenn son Gouvernman pli devan. E mon re dir ankor. Pou delivre lo son manifesto.

Nou pe war nou en zenerasyon, en nouvo zenerasyon bann zenn *leaders* Madanm Speaker. E sa i enkli ou, ou osi ki dan sa sez ozordi ki pe Chair, nou Lasanble ki pe diriz nou Lasanble.

E letan nou'n kestonn Ms. Belle, tou sa bann keston ki'n ganny met devan li in reponn, e in reponn tre byen. I montre ou pou dir i annan sa konpetans, i annan sa *knowledge* dan bann diferan topik ki'n ganny met devan li.

E mon krwar ki Ms Belle, i pou en *asset* pou *Cabinet*, e letan nou pe regarde i annan sa bon lapros osi, e i pou fer tre byen.

I pou kapab petet ed osi anmenn nouvo nide, aköz sa bann zenn zot koman bann zenn ki pou antre dan *Cabinet* Minis zot pou kapab anmenn bann nouvo linisyativ, bann nouvo nide a bann lezot petet zot koleg Minis ki pou la. Ki

petet zot ava anmenn sa inovasyon, zot ava anmenn sa pli bon nide pou *stimulate* en pti pe bann Minis ki ti deza la avan ki pe re ganny mete koman Minis.

So, sa bann zenn ki la ava en *push* nou kapab dir deryer sa bann Minis pou zot kapab anmenn sa sinerzi *or* sa lenerzi ki nou kapab dir ki nou nouvo *Cabinet*, e nou Gouvernman pou bezwen pour li kapab fer sir ki i delivre lo son manifesto.

An dizan sa Madanm Speaker, mon ti a kontan demann tou bann Manm pou nou donn nou sipor Ms. Belle, pou son nominasyon koman Minis dan nouvo *Cabinet*. Mersi.

MADAM SPEAKER

Mersi Onorab. Nou ava prezan pas lo vot lo Mosyon. *In accordance with article 63(1) and 69(2) of the Constitution this Assembly approves the proposed appointment by the President of the Republic of Ms. Kalsey Julia Jacqueline Vijay BELLE to the Office of Minister.*

Tou bann Manm ki an faver Mosyon? Mersi. Okenn Manm ki kont? I alors ki Mosyon in pase apre midi, avek 27 vot pour avek 1 ki'n *abstain*. Nou pou aprezan *adjourned* ziska demen bomaten 9er.

(ADJOURNMENT)